



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

DEDICATIO.

dubitant. Vestrum est, vitia quaque reprimere, innocentiam morum & vitæ sanctimoniam promovere. Huc ergo omnem curam, omnia vestra studia, cogitationes atque operam conferte; hic Vobis non modò contentione, sed etiam omni dimicationis genere elaborandum: propter hoc, sancto lavacro, ut Ecclesia membra initiati, sacroq; Magistratu posthac aucti estis, & omnibus Dignitatis titulis, atque Virtutum insignibus illustrati. Vobis itaque, VIRI Illustrissimi, (qui turbidis his temporibus atque tristissimis, propter impendentem magni belli metum, atque annona caritatem, jugiter de summis rebus consilia capitis,) Religioni cumprimis etiam consulendum atque inserviendum est, ut post tot tantasq; nubes, affulgeat aliqua tandem spes resurgentis Reipublicæ Christianæ, quod fieri facile potest, si non tantum ut ferantur & promulgentur, sed etiam ut valeant leges adversus vitæ dissolutionem, ritè curaveritis. Quòd si athleticè ingenti animo atque alacri feceritis, (facietis proculdubio,) Rempublicam eadem opera stabilietis, & firmabitis, ut nullo unquam fortuna variantis incursu, nullo etiam squalentis ævi senio inclinet aut titubet, ut nulla deniq; vi hostium aut molitionibus injuriam patiatur, aut diminuat unquam, sed perennet perpetuoq; floreat. Sed plura præfari parvitas Opusculi vetat, ne porticus ade major sit; quo nihil planè ab-

DEDICATIO.

surdus : Vestra etiam Amplitudinis habenda est ratio, quæ à Clientibus literas observantiâ, & officio plenas, sed minimè verbosiores amat. Quid multis ? rem ipsam in pauca conferam ; libellum qualemcumque felici vel infelici Musarum partu editum, Vobis do, dono, dedico, quem si fortassis parùm elegantem, genere utpote orationis illiberali conscriptum inveneritis, modestum tamen eum cognoscetis, & pudentem, nihil à Vobis petiturum, nisi quòd Dignitas Vestra patietur, petitiones enim ejus neque à supplicis modestiâ, neque à Vestris Virtutibus abhorreere videntur : rogat enim etiam atque etiam, ea qua par est observantia, ut non tantùm donetur Civitate, sed etiam hospitio, quòd si impetraverit, satis benignè secum actum iri putabit, neque in sui tutelam, ut omnia malignorum tela scuto & parmâ suscipiatis desiderabit, absurdum enim esset, identidem invocare Joves ad pigmeos protegendos, ne dicam, injustum fore, si plus postulet, quàm ulli alii libello ejusdem natura tribui potest, omnes enim libri, qui sunt, fuerunt, vel futuri sunt, habuerunt, vel habebunt suos flagellatores : Candidi omnia candidè interpretantur, Phormiones nigri candida quæque denigrant, qui nihil rectè factum, nisi quod ipsi faciunt, putant, quorum planè nulla habenda est ratio, sed illis, prout res & tempus postulant, digi-

DEDICATIO.

rus medius ostendendus. Lucubrationes meae, quas evigilavi jamdudum, nolui ut perirent, malui sanè, iniquorum hominum ut paterentur rixas, quàm ut cum blattis & tineis perpetuò rixarentur. Habet & hoc in mandatis libellus, ut optimum se præbeat internuncium in concilianda mihi Vestra benevolentia, quam si fuero adeptus, ingenti afficiar letitia & quodam modo gloriâ. DEUS Vos, VIRI Illustrissimi, quam diutissimè sospitet, & pacato regimine beet ! id quod humillimis precibus ab ipso contendit

VESTRARUM DIGNITATUM

Submississimus Cultor

JENKINUS THOMASIVS,

ERgoné nunc iterum prodixi facunde THOMASI,
Nec cessas doctæ pandere mentis opus?
Ergo & materiam præbet Tibi Numen amanti,
Corde suo summum qui negat esse DEUM?
Scilicet es scatebræ similis, fontiq; perenni,
Quem quis perpetuas fundere cernit aquas.
Si sapis, egregium, Lector, pervolvito scriptum,
Nec poterit genio displicuisse tuo.

DUm furit impietas, redeunt dum sæcla Gigantum,
Inque DEUM cunctas explicat Orcus opes;
Tu scelus antiqua repetens ab origine pandis,
Armaque, quæis pugnat Gens inimica DEO.
Da veniam, quæso, non hoc de divite gaza
Speratum, non est de pietate tua.
Tunè tot in cælum quondam evibrata recudes
Et junges telis spicula prisca novis?
Scilicet arma istis credebas deesse profanis?
Nec nimium multis Numina læsa probris?
Verum ego decipior: Qui sic cuncta Athea narras
Dogmata, quæis firmi possit inesse nihil;
Nec dubias statui certo pro Numine nugas,
Verborum & densa nube latere doces;
Infandæ omnem animis doctrinæ evellis amorem.
Ah! sic describi crimina quæque velim!

HEm, quid ais, tales homines vixisse, THOMASI,
Qui fuerint ausi dicere: Non Deus est?
Falleris; haud homines, sed monstra scelestâ fuerunt
Ex homine, & bruto, & demone mixta malo.

N. BERNOULLI, J. U. G.



DIATRIBE
HISTORICO-
PHILOSOPHICA
DE ATHEISMO:
SIVE
HISORIA ATHEISMI.
CAPUT I.

§. I.

MIrè placuit Viris doctis omni tempore ea ratio Controversias tractandi, quæ iis subjungit earum Historiam, quippe quæ plurimum commodi secum ferre creditur; Videbimus enim scriptorum indolem, vivendi modum, conditionem atque captum illius temporis quo vixerunt; quales denique habuerint adversarios, aliasque circumstantias, quæ simul ignorantiam Lectoris & omne animi tædium & lassitudinem tolerant, inde est quod isti libri qui de ortu & progressu alicujus sectæ vel hæreseos agunt, semper in magno pretio sint habiti. Pelagianismi puta à G. Vossio conscriptus liber, vel hujus generis alii multò recenti ores Ex. gr. Arminianismus, Janse- nismus, Quakerismus & Quietismus habuerunt

suos singuli historiographos. Ideoque nemo, quemadmodum spero, mihi vitio vertet si hæreseos maxime omnium detestandæ, historiam diligenter pro viribus contexam.

§. 2. Sed ab initio est ordiendum, demonstrando & rationibus, & autoritate Eruditorum, reverà dari posse tales homines, qui sibi persuadent nullum esse supremum Numen, (vel, ut cum Theologis loquar,) dari Atheos speculativos contra sententiam vulgo receptam, quæ asserit, nullum posse dari Atheum propriè ità dictum, quia hæc propositio: *Deus est*, cordibus hominum inscripta, quæ quidem, ut in Atheis practicis, sepeliri, sed nullo pacto deleri potest; quod si vero Theologi bene attenderent Doctrinam de *Ideis Innatis*, neque sanæ rationi, neque Experientiæ, neque Revelationi innixam, non esset quod ità metuerent concedere, Atheos speculativos aliquando dari; innititur potius hæc sententia Platoniorum decretis, statuentibus æternas esse animas & nos nihil addiscere de novo, sed reminisci. Mathæus Palmerius Italus non multum abhorruit a sententia Platonis, cum statueret, animas esse Angelos, qui neque ad bonum, neque ad malum sese determinare voluerint, quamobrem Deus amandavit eas in corpora, ut aut bono aut malo sese addicerent. Si quæ sint hujus modi principia innata, in infantibus utpote nullo vitio acquisito aut præjudicio infectis, maxime vigere debent; sed hic contrarium videmus, Infantes enim per aliquot continuos menses præter sensum doloris atque voluptatis, caloris atque frigoris, vel ejus generis perceptiones alias, paucissimas existimantur possidere ideas, post hæc vero, cum organa magis
sint

sunt firma, versando cum multiplicis generis objectis, diuturnitate temporis infinitis ferè rerum ideis locupletant animum, atque ex his ratiocinando, formant sibi qualemcunque Dei Ideam. Modum acquirendi rerum humanarum atque Divinarum ideas, necesse est concedas, nisi forte duplicem intelligendi facultatem incongruè affirmaveris, unam ad res naturales, alteram ad res divinas intelligendas (de donis supernaturalibus non est sermo,) quæ hætenus affirmare sustinuit nemo, cum contrarium abunde pateat vel ex hac una consideratione quod nomina, quibus Deus & ejus attributa significantur, desumpta sunt à rebus creatis, & removendo quicquid sit imperfectionis & retinendo omnes perfectiones, summum Numen ejus generis appellationibus indigitamus. Exempli gr. Vocamus Deum *Spiritum*, quæ vox latine, græcè atque hebraicè denotat etiam ventum, aerem subtilissimum, cujus proprietates invisibilitas, velocitas commodissimè Deo possunt tribui; unde liquet opus esse ut prius cognoscam quid sit ventus. Novi Deum esse Ens cogitans, sapiens & bonum, sed hæc nomina desumpta sunt ab humana mente, & ejus actionibus, idem dictum puta de aliis multis ex Dei Attributis, atque appellationibus.

§. 3. Docet, fateor, Apostolus, Rom. cap. 2. ver. 15. esse naturalem notitiam Dei, quæ comparari & cordibus, inscribi possit, contemplando opera creationis ut inde facile deleri nequeat; non vero quod ante ullam contemplationem talis fuisset inscriptio, quod satis patet ex capite primo ver. 20. *Invisibilia Dei jam inde à condito mundo, ex iis quæ fecit, mente perpensa pervidentur, æterna videlicet*

ejus tum potentia, tum Divinitas. Neque hilum valebit dicere, Paulum in secundo Capite loqui de notitia innata, in primo autem de acquisita, cum ex contextu videre sit, discursum esse continuum & Scopum eundem, neque Apostolum fuisse ita Scholasticum. His ritè consideratis, non est quod affirmare dubitemus, subinde inveniri talia hominum monstra, quæ etiamsi vespertilionum instar, interdiu coram minime compareant, nihilominus in tenebris securè circumvolitant. Sed quid multis, eò impietatis à nonnullis ventum est, ut verbis, scriptis, atque vitæ institutis certiora signa darent se nullum credere Deum esse, quam multi, qui probi & religiosi haberi volunt, dant, se credere Deum esse.

§. 4. Sed ne cui parum probentur argumenta, vocabo in partes Viros Erudissimos. Clariss. *Tronchinus* in notis suis ad Systema Theologicum minus Wendelini Manuscriptis, disertis Verbis talia tradidit, *credimus dari Atheos corde & conscientia, nempe quando induraverunt corda, eò possunt devenire per frequentes repetitiones malarum cogitationum.* Habemus etiam exempla quorundam, qui mortui sunt Athei corde & conscientia; sic Cardinalis *Peronius* in lecto emortuali decumbens dixisse traditur, *omnes Religiones esse indifferentes, quia nihil expectandum post hanc vitam:* Vassor in Histor. Ludovici XIII. JOHANNES D'ESPAGNE in Erroribus popularibus, testatur, cum Viro litterato, & in suâ Professione satis celebri, Colloquia Seria se habuisse, cum esset jam fermè moriturus, qui inter alia dixit, se nunquam potuisse credere *se DEUM.* Cognovi & ipse, dum essem Londini,

Virum satis doctum, qui non dubitabat affirmare, se de *nihilo isto invisibili plane nihil credere*: Nomen tacebo, forsitan jam ad se rediit, quod faxit Benignissimum etiam erga hostes Divinum Numen. Neque video quid obftet *וְלִי בְּיָדָי* in corde suo Psal. XIII. Ita explicare, ut significet insignem stultorum inscitiam: qui eo impietatis pervenerunt, ut ausint toto corde credere, nullum esse Deum. Sed quid opus est pluribus, res ipsa proh dolor se aperit, tristissimis his temporibus! Cum scelerrata progenies non eo est contenta, in aulas principum, castra militum, & procerum ædes, jam dudum irrepisse, nisi in domus civium, officinas artificum, & tantum non in Colonorum tuguria, ulterius serpat, & omnia in urbe & ruri pestifera lue inficiat & corrumpat. Si quis iterum objecerit, nullum unquam fuisse qui ad supremum usque diem perstiterit Atheus, quin appropinquante morte, pessimum quemque ad se redire & summum aliquod Numen, nolentem volentem agnoscere: quicquid sit hujus rei, non multum laboro (etiamsi difficile forsitan esset probatu, quia cor hominis fallax atque inpervestigabile) sufficit pro meo scopo dicere, Atheismum aliasque hæreses neque diuturnitate neque brevitate temporis mensurandos. Atque uti non immeritò vocamus eos Soci-nianos, qui per aliquot annos vel menses pugnant contra Divinitatem nostri Redemptoris; non

secus ac si hoc fecissent per totam vitam;

Ita idem dictum puta de
Atheismo.

CAPUT 2.

§ 1.

HÆc si tam vera sunt quam quæ verissima, horresco quidem referens, operæ pretium duxi, præcipuas hic Atheismi causas proponere. Inprimis hic existimo culpandam esse vanissimam quorundam de Fato Sententiam, quæ per aliquot mille annos mortalium animos magnopere molestat, utpote sustinens, ab omni æternitate omnia ita destinata fuisse, ut nullis consiliis vel auxiliis, id quod est in fati evitemus, vel mutemus; imò nec consilio prudenti, nec remedio Sagaci, fatalem dispositionem subverti vel reformari posse. Cicero in lib. de fato, affirmat duas fuisse Philosophorum sententias hac de re, unam eorum, qui censebant omnia ita fato fieri, ut id fatum afferret vim necessitatis, in qua Sententia Democritus, Empedocles, atque Aristoteles fuisse; alteram eorum, quibus videbatur sine fato fieri animi motus voluntarios; Chrysippum tamen asserit medium tenere valuisse, cum & necessitatem improbat. & nihil vult sine præpositis causis evenire, ideoque causarum genera distinguit, ut & necessitatem effugiat, & retineat fatum, causarum, inquit, aliæ sunt perfectæ & principales, aliæ adjuvantes & proximæ. Quæ verba Chrysippi sic exponit Cicero, Nam quamquam assensio non possit fieri nisi comotum Viso (i. e. objecto,) tamen cum id Visum, proximam causam habeat, non principalem, banc habet rationem, ut Chrysippus vult, quam dudum diximus, non ut illa (i. e.) assensio quidem fieri possit ulla vi extrinsecus excitata. Causam assensionis secundum Ciceronem sic habeto, motus, inquit

quit, *voluntarius*, eam naturam in seipso continet, ut sit in nostra potestate nobisque pareat; nec id sine causa, ejus enim rei causa ipsa Natura est. Et argute satis refellit Cicero captiones Philosophorum, Sive, inquit adhibueris medicum, sive non adhibueris convalesces: captiosum, tamen est fatale medicum adhibere, quam convalescere. Insuper Stoici fatalem causarum concatenationem posuerunt, cui & ipse Jupiter obnoxius, secundum dictum Senecæ; Eadem necessitas & Deos ligat atque homines, irrevocabilis Divina pariter atque humana cursus rapit. Hinc incongrui, informes & tristes de DEO conceptus, qui hominem captiosum atque curiosum facile in Athsismum detrudent, vel in fatum physicum, quod omnia fieri necessario statuit, per concursum atomorum, & ab Epicuro nominatam τῇ τῶν φυσικῶν ἐμπερίῃ. & referente Cicerone, Corpora individua gravitate pulsa ad perpendiculum rectis. Nos Christiani, qui meliora novimus, diligenter quoad possumus fugiamus hujusmodi Philosophorum quæstiones, quæ rixas generant maximas, & parum vel nihil ædificant. Quod facile est factu, si semper cum Scriptura loquamur, tribuendo omne bonum DEO, & omne malum nostræ voluntati. Operationem divinam quod attinet in nostras voluntates, sufficit dicere, nequaquam esse vim, neq; tantum esse suasionem, sed summam efficaciam, quâ tollitur prava voluntatis dispositio. Viri prudentis est, nihil supra Vires suscipere, & si quæ sint quæstiones, quæ captum nostrum videntur transcendere, eas planè detrectare, aut modeste admodum de iis disputare, quia in hisce disputationibus docti atque indocti sunt pares, quia æque infelicitè disputant.

§. 2. Adde huc summam parentum, atque præceptorum incuriam, qua negligitur præcipuus Religionis articulus coli & juventuti inculcari, ita ut passim invenias viros ætate graves, articulorum, qui respiciunt mysteria fidei Christianæ apprimè gnaros, & cujuscunque officii civilis & religiosi mire peritos, quod si eos tamen rogaveris, ut dignentur argumenta aliqua proponere, quibus probetur DEI existentia, vel animæ immortalitas, planè obstupescunt subito, ceu fulgure aliquo afflati & perculsi, ut nihil habeant (nisi forte maledicta) quod reponant. Unde quæso tanta stupitas & ignorantia, nisi inde quod volumus haberi Christiani non vulgares, cum interea officia hominis plerumque nos lateant. Faverunt quidem stupiditati Aristotelici, asserentes, cum negantibus principia non verbis sed verberibus esse disputandum. Longe melius de re Christianâ merentur Viri egregii nostri temporis, qui de industriâ Theologiæ Naturali excolendæ operam non inutilem locarunt, quo conari nihil efficacius esse possit ad sistendum Athesmi cursum. Utinam omnes, qui Catecheticas institutiones in usum juventutis Christianæ scribendas suscipiunt, hoc seriò secum reputarent, hoc enim si facerent, non tam levi brachio, vel, ut fieri solet, intactis fundamentis religionis naturalis, ad alias quæstiones difficiliore properarent. Conandum est potiùs in primo limine demonstrare differentiam inter Spiritum & Corpus, quæ captum juvenilem neutiquam superat, modo perspicuitati studeamus: & hac unâ differentia rite explicata & percepta, impossibile videtur, ut quis fiat Atheus.

§. 3. Inter primarias Atheismi causas ponenda est superstitio quæ à Græcis *ἡσέδουνοια* nominatur, id est servilis timor Dei, qui etiam si de existentia Dei non dubitat, tristem tamen & noxium, esse credit, & talem Deum truculentum & minime benignum nemo equidem secreto dubitabit carpere, & plane negare (si existit) illum debere ex jure diutius existeri. Hic crassus cum Deo agendi modus, Luciano in tract. de sacrificiis ansam præbuit Jocosæ & cum multo sale de Diis Gentilium multa proferendi. Et Juvenalis Sat. 6. Ægyptiacam superstitionem acriter perstringit.

*Illius lachrimæ mentitaque murmura præstant
Ut veniam culpæ non abnuat ansere magno
Scilicet & tenui popano corruptus Osiris.*

Quænam quæso probabilior ratio Atheismi in Italia plus ceteris nationibus exuberantis, quàm gentis acris, qui facile perspicit tantas superstitiones cerimoniales, ad ostentationem & ad lucrum faciendum compositas, nihil aliud esse, nisi Sacerdotales fraudes & technas; & cum nullam meliorem norit religionem, facile in eam opinionem veniet, omnem scilicet religionem nihil aliud esse quam commentum politicum. Eò profectò spectant peregrinationes in longinquas oras, corporis flagellationes, abstinentia ab aliquibus cibi speciebus, ejusque furfuris superstitiones aliæ, quæ planè destruunt verum, quem de Deo habere debemus conceptum, qui planè & benignus, & nihil aliud à nobis postulat, quam solam innocentiam morum, atque Obedientiam, *quam si obtuleris, satis piè, satis religiose litavisti.* Lactant de vero cultu.

§. 4. Neque tacenda est detestanda illa animi superbia fastusque, quo plus nimio tribuimus nostro ingenio, solis æterni radios divinarumque perfectionum profunditates, luscis oculis contemplari, & bolide heu nimis brevi, tentare volumus: ex hoc animorum fastu & elatione provenit tantus sacrarum literarum contemptus, nova mundi sistemata Mosaico ex diametro opposita, & si credere fas est, etiam novi orbes proveniunt. Et quamvis omni contentionis genere, ad debellandam istam animi curiositatem & impotentiam urgeat nos sana ratio, & purior doctrina, nihil secius insistent suis cæptis, donec tandem, permittente irato DEO, tantopere obdurentur corda obducto callo, ut nihil amplius credere velint, nisi allatâ demonstratione Matthematica: Hinc Prophetarum & Apostolorum scripta, pro farragine variorum tractatum, à variis proprio motu conscriptorum existimantur. Hæc sane causa inquit *Spizelius* in Scrutinio Atheismi, cur *Petrus Bembus* ad *Sadoletum* veniens, eumque in enarratione loci alicujus Biblici occupatumprehendens, illud eructavit: *Omitte has nugas, non decent gravem virum tales ineptiæ.* Et *Lazarus Bonamicus* blasphemofastu dicere non erubuit, se odas Pindaricas Psalmis Davidicis præferre. His adde Angelum Politianum, qui roganti, an Biblia legeret, cum fastidio respondisse dicitur; *semel perlegi librum illum, & tempus nunquam pejus locavi.* Satis denique irreligiosè Religionis Medicæ Author: Sect. XX. ubi inquit, *fateor quædam in Scripturis Sacris esse, quæ si quis cavillandi animo legerit, nugacissimas quaslibet Poetarum fabulas superare videntur, omnium licet, & superiorum*

atatum legendas & præsentis ineptias percurras, vix quicquam reperias, quod cum Samfone certare possit. Sed antequam ad alia transeamus, infami stigmate notandi sunt illi, qui sub prætextu Atheismi expugnandi, eum interea astruunt & stabiliunt reverà, infirmando Antiquorum argumenta valida, & omnibus obvia, & loco horum substituendo rationes Metaphysicas & subtiles, quæ captum vulgarem transcendunt, & superant; hinc Antiquorum contemptus, novorum atque difficiliorum inordinata desideria: quæ argumenta Nova, cum discutienda veniunt & æqua lance ponderanda, evanescent in auram, leviora vento; Et Veteranis argumentis antea rejectis, mens humana fluctuat & vacillat, Atheis serius citius in prædam cessura. Insuper Viri docti & alias pii, qui scribunt contra Atheos sæpè sæpius argumenta hauriunt ex Sacra Scriptura, qua sanè methodo nihil infelicius, aut tristius esse potest, quia allegando Sacras Scripturas, supponimus Deum exillere, à quo illas emanasse credimus. Quod si cum Atheo tibi fuerit configendum, incumbit tibi, hanc propositionem Deus est, aliasque multas veritates probare, alioquin frustra plane allegaveris Scripturas, imò Atheum magis atque magis in opinione suâ firmaveris, quemadmodum si cum Judæo vel Turca disputandum, necesse est habeamus principia communia & ab utraque parte concessa, ut suo gladio jugulemus adversarium. Ex Scripturæ Sacræ indole, ex sublimitate puta rerum contentarum, ex consensu partium, aliisque ejus attributis argumentarilicet; non secus ac ex mirandis naturæ, partium consensione &c. Propter subtilitatem suam nimiam

fuere plures, qui improbarunt Methodum Cartesianam; & Spizelius, in Scrutinio causarum Atheismi, eam per quam acerbè tractat & minime comiter; *Cum enim*, inquit, (*inter Gallos educatus*) *Mercurium Gallicum* profunde biberit, & latentè sua philosophemata per Belgium dissemitarit, hæcenusque unanimes, etiam armarit in prælia fratres, subiit quorundam mentes, num ingenuè, an per insidias philosopharetur; Imò apertè quidem novam istam Methodum examinando, Cartesium cum Julio Cæsare Vanino Atheorum aquila comparare ausi, & potius calcem & lateres ad Atheismi muros erigendos, quam subvertendos subministrasse opinati sunt. Fateor, hæc in parte Cartesium à multis corripì, & inter alios à R. Cudworthio in suo *Systemate intellectuali*, qui eum affirmat Deum otiosum & inerteponere; & alius Scriptor Anglus Anonymus, qui scripsit doctissimè contra præexistentiam animarum, vocat Cartesium crudelissimum, & truculentissimum lanionem, cum non aliquas Hecatombas, sed brutorum species suo genio Philosophico mactaret, ut eum alacrius doceret Artem mechanicam. Hinc multi sibi timuerunt, ne forsan occasione data, ejus discipuli *Animas humanas* hæud magis comiter, vel benignius tractarent. Sed quicquid sit de ejus Metaphysica, in physicis eum omne tulisse punctum, à paucis negabitur; Neque vellem temerè tantum Virum insimulare Atheismi, qui tam clare ac distinctè materiæ atque Spiritûs naturam atque indolem explicuit, & à se invicem tam accuratè distinxit; quantum ad multa alia ejus argumenta, valeant quantum vale-re possunt.

§. 5. Huc accedunt Theologorum Digladiationes & animorum acerbitas de articulis etiam non rarò, qui neque bonos mores respiciunt, neque vitam æternam; attamen si quis a receptis systematibus discesserit vel latum unguem, vix homini! De omni spe amicitiae conclamatum est, & in Papatu pro hæretico habendus & vivicomburio, ni palinodiam cecinerit quantocyus, puniendus: qui procedendi modus, procul omni dubio, spectantium animos tepore aliquo vel potius odio adversus omnem religionem imbuit. Neque omnino hac in parte excusandi sunt Protestantes, qui nescio quo malo fato, etiam si bene inter se conveniant de omnibus, quæ ad salutem sunt necessaria, nihilominus tamen de factitiis fidei articulis, primævis Christianis incognitis, de rebus cultum externum spectantibus, de vocabulorum atque syllabarum apicibus, aut denique de rebus captum nostrum longè superantibus, omni laterum contentione & animorum dissensione, in se invicem ita acerbe invehuntur, ut facile possis conicere, ex odio adversarii potius, quam amore veritatis, istas infinitas rixas deductas fuisse: Inde homines de religione parum benigne sentientes consulunt principibus, ut omnem religionem negligent, affirmantes, quod princeps pacem & concordiam perpetuam sic demum obtinere possit in imperio, si omnes rixas & odiosas quæstiones quas Theologi excitare soleant, acriter prohibeat; ex istis enim disputationibus, oriri diversas sectas, quibus diversi adhæreant, atque sic mutuis erga se invicem pugnis stimulis, diversa judicia, odia, convitia & calumnias nasci, quæ intestino bello, nonnunquam haud

exiguam præbeant occasionem. Caveas velim exiltimes, me omnes de rebus divinis disputationes improbare; nequaquam, quia sæpe sapius Ecclesiæ necessitas atque nostra officia hoc postulant, sed & est modus in rebus, nollem homines Christianos se invicem proscindere & lacerare, ne profani quique tripudiant, & in contumeliam religionis conclament, Ubi est vester Deus?

§. 6. Nec satis, proh dolor! lugere possumus vitæ morumque dissolutionem, quæ prima & fere unica causa Atheismi nuncupanda venit; quia turpis & impura praxis, & malefana Theoria aliquo modo se invicem ponunt & tollunt. Ita ut qui semper scientes volentes malè agunt, de iis jure dubitentur, an de Deo rectè sentiant, certè hi nihil magis cupiunt, quam ut nullus Deus existeret, ut repagulis omnibus remotis, timore scilicet divini vindicis, & ultimo judicio, hilarius & liberius cupiditatibus suis indulgere possint. Huc sanè tendunt innumeræ bonorum querelæ & exclamationes: *sicut bona opera,* inquit *Cyprianus, profitentur Deum, ita mala, quodammodo loquuntur, non est Deus, nec est scientia in excelsis.* Hinc Apostolus 2. Tit. 1. 16. *profitentur se Deum nosse, sed factis eum abnegant.* Qua inutili ac nuda cognitione, Christianorum maxima pars ita est capta, ut credat Religionem nihil esse aliud, quam ritum civilem vel ceremonialem, inane nomen & præterea nihil: neque mirum, si benè attenderis, disciplinam Ecclesiæ primitivam passim locorum jacere, ut homines impurissimi, nullâ pœnitentia publicè facta (quemadmodum factum legimus in purioribus Ecclesiæ seculis) redeant in gremium Ecclesiæ quamprimum à Pastoribus, vel à Confessoribus

sistoriis veniam petant. Hinc eo impietatis deventum est, ut vix habeatis Urbanus, nisi & vitiis pene obrutus. Sunt quidem & alii viri Principes, nobiles inferiorisque cujusvis ordinis, qui praxin Christianæ pietatis heu! nimium inclinatam restaurare sedulo laborant, neque irritò planè successu, quin indies aliqui vitiis antea deditissimi ad bonam frugem se redigipatiuntur. Qui bonorum omnium in reformandis Christianorum moribus labores, prosperos ut habeant successus, Deum optimum Maximum vehementer veneror!

§. 7. Inter causas Atheismi multi numerant quoque perversam Sapientiæ naturalis tractationem, dum impio ausu & temerario, intra Naturæ limites atque cancellos, omnia volunt compingere, causasque duntaxat secundas, posthabita aut neglecta prima, observantes: hi quippe rerum abstrusarum, mysteriorumq; Naturæ studio mancipati videntes rerum naturalium ordinem Semper eodem tenore se habere, nonnunquam in Atheismi barathrum dilabuntur, Existimantes nullum plane esse moderatorem Universi, sed unamquamque rem suo apte ingenio hos & illos cursus peragere. Ita olim impii argumentabantur: 2. Pet. III. *Ex quo Patres dormierunt, omnia sic perseverant*: Cum tamen è contrariò, ex ordine constantique rerum tenore, concludere debuissent, re verà Sapientissimum esse Moderatorem, qui modo convenientissimo, atque Sapiencia ineffabili, hæc omnia in debitum ordinem redegerit atque adhuc conservet. Huc referuntur, *Spizelio* Judice, Medici nonnulli atque Philosophi, imprimis Itali, quorum Scripta sapiunt passim impietatem; Hoc ipso nomine sua

16 *Historica Philosophica*
quoque Professionis Sociis suspectus, est *Hieronymus Cardanus*, adeo ut Mersennus in Genes. pag. 602. illum Atheis maximopere favisse contenderit. Ad hanc classem quoque redigendi sunt ii, qui uni atque alteri experimento de virtutibus magneticis seu Idiocrasiis, de viribus Imaginationis atque constellationis, perpetuo in hærentes; Legibus istis etiam supernaturalia subicere, ex iisque omnes quosque stupendos effectus deducere non erubescunt. Sed quod Naturalis Philosophiæ studium tendat sua indole ad Atheismum, tantum abesse mihi videtur, ut nihil magis ad eum radicitus extirpandum conducere possit, utpote armamentarium quoddam, unde omnis fere generis arma produci possunt ad hoc monstrum debellandum. Nec inepte Baconus in Lib. de augmentis scientiar. concedit *Leviorem aliquem gustum rerum naturalium inclinare animum ad Atheismum. Sed pleniorē haustum magnopere pro divina mente Sapientissima militare.* Unde constans Philosophorum antiquorum sententia, affirmat esse Deum, ut videre est apud *Authorem libri de Mundo. Vetus Sermo est, à majoribus proditus, inter omnes homines, Universa tum ex Deo, tum per Deum constituta fuisse, atque coagmentata, nullamque naturam Satius instructam esse posse, quæ citra Dei præsidium, suæque demum tutelæ permixta sit.* Et isti veteres phisici, qui Atheismi postulatur, profecto sunt pauci, & ab aliis omni tempore ut monstra hominum habiti: Et si quæ sint Nationes ita rudes, quæ nullum Numen norunt, quod referunt recentiores peregrinatores, barbari sunt, non Naturæ indagatores, quos commodius dicas Deum ignorare, quam ejus existentiam negare. *Galenus de usu partium*

tium differens humani corporis in laudem creatoris hymnos componere se contendit : Neque omit-
tenda Verba Paracelsi, tract. de mineral. *Oppido in*
quit, admirabilis in suis operibus Deus à quorum con-
templatione nec interdiu, nec noctu desistendum, sed
jugiter illorum indagotoni vacandum, hoc enim est sen-
su satis proprio, ambulare in viis Dei. Adde huc, quod
solers naturæ indagator satis percipit, nulla phæ-
nomena clarè posse explicari, si negaveris esse
Deum ; causam equidem proximam intelligimus
omnium fere operationum, motum puta, sed
unde ipse motus cum materiæ non sit essentialis,
quæ nunquam nisi ab alio movetur, debes, velis
nolis, aut ignorantiam agnoscere, aut Deum po-
nere primam rerum omnium causam, & moto-
rem. Videre expedit Nobilissimum *Boyleum* de
usu Philosophiæ naturalis etiam in Theologiâ.
Consule insuper doctissimum Johannem Raium
in libro, cui titulus: *the Wisdom of God manifested*
in the Workes of Creation.

§. 8. Neque opinor abs re esse Physiologiam
atomicam in Specie ab omni ad Atheismum pro-
pensione vindicare, quæ apud multos non bene
audit. Sed injuria, quod patebit paulò infra, cum
Ideam generalem hujus Philosophiæ proposue-
ro, quam verbis brevissimis sic habeto : Philo-
sophia atomica statuit, materiam nihil aliud esse,
nisi massam extensam, ad quam pertinet magnitu-
do, Indivisibilitas, figura, positio, motus, quies,
diversi scilicet Extensæ substantiæ modi : Hinc
omnes formæ substantiales excluduntur ; quia
absque earum opera commodissimè poterant ex-
plicare phænomena corporea, quæ oriebantur ex

diversis materiæ dispositionibus, diversa postea in nobis phantasmata excitantibus, alioquin aut ista antiquissima regula Philosophorum: *Ex Nihilo nihil fit*, penitus fuisset eversa, cum ingens formarum Substantialium turba perpetuò ex Nihilo fieret, quia in materiæ idea non comprehenduntur, aut quod multo est absurdius, Deus sine ulla pausâ in scenam adducendus ad creandas formas Substantiales: Quia constans fuit opinio omnium Philosophorum ante tempora Leucippi & Democriti, duas esse substantias diversas in mundo, materiam scilicet extensam *διασπαστον ἀνέκλυτον*, quam antea descripsimus, atque *Mentem* sive spiritum, qui nihil habet cum materia cōmune, sed omnes ejus proprietates sunt diversissimæ, puta cogitatio, dubitatio, imaginatio, memoria, atq; sui ipsius Conscientia, quæ nullo pacto materiæ competunt; quia quantumvis materia sit sublimata atq; rarefacta usque habebit omnes qualitates essentielles corporis cujusvis crassissimi. His suppositis non miraberis, Veteres Philosophos tenacissimos fuisse hujus regulæ, *Ex nihilo nihil fit*: Ut firmissimè astruerent immortalitatem animæ, cum ut jam dictum est, sit ens Substantiale à materia distinctum, & non ejus modificatio aliqua mutabilis, & cum nulla ratio daret annihilationem ullius Substantiæ, alioquin timendum ne successu temporis, omnes Substantiæ annihilarentur, imò omnis materia, quippe quæ animâ longè ignobilior. Eadem hypothesis fortassis eos movit ad animarum præexistentiam ponendam & transmutationem; quia satis videbant à materia non posse derivari, cum in materiæ conceptu, neque cogitatio, neque imaginatio, neque

conscientia vel memoria includatur ; alioquin actum fuisset de supra dictâ regulâ : *Ex nihilo nihil fit* : Unde patet materiam & Mentem , haberi Substantias distinctas , atque ex iis duabus absolutum & perfectum fieri Philosophiæ Systema, quæ si sejunxeris , necessario eris Hæreticus , & si materiam solam ad hibueris negando,ullam aliam esse substantiam , eris Atheus , quod Leucippus & Democritus fecerunt , ut in sequentibus videre est. Plato autem contrâ , plus nimio ideis suis indulgens , affectiones materiæ non ita clarè explicuit , quod si atomice de materia Philosophatus fueris,&Platonice de mente vel spiritu disputaveris,meritò habeberis Philosophus orthodoxus, quod fecisse veteres Philosophos , ante tempora *Leucippi* atque *Democriti* abunde demonstrabo ; Unde liquebit istam Philosophiam , nullam habere cognationem cum Atheismo , cum omnes isti antiqui Philosophi quorum mox meminero , essent atomici , simulque supremi numinis cultores observantissimi. *Pythagoras* exempli gratia videtur fuisse Atomicus, Gassendus enim observavit , atomos *Epicuri* aliquando etiam vocari monadas , atque Aristoteles discutrens de secta Pythagorica & eorum monadibus dicit ὅτι διὰ φύσιν μονάδας λέγειν ἢ σωματῶν σμικρῶν. (i.e.) Nihil interesse inter monadas Pythagoricas & minima corpora sive atomos,neque dubitat Cudworthius asserere hanc Philosophiam per atomos esse veram & genuinam *Mosaicam*,cum *Jamblichus* , affirmet Pythagoram suam Philosophiam hausisse à *Mocho* vel *Moscho* Phœnicio aliquo,sui temporis celeberrimo , & apud Athenæum citato , quem Arcerius

Jamblichi publicator coniicit fuisse *Mosē Hebræorum*, cum quo *Sidone* Pythagoras Colloquia habuit. Quam conjecturam *Seldenus*, & post eum *Huetius* minime improbant. Insuper *Empedocles*. apud *Plutarchum* iudicat, quatuor Elementa ex minimis corpusculis consistere, quæ appellat Elementa elementorum; Porro *Elephantus Pythagorista* Syracusanus apud *Stobæum*, facit τὰ ἀδιαίρετα σωματὰ καὶ ἕκαστον, scilicet indivisibilia corpuscula & vacuum, principia suæ physiologiæ. Multique alii atomorum cultores qui tamen ab Atheismo maximopere abhorruerunt, quos invenies apud *Cudworthium* lib. I. cap. I. Hæc breviter proferre non piguit, ne mendace fama à studiis omnium nobilissimis absterreantur optimi Juvenes.

C A P U T III.

§. I.

EXpeditis præcipuis Atheismi causis, indoles ejus accuratius discutienda venit, proponendo certos characteres, atque notas, ex quibus Athei possint dignosci, cujusmodi sequentes, minime quidem contemnendæ I. Si omni occasione datâ negaverint, aut in dubium vocaverint supernaturalia, miracula scilicet, Prophetias, apparitiones omnes atque operationes spirituum in Scriptura Sacra revelatas, cunctaque ad naturales sympathias, ad fictas crases, & peculiaria hominum temperamenta retulerint II. Si Sacræ Scripturæ authoritatem, tam in historicis, quam in Dogmaticis, hominibus identidem Suspectam reddant III. Si metum omnem & justam sollicitudinem omnibus excutere laboraverint, nihil

nisi

nisi securitatem & hilaritatem introduxerint, quorum vulgare axioma *Ede, bibe, dormi, post mortem nulla voluptas* III. si à cunctis animarum pastoribus abhorreant, eosque tamquam aves infelices passim declinaverint & de iis contemptibiles habeant sermones, ad *Bodonisistius Prætorii* exemplum, qui (tradente *Classenio Rel. Polit. cap. II.*) asserere non erubuit, se imperitiores in mundo non vidisse homines quam sacerdotes, quod inepto & stolido inserviant Vulgo, eique variis concionibus de regno Christi, DEI cultu, divina vindicta, & æterna damnatione os oblinant. V. Si Atheismòs aliorum cupide enarraverint, aut frigidam eorum rejectionem, aut elumbem refutationem subjunxerint, aut tanquam in solubilia quædam in medio reliquerint. VI. Si publicas Atheorum & Atheismi impugnationes ægerrimè tulerint, cunctasque contra Atheos dissertationes, æquo animo ferre nesciant. VII. Si denique religionem ac pietatem nunquam aut rarò & parcè admodum coluerint, sed impias opiniones identidem in cælum extollere consueverint. Hæc & alia ejusdem generis refert *Vætius* in suis disputationibus contra Atheismum. Et *Buddens* in sua Exercit. Juris natural. de pietate Philosophica; Sed circumspectione summa hic opus est, ne temerè Atheismi notam viris bonis inuramus, siquidem tum hisce probandi vis in est, si juncta sint inter se, aut omnia, aut pleraque, sique nobis cognita accuratè sint & explorata. Ut cunque sit, cum suspiciones indè facile desumantur, danda opera, ut tanto melius nobis caveamus, aliosque incautiores præmoneamus ab hujus fursuris hominibus, atque præcipue hoc

signum attendant quod videtur instar omnium, si fatalem aliquam necessitatem obtrudere videantur, ut omnem libertatem imò mentem ipsam jugiter excludant, & solam materiam, unicum rerum omnium agnoscant principium, affirmantes extensionem esse materiæ Ideam inadæquatam, tum cogitationem & Conscientiam ejusdem esse proprietates, atque modos, & ad adæquatum materiæ conceptum pertinere, quia nemo unquam negabit esse Deum, qui mentem & intelligentiam distinctam à materia posuerit. Qui vero substantiam in corpoream negaverit, necessario deveniet Atheus.

§. 2. Priusquam ad Atheorum historiam ventum fuerit, necesse est, ut vocem *Atheus* ad unam ideam restringamus, quippe quæ plures habet significationes, valdeque æquivocè passim usurpatur ab authoribus, ita ut singulæ sectæ diversæ, se invicem opprobrii causâ Atheos vocitent. Sic Apostata *Julianus* Christianismum vocat *Atheismum*. Sozom. lib. 5. cap. 15, imò ante Julianum Christianæ fidei Professores vulgò Atheos fuisse nuncupatos constat ex Clem. Alex. Strom. VII. apud Judæos *Epicureus* scil. Atheus & ידו scilic. *Hæreticus* & *Christianus* sunt Synonyma, ut videtur et apud R. Mos, Maimon. tract. de Idololatr. Sunt & Pontificii, qui Ecclesias nostras turpissimo Atheismi stigmate notare non erubescunt. Sic Cornel. à Lapide in II. Tim. III. asserere non dubitat *Lutheranismum* & *Calvinismum* tandem abire in *Atheismum*, eorumq; aſſeclas fieri libertinos. Qui quosdam ex suis sæpe sæpius eodem stigmate deturpat, Gallos puta & Venetos, qui nutibus Curia Romanæ se non manciparunt. Vide Spizelium.

imo neque Erasmus neque Grot. potuerunt sædam hanc Atheismi notam evitare, ea est in Scripto-ribus quibusdam acerbitas animi & iniquitas. Sed calumniosâ hâc significatione nunc missâ, nos intelligimus per Atheum hominem talem, qui aut ignorat esse Supremum Numen (uti forte nonnulli inter in cultas nationes atque barbaras, qui bestiarum more nihil fere cognoscunt, nisi quæ ad victum & libidinem attinent, si qui tales sunt eos docere oportet ratiocinari, ut se ipsos & res creatas cognoscant,) aut qui credit & sibi persuadet, nul-lum esse Deum, vel saltem jugiter dubitat, an exi-stat, etiam si aliquando habeat suos Conscientiæ morsus atque Scrupulos, (fiducia enim nulli sectæ est essentialis,) Christiani etiam habent suos scrupulos, qui tamen neutiquam destruunt eorum Christianismum: sed de his supra. Vocantur & Athei passim qui Providentiam, Animæ immor-talitatem, Resurrectionem atque Ultimam Judi-cium negant; Per consequentiam, & indirecte, concedo, sed si illi ipsi consequentias nostras non agnoverint, non illicò Atheismi stigmate sunt notandi, etiam si crassissimum errent errorem, res-pectu Religionis Christianæ. Ideoque debemus magis propriè loqui addiscere, atque res quasque denotare suis nominibus, alioquin viri probi per calumniam probrosa atque execranda istâ appel-latione nominandi venient. Apud *Væetium* tot di-visions, subdivisiones, tot gradus Atheismi, atque species, ut omnes mortales in una harum classe vel altera tantum non recensendi veniant.

Præter missis itaque omnibus divisionibus pa-rum necessariis, dispescimus istos homines, qui di-

cuntur, numen supremum negasse in tres ordines, quorum ptimus erit illorum Antiquorum Philosophorum, de quorum *tamen Atheismo nihil certi habetur.*

Sed adhuc sub iudice lis est, quia proculdubio male audiebant omnes, qui de simulachris & pluralitate deorum non ita benignè sentiebant. Deinde accuratius tractabimus de istis, qui videntur ex proposito contra existentiam DEI disputasse, qui possunt nominari Athei systematici. Denique de istis, qui identidem apud historicos summo cum contemptu de DEO loquentes inveniuntur, quinimo ejus essentiam plane negare, sed suas blasphemias nullis argumentis sustinere. Hos homines vocat *Cudworthius* Atheos Enthusiasticos. De Antiquitate Atheismi, ex sacris literis nihil constat, quum Moses in Historia creationis nullis controversiis se immisceat, sed res gestas fideliter enarret, neque vero simile est, in primordiis mundi & incunabulis, fuisse Atheos, cum Origines rerum tum posteris a Majoribus, utpote grandævis commodissime possent communicari. Ante diluvianos impensè fuisse scelestos abunde constat, sed nullum eos agnovisse Numen nullibi liquet. Neque statim post diluvium videntur fuisse Athei, cum à filiis Noë ad Seros Nepotes historiam diluvii atque causas traditas fuisse sit verisimile; Imò adeo primævis temporibus abhorruerunt ab Atheismo, ut Polytheismum, atque Idololatriam adstruerent, ut ex Historia Chaldæorum, Ægyptiorum, aliarumque Nationum abunde patet, & valde est simile vero, hanc Idololatriam atque Polytheismum supersticiosum quemadmodum supra memorabam, primam an-

sam dedisse Atheismo; atque, uti superstitio & Polytheismus videntur fuisse inventæ, à simplicibus colonis, qui vitam agebant Pastoralem, ita Atheismum opinor fuisse inventum insequentibus Seculis, postquam homines vitam Civilem incepissent agere, & mercaturam colere, quæ plerumque acuit ingenia hominum, atque reddit eos cupidissimos novitatis, ut raro acquiescant priusquam cognoscant causas rerum.

Equidem Rabbini asserunt, Mosem incepisse Librum Geneseos cum his **בראשית תברא** *in initio creavit celos & terram: ב* Ibi volunt habere Sensum. **ב** Instrumentalis, ut Sensus sit: Deus creavit Cælum, &c. Cum eorum principio. **לבטל דעת המנין** (i.e.) *Ad destruendam opinionem Atheorum vel Hæreticarum*, qui affirmabant, unicum rerum omnium principium esse materiam, eandemque esse æternam. Vide *Michlol Jophi* ad Genesin. Si qua inest vis eorum conjecturis, patet, tempore Moïlis fuisse Atheos, nisi mavis, per prolepsin ita scripsisse Mosem. Sed quicquid sit, frustra fuisset si scriptor sacer de Atheis scripsisset, sed ex purâ ratione, quia Scriptura supponit esse Deum, & ad opera Creationis contemplanda passim locorum invitat homines.

CAPUT IV.

§ I.

Missa itaque *Palestina*, in *Graciam* transfretemus, ubi, postquam Pœtæ animos hominum fabulis anilibus corrupissent, ut de Diis crederent, quæ viro bono plane essent indigna, ita ut non possent non odio habere, & pror-

sus negare, talem Deum, turpes amores atque vagos exercentem, ex æquo & bono debere existere; Hinc forsan ista Gigantomachia *Lucretii* :

*Humana ante oculos sedè cum vita jaceret,
Interris, oppressa gravi sub religione,
Primum Graius homo mortales tollere contra
Est oculos ausus, primusque obsistere contra,
Quare religio pedibus subjecta vicissim
Obteritur, nos exæquat victoria cælo.*

Quæ Carmina, etiam si ad *Epicurum* referenda, tamen non est quod dubitemus, ante ejus tempora fuisse ejusdem sententiæ viros, cum *Aristoteles*, *Metaph. lib. 1. cap. 3.* affirmet, fuisse antiquissimos qui crediderint, omnia ab Oceano & Theti fuisse derivata, vel, aquam esse rerum omnium principium. Inde est quod pœtæ per *Stigem* jurare soliti, utpote rerum omnium antiquissimam : *Plato* insuper in *Theæto* asserit, Sectam istam, quæ nulum aliud præter materiam agnosceret principium, esse antiquissimum; ὅτι πάντα ἔγωνα εὐὸς δὲ καὶ κινήσεως. (i.e. omnia esse à fluxu & motu generata. Atque *Hom.* ejusdem Atheismi, *Cudworthio* iudice, postulandus, cum ex iisdem principiis producit omnes Deos.

Ὁ ὕδαρ τοῦ θεοῦ γένεσις καὶ μήτις τοῦ κόσμου. Scilic. *Oceanum* esse Patrem & *Thetim* matrem Deorum, Vel ut alii, es chaos & nocte, quæ posuit ovum, & ex isto ovo productus est amor, qui se de novo, cum chaos immiscens, cælum & terram & animalia generavit; ut videre est apud *Aristophanem* de *avibus*. Sunt equidem, qui existimant, Philosophos istos atque pœtas ad Historiam Mosaicam alludere, quia dicitur spiritum motitasse super aquas, sed *Salmasius* existimat, hæc fabulas *Cabbalam*

Atheisticam multum sapere, quæ supposuit, Chaos esse omnium rerum principium, utpote æternum, sed sensim in ordinem motu proprio redactam fuisse, primum scilicet res inanimatas produxit, post hæc animalia, atque homines, denique ipsos Deos. *Hesiodus* tamen, atque *Parmenides* Atheismi minimè sunt postulandi, cum per *Amorem* videantur principium aliquod activum intelligere, neque *Amorem* à Chao & nocte, quemadmodum alii fecerunt, derivant.

§. 2. Sed quandoquidem pictoribus, atque Pœtis quidlibet fingendi semper fuit æqua potestas eos nimium exagitare non est operæ pretium, ad Philosophos antiquiores nos accingimus, qui affirmabant, quod ὕλη & πᾶσι τῆς ὕλης essent unica rerum principia (i. e.) materiam *Etique qualitates, vel formas*. Inter quos, testante *Aristotele* *Thales* fuit ἀρχηγός τῆς σοιᾶντες φιλοσοφίας. (i. e.) princeps istius Philosophiæ, cum omnia ab aqua deduceret, nullo admissio principio activo, sed injuriâ *Thaleti* tribuitur hæc impietas, cum apud *Diogenem Lærtium* affirmet, mundum esse à Deo factum, & Deum omnium rerum antiquissimum, quippe ingenitum, cui ne quidem cogitationes mortalium latere possunt. Huc accedit testimonium: *Valer. Max. lib. 7. cap. 2.* mirificè *Thales*, nam interrogatus, *an facta hominum Deos fallerent, nec cogitata, inquit.* Sed *D. Bælius* asserit, hæc dicta ab aliquibus authoribus *Pittaco* tribui, ita ut, non adeò certum sit, *Thaletem* de Deo tam religiosè loquutum fuisse; sed quid quæso obstat, quo minùs ambo in eadem cogitata atque verba inciderent, ut passim fit, cum de rebus

valdè obviis instituendus est sermo. Quod attinet rerum omnium productionem ex aqua, haud ita incommodè argumentari videtur, cum forsitan sensu Chymico loqui voluerit. Multis experimentis Boyleus in libro, cui titulus *The usefulness of natural Philosophy*, demonstrat multa alia corpora derivari posse ab aqua. Dicitur etiam apud *Diogenem Laërtium*, Thales primum omnium docuit animæ immortalitatem, & rogatus quid esset velocissimum, respondit, *Mens*, nam per Universum discurrit: Iterum interrogatus, quid est Deus? respondisse dicitur, *quod initio & fine caret*, quæ omnia abunde probant, Thaletem principium aliquod activum, vel Mentem à Materia distinctam agnovisse.

§. 3. Sed etiamsi *Thales* piè Philosophetur, non omni plane crimine vacuus videtur fuisse ejus discipulus, nomine *Anaximander*, qui meliore jure ἀρχηγὸς τῆς τριαύτης φιλοσοφίας nominandus, (i.e.) Principium activum agnoscentis, sed materiæ omnia tribuentis, imò materiam aliquam primam, eamque infinitam supponentis. ὅτι ἔφασκον ἀρχὴν καὶ συν-
χεῖν, τὸ ἀπειρον οὐ διαρίζον ἄερα, ἢ ὕδαρ ἢ ἄλλοι, καὶ οὐ μὴ
μέρη μετὰβαλλεν, ὅ δὲ πᾶν ἀμετέβλητον εἶναι. (i.e.) Principium & rerum omnium Elementum esse infinitum, cujus partes mutabiles. Vide *Diogen. Laërtium*. Neque est quod mireris *Anaximandrum* aliosq; *Materialistas*, materiam omni intellectu vacuum, aliquando divinam, aliquando numen appellare, quum illi nihil antiquius, aut divinius agnoscerent, quàm materiam stupidam, neq; dubitarent alia Dei attributa illi tribuere. Sed ut eo magis pateat ejus Philosophiam fuisse impiam, lubet describere ver-

ba *Plutarchi*, lib. de placit. *Anaximander Milesius* affirmat infinitum esse primum principium, & ex eo omnia generari, & in idem corrumpi, ideoque mundos infinitos alternatim generari & corrumpi; Sed in hoc errat, cum posuerit tantum causam materialem, principium activum prorsus tollendo, quia infinitum *Anaximandri* nihil aliud est quam materia, quæ sine causâ activâ & efficiente nihil potest producere. Unde patet ejus infinitum non fuisse mentem, prout voluit *Clemens Alexandr.* in *Protrept.* Corripitur & à *Cicerone* ejus opinio lib. de natura Deorum. *Anaximandri* sententia est, nativos esse Deos, longis intervallis orientes occidentesque, sed nos Deum nisi Sempiternum intelligere quæ possumus? Plura de ejus opinione apud *Eusebium* lib. de præparat. Evangel. quorum summa huc redit, homines ex ventre aliorum animalium fuisse natos. Eandem de eo ridiculam historiam refert *Plutarchus*. Hic videtur primus fuisse, qui Philosophatus est per formas atque qualitates, nullam substantiam incorpoream admittens.

§. 4. Hujus Sectæ erat *Anaximenes Eurystrati Filius Milesius*, qui nullum aliud agnovit principium præter aërem, atque infinitum. Hujus Discipulus fuit *Diogenes Apolloniates*, qui hoc modo Philosophatus est, Elementum esse aërem, mundos esse infinitos, & inane infinitum, densumque aërem ac rarefcentem mundos gignere: Nihil ex eo, quod non sit, fieri; neque in id quod non sit corrumpi. *Cicero de Nat. Deorum.* hæc habet. Quid? aër, quo *Diogenes Apolloniates* utitur Deo, quem sensum habere potest, aut quam formam Dei? Hinc *Augustinus*, de Civitat. Dei lib. 8. cap. 2.

Diogenes quoque Anaximenis alter auditor, aërem quidem dixit rerum esse materiam, ex qua omnia fierent, sed eum non esse compotem divinæ rationis, sine qua nihil ex eo fieri possit. Sed iudicio D. Baylii, aër habuit rationem materiæ tantum, à divina mente agitatus, ideoque eum non esse purum putum Atheum, cum agnosceret aliquid distinctum à materia, animam mundi puta, ut multi Theistæ, qui Deum aliquem corporalem agnoverunt, nisi potius eos Atheistas nominaveris, qui cogitationem & perceptionem, materiæ esse modos atque proprietates affirmavere. Utcunque sit, Cudworthius omnes fere Philosophos Jonicæ Sectæ, Thalete excepto, ejusmodi Atheismi postulat, ut nullum præter materiam principium agnoscerent, insuper probat, Anaxagoram Clazomenium Anaximenis discipulum primum esse post Thaletem, qui Philosophando materiæ, mentem adjecit, inde Timonis carmen de eo apud Laertium

Nunc ibi Anaxagoras mens est, fortissimus heros,

Qui mentem subito, (nam mens non defuit illis)

Composuisse putat, fuerant quæ in condita quondam.

Erat proculdubio Vir egregius, quod abundè patet ex vitæ instituto atque ex sermonibus: patrimonium non modicum cognatis, sponte sua concessit; atque cuidam illum ita compellanti nullane tibi Patriæ cura est: retulit, mihi vero Patriæ cura, & quidem summa est, digitum in cælum extendens. Responsio profecto viro Christiano etiam dignissima: sed cum affirmaret, solem candens ferrum, & Peloponeso majorem esse, lunam habitacula in se habere, & colles, & valles, stigma Atheismi ab Atheniensibus evitare

non potuit , etiamsi magnoperè à Pericle suo discipulo , Atheniensium principe , defensus diu fuisset, tandem à civibus in exilium pulsus & Lampſaceni diem obiit extremum , & ibidem hoc Epitaphium est meritus,

Candentem ferri massam Phæetonta phœavit

*Quondam , & ob id morti addictus Anaxagoras ;
Hunc tamen incolumem Pericles servavit ; & ille
Rursus ob invisam perdidit in scitiam.*

Ex *Anaxagoræ* infelici fato, satis patet , iniquissimum esse vulgus Atheismi judicem ; quamplures enim puros putos Atheos intactos dimiserunt , aliosque Numen supremum agnoscentes, pro Atheis morte vel exilio multarunt , nullam aliam ob causam , quàm quòd ausi fuerint affirmare, simulachra & imagines non esse Deos , ut testatur *Plato* , in apologia pro *Socrate* : & eadem de causa Christiani à Gentilibus nominabantur Athei , ut videre est apud *Justin. Martyrem*.

§, 5. *Empedoclem* Agrigentinum *Pythagoræ* discipulum *Aristoteles* Atheismi postulare videtur cum affirmat , *Empedoclem* animam asserere ex quatuor elementis esse compositam , & partes animalium fortuito ita esse dispositas , non verò ex consilio alicujus causæ, efficientis ; porro intellectiōnem nihil aliud esse quàm sensus ; sed postremum parvi est momenti , quàm sensus & intellectus sæpenumero pro synonymis haberi soleant ; & quod attinet primum , ab omni impietatis criminatione verba ejus apud *Clement. Alex.* allegata, quorum summa latine huc redit : *Si sanctè & justè vivamus , in hac vita erimus felices , & post mortem feliciores , cum circumstantiæ temporis*

32 *Historica Philosophica*
non affixa sit nostra felicitas , sed in perpetuum cum
spiritibus immortalibus convivia celebrabimus. Mul-
ta etiam carmina , Empedoclis, quæ adhuc super-
sunt, satis probant , illum fuisse divinum Philoso-
phum , & Pythagoræ Præceptoris asseclam Stre-
num.

C A P U T V.

§. 1.

DE his hætenus , jam ad Philosophos *atomi-*
cos transeat Oratio, inter quos *Leucippus* atq;
Democritus sunt facilè principes, quia illi fue-
runt primi , qui ab atomis amoverunt substantiam
incorpoream , quæ iis præsideret , & hoc modo
mancum aliquod Philosophiæ Systema condide-
runt. *Laertius* ita de *Leucippo* scribit , placebat il-
li infinita esse omnia , & in seipsa commutari , at-
que universum istud inane , esse plenum corpori-
bus : Mundosque fieri corporibus in hoc *inane* in-
cidentibus , & in se invicem implicatis , atque ex
motu, Secundum illorum incrementa sidera fieri,
porrò, ut generationem, ita & incrementa mundi,
& diminutiones & corruptiones , ex quadam ne-
cessitate esse: porrò *πρῶτος τε ἀτομὸς ἀρχὴς ὁπότερα β.*
(i.e.) primus hic atomos principia subjecit. Insuper
Illustrius lib. de Vita quorundam Philosophorum scri-
bit , *Leucippum* primum insectilia corpuscula rerum
initia statuisse, & universum cum multis antiquiori-
bus, sine carere statuit : Afferuit & Elementa , &
mundos ex his infinitos esse , ac in elementa abire dis-
solvi que: Mundos autem hac ratione fieri , ex infiniti-
to multa & figuris omnibus prædita corpuscula dissili-
re in magnum inane; quæ coacta rapiantur una verti-
gine,

gine, & circumacta, cujus impetu impacta & modis variis in orbem rotata, similia seorsim separari secernique contingat; quibus æquo momento libratis, & ob multitudinem circumagi nequeuntibus, exilia discedere ad exterius inane, veluti cribro increto, reliqua considerare simul & complexu quodam in unum concurrere; primumque efficere coagulum quoddam sphaeriforme, atque id seu fetus involu-
crum edi ac produci, in se omni-gena corpuscula quæ ambit continens, quibus circa centri medii umbilicum circum rotatis; ambientem membranam extenuari, dum semper continua corpuscula attactu vertiginis raptâ in unum confluunt. Eaq; ratione tellurem esse factam, sidera omnia ignescere, ob concitatissimi motus celeritatem, à sideribus solem quoque flammam concipere, lunam verò paululum ignis participare credidit.

§. 2 Fuisse antiquiores *Leucippo*, qui Philosophabantur per *Atomos*, quod supra innuimus, clarum est, sed isti adhibuerunt divinam atque incorpoream substantiam ad completum Philosophiæ systema adornandum, cujus pars una eaque minus nobilis *atomi*: hæc sunt verba *Strabonis* latine red-
dita, Imò si *Posidonio* credimus, antiquum de atomis dogma *Moschi* est, hominis *Sidonii*, qui ante Trojani belli tempora vixit. *Strab. lib. 6.* Idem affirmat *Sextus Empiricus*, sed *Leucippum* atque *Democritum* Authores esse hujus Philosophiæ, quatenus Atheisticæ, nemo, nisi fallor, ibit inficias. (i.e.) *Leucippus. Democritus, Epicurus* distinctis, atque succedentibus temporibus, coluerunt, imo in-
ven-
nerunt hanc hypothesin, quæ omnia phænomena opera atomorum explicare conatur, atque ita

impio ausu omnem substantiam incorpoream, & intelligentem prorsus proscribit. Ideoque diligenter distinguendum inter doctrinam *atomorum* absolute sumptam, & eorum æternitatem, & fortuitum concursum, sine ullo Sapiente moderatore omnia producente, quæ non immeritò tribuitur *Leucippo* atque *Democrito*. Doctrina verò Atomorum uti formis substantialibus opposita, multò est antiquior, neque temere reiicienda; ideoque illi concursui atomorum, utpote rerum omnium formatori; (animis humanis non exceptis) *Cicero* videtur opponere. Ista enim flagitia *Democriti*, sive etiam antè *Leucippi*, esse corpuscula quædam lævia, alia aspera, alia rotunda, partim angulata, curvata quædam, & quasi adunca; ex his effectum esse cælum atque terram, nulla cogente natura, sed concursu quodam fortuito: lib. de natura Deor. *Lactantius* eleganter confutavit hanc Atheisticam hypothesin, sed quando conatur probare, non dari corpora minima invisibilia, satis infelicitè rem gessit, monstrans, se Theologiæ, quàm Physicæ multo magis gnarum; neque abs re ejus verba hic nos describere, ut videamus, quàm horridè Philosophati sint Patres. *Non est, inquit providentiâ opus, sunt enim semina per inane volitantia,, quibus inter se temere conglobatis universa gignuntur, atque concreescunt: Cur igitur illa non sentimus, aut cernimus? Quia nec colorem habent, inquit, nec odorem ullum: Saporis quoque & humoris expertia sunt, & tam minuta, ut secari aut dividi nequeant, sic eum, quia in principio falsum suscepit, consequentium rerum necessitas ad deliramenta perduxit. Ubi enim sunt, aut unde illa corpuscula?*

Cur illa nemo præter Leucippum somniavit? A quo Democritus hæreditatem stultitiæ reliquit Epicuro. Quæ si sint corpuscula, & quidem solida, ut dicunt, sub oculos certe venire possunt. Institut. lib. 3. cap. 17. Denuo. Ubi aut unde sunt quæro, quis illa minuta semina vidit unquam? Quis sensit, quis audiuit? An solus Leucippus oculos habuit, solus mentem? Qui profectò solus omnium cæcus & excors fuit, qui ea loqueretur, quæ nec æger quispiam delirare possit, nec dormiens somniare, &c. Et multa ejus generis invenies, lib. de ira Dei; quæ profectò à phycis hodiernis exploderentur planè, utpote commiseratione aut cachinnatione digna; Nemo etenim est hominum experimentis instructus, qui meliora non noverit, patet enim dari corpuscula ita minuta, ut omnem oculorum aciem longissimè fugiant, & quoad nos indivisibilia, etiamsi in se & mathematicè divisibilia maneant. Leucippus, si substantiam incorpoream retinuisset, Vir omni laude fuisset dignissimus, testante Thoma Burnetto. Archæolog. Philosoph. lib. 1. cap. 12. Ad hanc sectam Eclecticam aggregari solent Leucippus & Democritus, viri celebres & eximii, qui hypothesin atomorum invexerunt, quæ licet mea sententia falsa sit, & male fundata, dedit tamen occasionem philosophandi strictius & accuratius; Hi enim non quærent corporum principia aut agendi vires inter numeros, harmonias, proportiones, ideas, qualitates, aut formas elementares, ut ab alijs factum est: Sed ipsa adeunt corpora, eorumque conditiones phycas & mechanicas, examinant, motum, figuram, partium situm, tenuitatem aut magnitudinem & similia: & ex his cujusque virtutes æstimant, actiones definiunt, effecta ex-

plicant, idque rectè solideque. Quod verò has minutias indivisibiles esse vellent, aut inatum impetum habere, aut inclinationes ad certa loca, aut denique inanibus spaciis disjungi, hæc & alia hujusmodi non tantum gratis dicta sunt, sed etiam claræ rationi refragantur. Utcunque, cum viam aperuerint ad sanio-rem differendi modum circa res physicas, & in hac parte de Republica literaria non malè meruerint, illos laude sua ne fraudemus. Hanc præter cæteras coluerunt hypothesein, utpote magis ingeniosam, quàm Heracliticam, aut Anaximandricam, quæ formas & qualitates supposuerunt & universam mundi formam esse Deum: Ita ut hæ hypotheseis sup-ponerent, mundum esse animal sapientissimum, partes suas prudenter dirigens, sed Leucippus cum affeculis, ne quando volentes, nolentes per hanc hypothesein cogerentur agnoscere non tantum Deum corporeum, sed etiam incorporeum, ab omni materia sejunctum & ab ea minime dependentem, formis substantialibus & qualitatibus quibuscunque nuntium remiserunt, ut liberius, & sine metu alicujus summi numinis summo otio philosopharentur. Nihil præter motum, situm, magnitudinem, figuram, atque quietem materiæ tribuendo; sed hic turpiter eos fefellit opinio, quum nulla phænomena per concursum atomorum fortuitum, quin mille appareant absurditates, explicari possint, cum ipse motus præcipuum inter materiæ attributa, illi non sit essentialis.

§. 3. De *Leucippo* plus satis, de *Epicuro* multa restant dicenda, natione Milesius fuit, *Damasippi* filius, Magos atque Chaldæos habuit præceptores, à quibus & Theologiam, & Astrologiam di-

dicit, quum adhuc puer esset, postea vero *Leucippum* convenit, & secundum quosdam *Anaxagoram*, quum annis quadraginta minor ætate quam ille esset. Insuper memoriæ traditum est, illum in *Ægyptum* contendisse ad sacerdotes, Geometriam percepturus. Non defuere, qui dicerent, eum cum *Gymnosophistis* in *India* congressum esse: denique in *Æthiopiam* venisse, atque rem familiarem in itineribus dimetiendis, etiamsi lautam, prorsus consumpsisse, ita ut propter rerum omnium indigentiam a *Damaso* fratre aliquando nutriretur. De cujus sagacitate in rebus physicis multa proferruntur, quæ non similia vero videntur, exempli gratiâ, præsentem *Hypocrate* lac efferri cum iussisset, inspecto lacte, dixisse, & *Capellæ* primum partum & nigræ esse. Sed & puellam, *Hypocratis* primo ita salutasse dicitur, *salve virgo*, post tridie verò, *salve mulier*. puella enim vitiata fuit ea nocte. Quod attinet ejus opiniones, eas sic habeto ex *Laertio* & *Hesychio Illustrio*. Principia omnium esse *atomos* & *inane*; cætera omnia fas esse opinari, infinitos esse mundos, generationi & corruptioni obnoxios, *atomos* præterea numero esse infinitos? Aquam ignem, aerem, terram, solem item & lunam ex vertiginibus, tumorumque circumferentiis componi; animamque humanam itidem; cunctaque secundum necessitatem fieri, quum sit vertigo causa generationis omnium, quam necessitatem esse dicit. Finem vero rectum quietumque animæ statum asserit, ut nullo metu, nulla superstitione agitetur. Porro testatur *Lucianus* in *Philopseud. Democritum* firmiter credidisse mortalitatem atque dissolutionem animarum cum corpo-

re, ideoque nihil sibi timuisse, dum petulantes aliqui juvenes tentassent illum noctu territare, adeò firmiter credidit, animas nihil esse, postquam è corporibus exierint. Ex his conlicere licet, illum nullum alium agnovisse numen, quàm stupidam materiam, perpetuis circumgirationibus velocissimè rotatam, cum animum in corpore existentem, nihil aliud esse statuit. Hoc posito, unde quæso Ideam ullam substantiæ incorporeæ concipere possum, quàm ex idea, quam habeo de mea mente utpote ab omni materiâ distincta, & minime dependente, recte concludo, Deum similiter esse substantiam maxime incorpoream & à materia independentem?

§. 4. Non ita se res habet in illis, qui negant resurrectionem, & animarum immortalitatem, si ve durationem perpetuam, quia fatendum est, eam dependere à Dei beneplacito, quia si ita visum fuerit illi, etiam omnes Angeli in nihilum redigerentur. Eapropter ille planè Atheismi postulatur à Cicerone de Nat. Deor. lib. 1. *Democritus, inquit, dum imagines earumque circuitus in Deorum numerum refert, cum illam naturam, quæ imagines fundat admittat, tum scientiam & intelligentiam nostram, nonne in maximo errore versatur, cumque idem omnino, quia nihil semper suo in statu maneat, negat esse quicquam sempiternum, nonne Deum ita tollit omnino, ut nullam opinionem ejus reliquam faciat.* Huc accedit testimonium *Plutarchi* luculentissimum de placit. Philosoph. *Δεμώκριτος* ὅτι ἔστι θεὸν ἐμπυροειδὴ τὴν ἑξέσμε ψυχὴν. (i.e.) Illum nullum alium Deum agnoscere, nisi animam Mundi. (Inde videre est, quomodo Athei solent, retento tantum Dei nomine, quod impudenter cum stupida materia communicare non dubitant

bitant, ablata verò larva, rem ipsam jugiter eos negare, satis perceperis.) Ita ut loci nonnulli in ejus operibus, ubi commemorat aliquem *δημιουργόν* (i.e.) Creatorem, non possint eum excusare, cum *δημιουργός* & *φύσις* videntur apud eum esse synonyma: Idem dictum puta de loco in Epistola Hypocratis ad Damogetem de Sapientia Democriti, ubi refertur, illum non dissecasse partes animalium, ac si vilipendisset opera Dei, sed ut sedem bilis inveniret. Porro *Epicurus* (qui certè si quis alius, maximè fuit *Atheus*) dicitur omnia sua philosophemata à *Democrito* sumpsisse mutua, quod testatur *Cicero* de natura Deor. lib. 1. *Quid est in Physicis Epicuri non à Democrito? Nam etsi quædam commutavit, ut quòd paulò ante de inclinatione atomorum dixi: tamen pleraque dicit eadem, atomos, inane, imagines, infinitatem locorum, innumerabilitatemque mundorum. eorum ortus & interitus, omnia fere quibus naturæ ratio continetur. Et alibi. Democritus vir magnus imprimis, è cujus fontibus Epicurus hortulos suos irrigavit.* Fertur *Plato* ita *Democrito* fuisse infensus, ut omnia ejus scripta *Vulcano* tradidisset, nisi ei à multis fuisset reclamatum, affirmantibus hoc fore laborem plane irritum, cum multa jam exemplaria essent dispersa. Vero simile est hoc odium concepisse *Plat.* contra *Democritum* magis propter opinionum oppositionem mutua, quam ex merà invidia propter ejus celebritatem, quum notum sit, *Platonem* agnovisse sapientissimum mundi creatorem, contra *Democritum*, omnia tribuisse atomorum circumgirationibus. Accedit huc *Augustini* sententia de *Democrito*; *Quanto melius, ne audissem quidem nomen Democriti, quam cum dolore cogitarem, nescio quem suis temporibus magnum putatum, qui Deos esse arbitraretur imagines, quæ de solidis corporibus fluere, solideque*

*ipsæ non essent, easque hac atque hæc, proprio motu circummeundæ; illabendo in animas hominum facere, ut vis divina cogitetur; cum profectò illud corpus unde imago flueret, quanto solidius est, tanto præstantius quoque esse judicatur: ideoque fluctuavit, sicut isti dicunt, nutavitque sententia; ut aliquando naturam quandam, de qua fluerent imagines, Deum esse diceret. Ex quibus verbis Augustini licet concludere Democritum neque cogitationem à materia distinxisse. Opinio ejus de ortu hominum est absurdissima, quum ex vermicibus fatos crediderit, sed successivis mutationibus hanc formam, quam habent, induisse, ita ut non immeritò eum mentis impotem haberent Abderitæ, compellantes cum summa festinatione *Hypocratem*, ut hujus mania porrigeret remedia, vide *Stillingfleetium* Origin. Sacr. part. 2. pag. 26. Qui ibidem dolet, opera hujus Philosophi omnia esse perdita, cum ea quæ remaneant sublestæ sint fidei & parum genuina habeantur.*

C A P U T VI.

§. I.

Democritum excepit *Diagoras* Teleclidis filius, natura servus, & propter indolem & acumen ingenii, decem drachmarum millibus à *Democrito* emtus, & postea ab eodem Philosophiâ imbutus, atque ut fas est credere, minus de DEO sentire edoctus, adeò ut *Impius* vel *Atheus* cognomento dictus fuerit. Alii causam ejus Atheismi sic referunt, quod eidem arti (i. e.) pœticæ operam dederit quispiam, à *Diagora* accusatus de subrepto pœmate nominato pæane, & cum ejurasset se furti non teneri, coram Jovis imagine; Atque pœmate non ita multo post in lucem prolato, mæstus valde

valdè & contristatus *Diagoras*, λόγους θεῶν scripsit ἀποπνεύζοντας: (quasi dicas Orationes è turribus suis Deos præcipitantes:) quæ defectionis suæ causas à communi de Diis sententia continebant; ita imprudenter conclusit, Deum nihil aliud esse quam statuum, cum concludere debuisset, statuum non posse esse Deum. Prosperitas impiorum magnum profectò omni tempore attulit mortalibus præjudicium, ut parum benignè de Deo atq; de ejus providentia sentirent; Quod abunde patet ex verbis *Divini Psaltis*, tantum non pedem suum fuisse lapsum testantis, cum videret impios in omnibus suis conatibus prosperimos habere successus, dum boni viri durissima uterentur sorte, sed cum ingrederetur Templum vel Tabernaculum *Jehovæ*, facili labore omnes istas diluit tristes cogitationes. *Clemens Alexandrinus* *Diagoræ* Philosophiam damnari à multis existimabat, fictitios. atque falsos Gentilium Deos quia acriter corripere, quod fatemur verum fuisse de aliquibus qui à Gentilibus existimabantur Athei. Quod si diligentius consideraverimus ejus scommata contra providentiam, non abs re erit credere, illum nullum Deum agnovisse præter concursum atomorum fortuitum, vel materiam, ut antea ejus Præceptor *Democritus*. *Diagoras* cum in *Samothraciam* venisset, & quidam amicus ei dixisset *tu qui putas Deos humana negligere, nonne animadvertis ex his tabellis pictis quam multi votis vim tempestatis effugerint, & in portum salvi pervenerint? Ita fit, inquit, illi verò nusquam picti sunt qui naufragium fecerunt in mariq; perierunt.* l. 3. de *Naturæ Deor.* Idemq; cum ei naviganti vectores adversa tempestate timidi & perterriti dicerent, non injuriâ sibi illud accidere, qui illum in navem eandem recepissent, ostendit eis in

42 *Historia Philosophica*
eodem cursu multas alias laborantes , quæsitque , num
etiam in iis navibus Diagoram vehi crederent. Acutissi-
mè dictum , quod nos monere debet , ne nimia
festinatione impiorum miseriam illicò eorum impi-
etati tribuamus, quia & hæc accidit viris quibus-
que optimis. Propter impietatem ejus decreve-
runt Athenienses magnam argenti vim cuicunque
qui illum trucidaret , atque largiorem tali mercede-
dem, qui vivum adduceret. Sed fugâ se salvavit &
postea naufragio periit. Multa alia de eo referunt
authores , sed non sunt hujus commatis, neque ad
nostrum faciunt institutum.

§. 2. Fuit & *Protagoras* Democriti auditor , testante *Laërtio* , atque is Atheismi accusatus , dicebat nihil esse animam præter sensus , *de Diis quidem statuere nequeo, inquit; an sint necne , sunt enim plurima, quæ id scire prohibeant, quippe & summa rei incertitudo, & brevis hominis vita. Nihil videtur conceptis verbis contra existentiam summi numinis statuisse , sed cautiùs, forsan, propter magistratûs metum loquutus, sed cum Diagoræ condiscipulus esset , par est credere, illum coluisse eandem Philosophiam : pulsus tandem ab Atheniensibus, librique illius in foro cremati, sub præconis voce. Lubet huic sub-
jicere historiam *Theodori* cognomento dicti *Athei*. Vixit Athenis tempore *Demetrii Phalerei* ; omnes opiniones de Diis antiquavit penitus & sustulit, & ut amplius dicam , sustulit & amicitiam , quod ea neque penes stolidos , neque penes Sapientes sit, nam sublato usu , amicitiam confestim aboleri atque interire ; Sapientes rursus , quum sua sint sorte contenti , amicorum opem non requirere : furto, adulterio sacrilegioque se dediturum ex usu temporis, horum enim naturâ nihil esse turpe , si tollas po-
bularem*

pularem de hisce opinionem , quæ ad continendum in officio vulgus hominum recepta est. Hinc addiscere licet , nihil Atheo Patriæ vel Reipublicæ pestilentius , nihil eo timidius in periculis , in convictu fraudulentius , aut injustius esse posse , qui , neque æqualem toleret , neque agnoscat superiorem , nisi quando coactus est commoditati suæ inservire atque temporibus ; alioquin , *vivitur ex rapto , non hospes ab hospite tutus* ; neque salus populi respicienda , neque majestas principum. Atheus nullum agnoscit Numen , nisi seipsum , neque aliud cælum , præter hujus vitæ commoditates , neque alium Infernum , præterquàm rerum omnium inopiam ; hic timiditas & ignavia , ut strictum enssem vix audeat adspicere , quia si forte hostili ferro caderet , conclamatum esset de omni illius spe & expectatione. At forsân objicies , in bello nihil Atheo fortiùs , cùm post mortem neque pœna eos maneat neque Infernus , neque ulla rerum anteaclarum recapitulatio , neque profectò moleste ferenda sit , brevis hujus vitæ jactura. Ita est , fateor , si meliorem vitam spectaveris , jactura est nulla , attamen homini Atheo gravissima est & irreparabilis , quia nihil habet aliud quod expectet. Insuper quod Atheus *pacis sit amantiſſimus* , utpote omnia summum numen , atque religionem quæ respiciunt , susquedeque habens , atque æquissimo ferens animo , ut quisque abundet suo sensu , quum *non quid sentiant homines , sed quid agant* curet Atheus , nullo pacto verum esse arbitror ; contrà , est animal maximè disputax , atque ardentissimo zelo percitum ad conquirendos sibi affeclas , neque fortè hoc nomine Phariseo multum inferius. Praxis , & ho-

minum Atheisticorum mores, extra omnis aleæ controversiam hoc ponunt quippe qui nusquam desinunt, si non palam, saltem clanculum corrumpere aliorum animos. Obiter monendum est; execrandam esse opinionem Atheorum, secundum quam, ipsis fatentibus, nullus in officio contineri potest, sed opus est commento religionis, quamvis fabula absurdissima sit, Religionem à politicis fuisse excogitatam, quum nemo hactenus potuerit ostendere, quibus temporibus, quibus locis, vel à quo deniq; princeps tanta fraus introducta fuerit; Imò impossibile est, ut experientia satis docet, unum Universos posse decipere, vel ab uno Universos decipi, quia omni tempore inveniuntur homines astuti atque sagaces ad detegendas ejus generis fraudes, imprimis, cum sua magnopere intersit, excutere talis supremi numinis dominationem, quæ identidem incutit terrorem mortalium animis.

§. 3. *Theodoro* Coætaneus fuit *Stilpo Megarensis*, & ut aliqui volunt *Euclidis* auditor, qui tantum valuit dicendo, ut parum abfuerit, quin cuncta Græcia in illum intenta, in Megaram transfiret. Aiunt, ita illum quemdam de *Phidiæ* minervâ compellasse: *Num*, inquit, *Minerva Jovis filia Deus est?* Quum vero annuisset ille, dixisse dicitur, *at illa non Jovis, sed Phidiæ est*: non ergo ipsa, (Ita concludebat,) *Deus*: quæ ex re, quum in Areo pagum pertractus fuisset, nihil inficiatum ferunt, imò rectè se loquutum asseruit, *non enim Deus erat, sed Dea*: Areo-pagitz tamen nihilo secius continuo urbe excedere jusserunt. Denique, cum rogasset eum *Crates*, an Dii precationibus, ac divinis honoribus gaudeant, *noli me*, inquit, *in via de hisce rogare, sed solum*, ac

sim. Horum nihil *Hesychius Illustrius* in ejus vita commemorat, sed de ejus festivo ingenio & facundia, multa prædicat, & quandoquidem ex ejus operibus nihil est reliquum, non temerè inter Atheos recensendus irrisor lepidus, qui Idololatriam sui temporis non sine multo sale subinde jocosè perfricuit. Hujus temporis erat *Bion Borysthenites*, etiam Atheus à multis habitus, aliàs ignobilis, sed ab Antigono, Macedoniæ Rege in deliciis habitus, propter summum viri leporem & acumen ingenii: *Theodori* impii fuit assiduus auditor. à quo malè de Deò sentire didicit, & profana multa effutire, sed postremis vitæ temporibus incidens in adversam valetudinè, ad saniolem mentem rediit, propterea à *Laertio* Græcis carminibus acriter perstrictus, quæ Latine ita se habent.

Bionem Borysthenitem quem Scythica tellus produxit,

Dixisse audivimus, revera nihil esse Deos,

Ac si quidem id dogma tueri perstitisset, merito dicendus esset

Sensisse ut visum fuisset, Et si male visum esset.

At nunc quum in longum morbum incidisset, ac mori pertimesceret,

Qui Deos non esse dixerat, qui sanum non viderat,

Mortalibus qui illuserat, dum Diis immolarent,

Non pro foco solum, arisque ac mensa,

Nidore, adipe, thureque Deorum nares implevit,

Nec solum peccavi dixit, delictis parcite,

Sed & anui collum facile porrexit excantandum,

Brachioque loris persuasus devinxit.

Rhamnumque, & lauriranium januæ imposuit

Cuncta administrare magis, quam mori paratus.

Stultus, qui mercede voluerit Deos esse, (retur.
Quasi nunc essent, quum illos Bion demum esse arbitra-

Hæc est profectò omnium fere Atheorum indoles, ut moribundi in turpissimam superstitionem & maximè ridiculam incidant. *Tullus Hostilius* Deorum infrequens cultor, ipse quoque, magno morbo implicitus, tum adeò fracti simul cum corpore sunt Spiritus illi feroces, ut qui nihil ante ratus esset minus regium, quàm sacris dedere animum, repente omnibus magnis parvisque superstitionibus obnoxius degeret, religionibus etiam populum impleret *Liv. Dec. i. lib. i.* Eapropter aliqui Athei non temerè queruntur de suorum assecclarum inconstantia & tergiversatione, quia pauci, vel nulli firmi manent atque immobiles in sua Sententia: Causa est inpromptu, à turpibus voluptatibus feriari coguntur, quæ eos à recto rationis usu distrahebant, & jam tandem ad se redeunt, Atheismo nihil ineptius aut periculosius satis percipiunt, contrariam verò Sententiam valde securam bene intelligunt, quum plane nihil se cum adferat periculi, si esset falsa, nequidem minimum infamiæ, quia tum nemo foret, qui me pro ludibrio haberet, vel qui pænas à me sumeret si nullus sit Deus, & Animarum immortalitas, quod si detur (datur autem certissimè) tum vix & miseria incredibilis, familiæ Atheorum.

§. 4. Jam tandem tangit ordo *Epicurum*, *Neoclis* & *Chærestratæ* filium, patria *Atheniensem*. Sunt qui dicunt, quum *Athenienses* Samum sortiti essent, illic illum nutritum esse, ac demum octavum vel dicimum agentem ætatis annum, rursus Athenas concessisse, quo tempore & *Xenocrates* in *Acade-*

mia, *Aristoteles* in Halcide, Scholam habebant. De-
 functo autem *Alexandro Macedonum* rege, & Athe-
 niensium sub *Perdiccâ* afflictis rebus, Colophonem
 se ad Patrem contulisse, ubi cum aliquamdiu mo-
 ratus esset, collegissetque discipulos, Athenas ite-
 rum rediisse dicitur, ibique cum cæteris in com-
 muni Philosophatum fuisse, deinde seorsum sectam
 constituisse. Verum enim verò *Diotimus* Stoicus
 infesto adversus illum animo acerrimè eum insecta-
 tus est, quinquaginta circumferens impudicas
 & lascivas, veluti ab Epicuro scriptas Epistolas.
 Quicquid sit, hoc certum est, ab omnibus fere Phi-
 losophorum sectis, impietatis atque Atheismi po-
 stulatum fuisse *Epicurum*; imprimis à Stoicorum
 secta, illi maximè fuit reclamatum; neque minùs
 à Judæis Scriptoribus, qui eousque devenerunt, ut
 Atheum & Epicureum haberent pro synonymis.
 Vide *Buxtorf*. Lexicon. *Epictetus* quoque, ut lasci-
 vius loquentem sugillat. Insuper memoriæ est tra-
 ditum, bis illum diebus singulis vomere solitum
 fuisse, & nimis deliciis solutum, corporeque adeò
 misere affectum, ut multos annos è sella confur-
 gere nequiverit, minam interim quotidie in cibos
 consumsisse, ut ipse in Epistola ad Leontiam testa-
 tur. Multa alia hujus generis de ejus diffluentia vitæ,
 atque crapula apud Authores passim inveniuntur.
 Sed nec, ei defuere omni tempore Viri doctissimi,
 qui ab omni impuritate vitæ eum acriter defende-
 runt, quum ille non in turpi voluptate corporis po-
 neret felicitatem, sed involuptate animæ, ita ut quod
 Stoici vocarent *apathiam*, Molinistæ nostri tempo-
 ris *quietudinem animi*, atq; nos ipsi *bonam consci-
 entiam*, *Epicurus* appellaret voluptatem. Quod si ita

*ipsa non essent, easque hac atque hâc, proprio motu circumeundc; illabendo in animas hominum facere, ut vis divina cogitetur; cum profectò illud corpus unde imago fueret, quanto solidius est, tanto præstantius quoque esse judicatur: ideoque fluctuavit, sicut isti dicunt, nutavitque sententia; ut aliquando naturam quandam, de qua fluèrent imagines, Deum esse diceret. Ex quibus verbis Augustini licet concludere Democritum neque cogitationem à materia distinxisse. Opinio ejus de ortu hominum est absurdissima, quùm ex vermibus sotos crediderit, sed successivis mutationibus hanc formam, quam habent, induisse, ita ut non immeritò eum mentis impotem haberent Abderitæ, compellantes cum summa festinatione *Hypocratem*, ut hujus mania porrigeret remedia, vide *Stillingfleetium* Origin. Sacr. part. 2. pag. 26. Qui ibidem dolet, opera hujus Philosophi omnia esse perdita, cum ea quæ remaneant sublestæ sint fidei & parum genuina habeantur.*

C A P U T VI.

§. I.

DEmocritum excepit *Diagoras* Teleclidis filius, natura servus, & propter indolem & acumen ingenii, decem drachmarum millibus à *Democrito* emtus, & postea ab eodem Philosophiâ imbutus, atque ut fas est credere, minus de DEO sentire edoctus, adeò ut *Impius* vel *Atheus* cognomento dictus fuerit. Alii causam ejus Atheismi sic referunt, quod eidem arti (i. e.) pœticæ operam dederit quispiam, à *Diagora* accusatus de subrepto pœmate nominato pæane, & cùm ejurasset se furti non teneri, coram Jovis imagine; Atque pœmate non ita multo post in lucem prolato, mæstus

valdè & contristatus *Diagoras*, λόγους θεῶν scripsit ἀποπνεύζοντας: (quasi dicas Orationes è turribus suis Deos præcipitantes:) quæ defectionis suæ causas à communi de Diis sententia continebant; ita imprudenter conclusit, Deum nihil aliud esse quàm statuum, cum concludere debuisset, statuum non posse esse Deum. Prosperitas impiorum magnum profectò omni tempore attulit mortalibus præjudicium, ut parum benignè de Deo atq; de ejus providentia sentirent; Quod abunde patet ex verbis *Divini Psaltis*, tantum non pedem suum fuisse lapsum testantis, cum videret impios in omnibus suis conatibus prosperimos habere successus, dum boni viri durissima uterentur sorte, sed cum ingrederetur Templum vel Tabernaculum Jehovæ, facili labore omnes istas diluit tristes cogitationes. *Clemens Alexandrinus* *Diagoræ* Philosophiam damnari à multis existimabat, fictitios. atque falsos Gentilium Deos quia acriter corriperet, quod fatemur verum fuisse de aliquibus qui à Gentilibus existimabantur Athei. Quod si diligentius consideraverimus ejus scommata contra providentiam, non abs re erit credere, illum nullum Deum agnovisse præter concursum atomorum fortuitum, vel materiam, ut antea ejus Præceptor *Democritus*. *Diagoras* cum in Samothraciam venisset, & quidam amicus ei dixisset tu qui putas Deos humana negligere, nonne animadvertis ex his tabellis pictis quam multi votis vim tempestatis effugerint, & in portum salvi pervenerint? Ita fit, inquit, illi verò nusquam picti sunt qui naufragium fecerunt in mariq; perierunt. l. 3. de Natur. Deor. Idemq; cum ei naviganti vectores adversa tempestate timidi & perterriti dicerent, non injuriâ sibi illud accidere, qui illum in navem eandem recepissent, ostendit eis in

eodem cursu multas alias laborantes , quæsitque , num etiam in iis navibus Diagoram vehi crederent. Acutissime dictum , quod nos monere debet , - ne nimia festinatione impiorum miseriam illicò eorum impietati tribuamus, quia & hæc accidit viris quibusque optimis. Propter impietatem ejus decreverunt Athenienses magnam argenti vim cuicunque qui illum trucidaret , atque largiorem tali mercedem, qui vivum adduceret. Sed fugâ se salvavit & postea naufragio periit. Multa alia de eo referunt auctores , sed non sunt hujus commatis, neque ad nostrum faciunt institutum.

§. 2. Fuit & *Protagoras* Democriti auditor , testante Laërtio , atque is Atheismi accusatus , dicebat nihil esse animam præter sensus , *de Diis quidem statuere nequeo, inquit; an sint necne , sunt enim plurima, quæ id scire prohibeant, quippe & summa rei incertitudo, & brevis hominis vita.* Nihil videtur conceptis verbis contra existentiam summi numinis statuisse , sed cautiùs, forsan, propter magistratûs metum loquutus, sed cum Diagoræ condiscipulus esset , par est credere, illum coluisse eandem Philosophiam : pulsus tandem ab Atheniensibus, librique illius in foro cremati, sub præconis voce. Lubet huic subjicere historiam *Theodori* cognomento dicti *Athei*. Vixit Athenis tempore *Demetrii Phalerei* ; omnes opiniones de Diis antiquavit penitus & sustulit, & ut ampliùs dicam , sustulit & amicitiam , quod ea neque penes stolidos , neque penes Sapientes sit, nam sublato usu , amicitiam confestim aboleri atque interire ; Sapientes rursus, quum sua sint sorte contenti , amicorum opem non requirere : furto, adulterio sacrilegioque se dediturum ex usu temporis, horum enim naturâ nihil esse turpe , si tollas popu-

pularem de hisce opinionem , quæ ad continendum in officio vulgus hominum recepta est. Hinc addiscere licet , nihil Atheo Patriæ vel Reipublicæ pestilentius , nihil eo timidius in periculis , in convictu fraudulentius , aut injustius esse posse , qui , neque æqualem toleret , neque agnoscat superiorem , nisi quando coactus est commoditati suæ inservire atque temporibus ; alioquin , *vivitur ex rapto , non hospes ab hospite tutus* ; neque salus populi respicienda , neque majestas principum. Atheus nullum agnoscit Numen , nisi seipsum , neque aliud cælum , præter hujus vitæ commoditates , neque alium Infernum , præterquàm rerum omnium inopiam ; hic timiditas & ignavia , ut strictum enssem vix audeat adspicere , quia si forte hostili ferro caderet , conclamatum esset de omni illius spe & expectatione. At forsan objicies , in bello nihil Atheo fortiùs , cùm post mortem neque pœna eos maneat neque Infernus , neque ulla rerum antea actarum recapitulatio , neque profectò molestè ferenda sit , brevis hujus vitæ jactura. Ita est , fateor , si meliorem vitam spectaveris , jactura est nulla , attamen homini Atheo gravissima est & irreparabilis , quia nihil habet aliud quod expectet. Insuper quod Atheus pacis sit *amantissimus* , utpote omnia summum numen , atque religionem quæ respiciunt , susquedeque habens , atque æquissimo ferens animo , ut quisque abundet suo sensu , quum *non quid sentiant homines , sed quid agant* curet Atheus , nullo pacto verum esse arbitror ; contrà , est animal maximè disputax , atque ardentissimo zelo percitum ad conquiendos sibi affeclas , neque fortè hoc nomine Phariseo multum inferius. Praxis , & ho-

minum Atheisticorum mores, extra omnis alex controversiam hoc ponunt quippe qui nusquam desinunt, si non palam, saltem clanculum corrumpere aliorum animos. Obiter monendum est; execrandam esse opinionem Atheorum, secundum quam, ipsis fatentibus, nullus in officio contineri potest, sed opus est commento religionis, quamvis fabula absurdissima sit, Religionem à politicis fuisse excogitatam, quum nemo haecenus potuerit ostendere, quibus temporibus, quibus locis, vel à quo denique princeps tanta fraus introducta fuerit; Imò impossibile est, ut experientia satis docet, unum Universos posse decipere, vel ab uno Universos decipi, quia omni tempore inveniuntur homines astuti atque sagaces ad detegendas ejus generis fraudes, imprimis, cum sua magnopere intersit, excutere talis supremi numinis dominationem, quæ identidem incutit terrorem mortalium animis.

§. 3. *Theodoro* Coætaneus fuit *Stilpo Megarensis*, & ut aliqui volunt *Euclidis* auditor, qui tantum valuit dicendo, ut parum abfuerit, quin cuncta Græcia in illum intenta, in Megaram transfiret. Aiunt, ita illum quemdam de *Phidiæ* minervâ compellasse: *Num*, inquit, *Minerva Jovis filia Deus est?* Quum vero annuisset ille, dixisse dicitur, *at illa non Jovis, sed Phidiæ est*: non ergo ipsa, (Ita concludebat,) *Deus*: qua ex re, quum in Areo pagum pertractus fuisset, nihil inficiatum ferunt, imò rectè se loquutum asseruit, *non enim Deus erat, sed Dea*: Areo-pagitz tamen nihilo secius continuo urbe excedere jusserunt. Denique, cum rogasset eum *Crates*, an Dii precationibus, ac divinis honoribus gaudeant, *noli me*, inquit, *in via de hisce rogare, sed solum*, ac

sim. Horum nihil *Hesychius Illustrius* in ejus vita commemorat, sed de ejus festivo ingenio & facundia, multa prædicat, & quandoquidem ex ejus operibus nihil est reliquum, non temerè inter Atheos recensendus irrisor lepidus, qui Idololatricam sui temporis non sine multo sale subinde jocosè perfricuit. Hujus temporis erat *Bion Borythenites*, etiam Atheus à multis habitus, aliàs ignobilis, sed ab Antigono, Macedoniae Rege in deliciis habitus, propter summum viri leporem & acumen ingenii: *Theodori* impii fuit assiduus auditor. à quo malè de Deò sentire didicit, & profana multa effutire, sed postremis vitæ temporibus incidens in adversam valetudinè, ad saniolem mentem rediit, propterea à *Laertio* Græcis carminibus acriter perstrictus, quæ Latinè ita se habent.

Bionem Borythenitem quem Scythica tellus produxit,

*Dixisse audivimus, revera nihil esse Deos,
Ac si quidem id dogma tueri perstitisset, merito dicendus esset*

Sensisse ut visum fuisset, Et si male visum esset.

At nunc quum in longum morbum incidisset, ac mori pertimesceret,

Qui Deos non esse dixerat, qui fanum non viderat,

Mortalibus qui illuserat, dum Diis immolarent,

Non pro foco solum, arisque ac mensa,

Nidore, adipe, thureque Deorum nares implevit,

Nec solum peccavi dixit, delictis parcite,

Sed & anui collum facile porrexit excantandum,

Brachioque loris persuasus devinxit

Rhamnumque, & laurumque januæ imposuit

Cuncta administrare magis, quam mori paratus.

Stultus, qui mercede voluerit Deos esse, (retur.
Quasi nunc essent, quum illos Bion demum esse arbitra-

Hæc est profectò omnium fere Atheorum indoles, ut moribundi in turpissimam superstitionem & maximè ridiculam incidant. *Tullus Hostilius* Deorum infrequens cultor, ipse quoque, magno morbo implicitus, tum adeò fracti simul cum corpore sunt Spiritus illi feroces, ut qui nihil ante ratum esset minus regium, quàm sacris dedere animum, repente omnibus magnis parvisque superstitionibus obnoxius degeret, religionibus etiam populum impletet *Liv. Dec. i. lib. i.* Eapropter aliqui Athei non temerè queruntur de suorum assecutorum inconstantia & tergiversatione, quia pauci, vel nulli firmi manent atque immobiles in sua Sententia: Causa est in promptu, à turpibus voluptatibus feriari coguntur, quæ eos à recto rationis usu distrahebant, & jam tandem ad se redeunt, Atheismo nihil ineptius aut periculosius satis percipiunt, contrariam verò Sententiam valde securam bene intelligunt, quum plane nihil se cum adferat periculi, si esset falsa, nequidem minimum infamiæ, quia tum nemo foret, qui me pro ludibrio haberet, vel qui pænas à me sumeret si nullus sit Deus, & Animarum immortalitas, quod si detur (datur autem certissimè) tum vix & miseria incredibilis, familiæ Atheorum.

§. 4. Jam tandem tangit ordo *Epicurum*, *Neoclis* & *Chærestratæ* filium, patria *Atheniensem*. Sunt qui dicunt, quum *Athenienses* Samum sortiti essent, illic illum nutritum esse, ac demum octavum vel dicimum agentem ætatis annum, rursus Athenas concessisse, quo tempore & *Xenocrates* in *Acade-*

mia, *Aristoteles* in Halcide, Scholam habebant. De-
 functo autem *Alexandro Macedonum* rege, & Athe-
 niensium sub *Perdiccâ* afflictis rebus, Colophonem
 se ad Patrem contulisse, ubi cum aliquamdiu mo-
 ratus esset, collegissetque discipulos, Athenas ite-
 rum rediisse dicitur, ibique cum cæteris in com-
 muni Philosophatum fuisse, deinde seorsum sectam
 constituisse. Verum enim verò *Diotimus* Stoicus
 infesto adversus illum animo acerrimè eum insecta-
 tus est, quinquaginta circumferens impudicas
 & lascivas, veluti ab Epicuro scriptas Epistolas.
 Quicquid sit, hoc certum est, ab omnibus fere Phi-
 losophorum sectis, impietatis atque Atheismi po-
 stulatum fuisse *Epicurum*; imprimis à Stoicorum
 secta, illi maximè fuit reclamatum; neque minùs
 à Judæis Scriptoribus, qui eousque devenerunt, ut
 Atheum & Epicureum haberent pro synonymis.
 Vide *Buxtorf. Lexicon. Epictetus* quoque, ut lasci-
 vius loquentem sugillat. Insuper memoriæ est tra-
 ditum, bis illum diebus singulis vomere solitum
 fuisse, & nimis deliciis solutum, corporeque adeo
 misere affectum, ut multos annos è sella confur-
 gere nequiverit, minam interim quotidie in cibos
 consumsisse, ut ipse in Epistola ad Leontiam testa-
 tur. Multa alia hujus generis de ejus diffluentia vitæ,
 atque crapula apud Authores passim inveniuntur.
 Sed nec, ei defuere omni tempore Viri doctissimi,
 qui ab omni impuritate vitæ eum acriter defende-
 runt, quum ille non in turpi voluptate corporis po-
 neret felicitatem, sed involuptate animæ, ita ut quod
 Stoici vocarent *apathiam*, Molinistæ nostri tempo-
 ris *quietudinem animi*, atq; nos ipsi *bonam consci-
 entiam*, *Epicurus* appellaret voluptatem. Quod si ita

res se habuerit, in hoc articulo non à vero abhoruisse videtur, quandoquidem sine illa animi voluptate, certo certius nulla felicitas obtineri possit, vid *St. William Tem. Essay appon the garden of Epicurus*. De ejus parsimonia prædicat multa *Laertius*, tacebo *Gassendum*, qui omnia congeffit, quæ illi ornameto aut laudi esse possunt.

Quis furor, O cives, ut vos ob vile lucellum

Rixas, & bellum sollicitetis atrox?

Nam natura opibus facile est contenta pusillis,

Contenta nullis ambitio est opibus.

Hoc Epicurus ait, dulces quem nempe Camena,

Aut suadet tripodes edocuere Sacri.

Sed quicquid sit, de ejus moribus non ita laborabo, præsertim, cum gravissimi authores de hac re minime consentiant, & quia non est necesse, ut quisque Atheus illico omni dissolutione vitæ & luxu diffluat, ea propter non ex moribus tantum & vitæ instituto judicium de Atheismo ferendum, sed etiam ex cujusque opinionibus, de natura, principio atque omnium rerum causa.

§. 5. Quid verò de his opinatus sit *Epicurus*, videndum nunc est: Physicam Epicuream in compendio sic habeto: Principia esse individuas corporum naturas, sive atomos in infinito spatio infinitas, *si enim, inquit, esset infinitum vacuum, & corpora finita, nusquam manerent corpora, sed ferrentur per infinitum inane dispersa, quum non haberent quò se figerent atque cohiberent. Quod si vacuum finitum esset, non haberent infinita corpora ubi subsisterent. Inde mundum ex vacuo & atomis compositum infinitum esse statuit; Atomis nihil attribuit præter figuram, magnitudinem & gravitatem, quarum mutuis cohesionibus ac circumrotationibus infinitos mundos es-*

se compositos, nec non corpora in iisdem singularia: animam verò ex atomis levissimis atque rotundis esse compositam, multum ab illis differentibus, quæ igneæ sunt; pars tamen ejus, quæ ratione caret, corpori quoque reliquo connexa est. Incorporeum autem per se intelligere non possumus, inquit, præter vacuum; itaque qui incorpoream dicunt esse animam desipiunt. Nihil enim aut facere posset, aut pati, si esset hujusmodi. Undeliquet, nullum posse dari Deum incorporeum ex sententia *Epicuri*, nisi voluerimus pro Deo agnoscere infinitum ejus spatium, quod neque agere, neque pati potest. Illicò reddit omnium animi perturbationem causam, videlicet, quia non videntur multarum actionum atque phœnomenorum causæ veræ atque primæ, inde sibi metuunt, ne forte detur aliqua substantia atque causa incorporea, quæ metûs eos etiam post mortem exagitabit, atq; in hujus exilio ponitur animæ felicitas. Monet insuper, mortem non esse timendam, quoniam cum nos sumus, mors non est, cum verò mors adest, nos non sumus, neq; igitur ad viventes neq; ad mortuos pertinet. Hic non abs reduxi Verba *Joh. Francis. Buddei* interponere. Si quis inquit, nonnulla *Epicuri* placita defendenda sibiumat, eum simul necesse est, ut & numeris providentiam tollat, & immortalitatem mentis neget, & summam hominis felicitatem in dolorum & curarum absentia, quam animæ tranquillitatem dixit, collocet. Contrà, si quis aliquod *Epicuri* assertum, missis cæteris, assumat, ille quidem hoc ipso à mente *Epicuri* discedit, nec quod docet pro Epicureo dogmate venditare potest. Id quod *Petro Gassendo* contigit, qui Epicureus videri voluit, cum tamen præcipua *Epicuri* decre-

“ta reiiceret, atque refelleret: quo ipso peccavit
 “quidem, sed minus tamen, quam si detorquere
 “in alienum sensum veterum opiniones annisus
 “esset, quod *Justus Lipsius* fecit, ineptissimus po-
 “tius Stoicorum adulator, quam Stoicæ Philoso-
 “phiæ restaurator dicendus. *In Præfatione ad His-*
tor. juris natural. Neque tamen videtur *Stilling-*
fleetius magis favorabiles, quam veras, *Diagoræ* &
Theodori apologias nominare, quando destruentes
 polytheismum, atque cultum idololatricum, nul-
 lum alium rationalem cultum adstruxisse depre-
 henduntur. Id quod non ineptè *Epicuro* applicabi-
 mus, qui etiam si conceptis verbis cum *Diagora* esse
 Deos non sit ausus negare, ne subiret fata eadem,
 nihilominus cum nulla principia rerum agnosceret
 præter materiam, & circumgiratas fortuitò ato-
 mos, non dubitamus, Gregis impii illum ducem
 ponere. Neque à nostra hac sententia abhorret
 Cicero, cum verba facit de pœna *Protagoræ*, pro-
 pter ista verba: *De Diis neque ut sint, neque ut non sint*
habeo dicere: Ex quo equidem tardiores existimo ad hanc
sententiam profitendum, multos esse factos, quippe cum pœ-
nam ne dubitatio quidem effugere potuisset.

§. 6. Deorum Democratiam, quam agnovit
Epicurus, fuisse comicam, potiùs quàm veram, sa-
 tis patet, cum eos in spatiis aliquibus intermunda-
 nis collocet, quæ spatia imaginaria à *Lucretio* ele-
 ganter habemus descripta his verbis:

Illud item non est, ut possis credere, sedes
Esse Deum Sanctas, in mundi partibus ullis.

Atque Porro:

“Quas neque concutiunt venti, neque nubila nimbis
 “Aspergunt, neque nix acri concreta pruina
 “Cana cadens violat, semperque innubilus ather
 “Integit, & large diffuso lumine ridet.

Epicurus tamen hos otiosos atque delicatulos Deos colendos dixit, non quod haberent nobiscum quid commune, & nostrarum rerum curam, sed propter earum excellentiam, & naturam tenuissimam atque subtilissimam, quasi tamen carneam & quasi sanguineam; unde dicitur Deos jocandi causâ introduxisse *Epicurum* pellucidos atque perflabiles, & habitantes quasi inter duos lucos, sic inter duos mundos, propter metum ruinarum. *Possidonius* clarè affirmat, *Epicuro* nullos esse Deos; quæque is de Diis immortalibus dixerit, invidiæ detestandæ gratiâ dixisse. Vid. Cudworth. intellectual. system. pag. 60. Qui cum bona venia *Gassendi*, firmiter *Epicurum* pro Atheo habet, non obstantibus ejus Diis subtilibus atque aëreis, dum passim affirmat, mundum esse factum à corporibus fortuito motis sine moderatore, ita ut juxta cum *Democrito* statuatur, mundum *ὡς τῆς φύσεως οὐκ οὐκ* ovum noctis, & merum *Tobu-ve Bobu*, pro causâ ejus habuisse, vel magnum inane, unde *Lucretius*:

*Quod cunque erit, esse aliquid debebit id ipsum,
Augmine vel grandi, vel parvo - - -
Cui si tactus erit, quamvis levis exiguusque
Corporis augebit numerum summamque sequetur.
Sin in tactile erit, nulla de parte quod ullam
Rem prehibere queat per se transire meantem,
Scilicet hoc id erit vacuum, quod inane vocamus.*

Item.

*Præter inane & corpora, tertia per se
Nulla potest rerum in numero natura relinqui.*

Unde patet, nihil agnovisse *Epicurum*, (cujus amanuensis *Lucretius*,) præter materiam Philosophiæ partem ignobiliorem, ut causam & principium omnium rerum, sed de causa motûs, atque

operationum physicarum, nihil protulit, nisi ineptias; Unde *Cicero in lib. de finibus*, cum in rerum
 “ natura duo sint quærenda, unam quæ materia sit,
 “ ex qua quæque res efficiatur, alterum, quæ vis
 “ sit, quæ quidque efficiat: de materia differuerunt
 “ *Epicurei*; Vim & causam efficiendi reliquerunt.
 “ Dum causam motus *Epicurus* ponit gravitatem
 “ atomorum rectis lineis deorsum tendentem; ab-
 “ surdus vel insulsius quid dici poterat? Cum in-
 “ finito spatio, (cum adhuc nulla esset atomorum
 concretio,) neque sursum, neque deorsum ullo ju-
 re statuere poterat. Adhæc cum liberum arbitrium
 explicare voluerit, fastigia insanix transcendisse vi-
 detur, apud *Ciceron. lib. de fato*: Sed *Epicurus* de-
 “ clinatione atomi vitari fati necessitatem putat:
 “ Itaque tertius quidam motus oritur extra pondus
 “ & plagam, quum declinat atomus intervallo mi-
 “ nimo: quam declinationem sine causa fieri, si
 “ minus verbis, re cogitur confiteri - - - - ra-
 “ tionem hanc *Epicurus* induxit, ob eam rem, quod
 “ veritus, ne, si semper atomus gravitate ferretur
 “ naturali ac necessaria, nihil liberum nobis esset,
 “ quum ita moveretur animus, ut atomorum motu
 “ cogeretur. Hinc *Democritus* auctor atomorum
 “ accipere maluit, necessitate omnia fieri, quàm à
 “ corporibus individuis naturales motus avellere.
 Horum verborum summa huc redit: anima hu-
 mana composita est ex atomis recte necessario mo-
 tis, sed parum ad latus declinantibus, ergo anima
 debet esse in suis actionibus libera, quod si more
 solito in lineis rectis moverentur, tum actum esset
 de libero arbitrio. Et credo nihil absurdius in men-
 tem hominis insani cadere potuisse, quum nulla
 planè

planè relatio aut proportio inter atomos, & liberam agendi potestatem, ideòque non immeritò à *Cicerone* vehementer reprehensus. *Hoc persæpe*, inquit, facitis, ut cùm aliquid non verisimile dicatis, & effugere reprehensionem velitis, afferatis aliquid, quod omnino ne fieri quidem possit: ut satius fuerit, illud ipsum, de quo ambigebatur, concedere, quàm tam impudenter resistere. Vult *Epicurus* cum videret, si atomi ferrentur in locum inferiorem suo pte pondere, nihil fore in nostra potestate, quod esset earum motus necessarius; invenit, quomodo necessitatem fugeret, quod *Democritum* fugerat: ait atomum, cum pondere & gravitate directè deorsum feratur, declinare paululum. Hoc dicere turpius est, quam illud quod vult, non posse defendere, de Natur. Deor. lib. I. Sed de *Epicuro* plus satis.

§. 7. De *Lucretio* lubet hic paucis meminisse, qui Philosophiam Epicuream carminibus latinis eleganter cecinit, & vestigia magistri assiduè pressit, nisi fortè minime constare sibi videatur, dum invocatione *Almæ Veneris* suum poema orditur, cùm in sequentibus nullum Deum agnoscere voverit. Versus isti initiales ita se habent:

*Æneadum genitrix, hominum divumque voluptas,
Alma Venus, cœli subter labentia signa,*

*Quæ mare navigerum, quæ terras frugiferentis
Concelebras - - -*

Te sociam studeo scribendis versibus esse,

Quos ego de rerum natura pangere conor.

Conformat se proculdubio loquendi formulis poeticiis, quæ obtinebant istis temporibus, quia ipse Diis omnibus hostem infensissimum se præ-

bet, neque ullam moderationem, vel providentiam in mundo esse agnoscit, ut ex sequentibus videre est:

*Omnis enim per se Divum natura necesse est,
Immortali ævo summa cum pace fruatur,
Semota ab nostris rebus, sejunctaque longe
Nam privata dolore animi, privata periclis,
Ipsa suis pollens opibus, nihil indiga nostri,
Nec bene promeritis capitur, nec tangitur ira.*

Pergit, *Epicurum* supra modum extollens qui liberavit homines à metu Deorum, omniaque scelera ab isto infrunito metu profecta fuisse ausus est affirmare; & postquam sacrificio Iphigeniæ Agamemnonis filiæ multis reclamasset, tali concludit Epiphonemate:

Tantum religio potuit suadere malorum!

Insuper gloriatur, se vias antea inaccessas tentaturum.

Asia Pieridum peragro loca nullius ante trita Solo.

Thomas Crech Oxoniensis, Vir doctissimus, non ita pridem ad *Lucretium* edidit notas & multa bona de authoris moribus prædicavit, quin etiam in linguam vernaculam metricè traduxit, ut ea versio Anglicana cum latino carmine contendere videretur, atque lauream omnibus Poëtis Britannis eripere existimaretur, hinc populari inmixtus auræ, magno animo *Hortatium* aggressus ligato sermone donare, sed (ut fama istis temporibus ferebat) iratis Musis atque invitis, quod ille tam indignanter & molestè tulit, ut eodem, vel simili fato sit functus, quo ipse *Lucretius*, qui manus sibi injecit violentas; Tristissimum quidem fatum, sed memoratu dignum.

§. 8. Hactenus de Atheis, qui aut per qualitates

& formas , vel per atomos & inane philosophati sunt , restat tertium Atheismi genus *Hylozoicum* passim apud *Cudworthium* dictum , cujus inventor *Strato Lampsacenus* fuisse dicitur , physicus autem idcirco appellatus est , quod in ea speculatione præ cæteris diligentissimè versatus sit. Fuit autem & præceptor *Ptolomæi Philadelphi*. Nullum præter materiam Deum statuebat , sed ut evitaret absurditates Epicureas , ex concursu atomorum fortuito promanantes , vitam materiæ essentialem esse dixit. Imò qualibet atomus vitâ , atque appetitu & perceptione secundum *Stratonem* erat animata , quæ repetitis actibus atque exercitiis , facultatem discursivam , & fruitionem assequi posset , ut maximo suo commodo & utilitate sese disponderet , & sibi provideret , ut plane hoc pacto non opus esset ullo Numine. Quapropter apud *Ciceron. lib. 1. de natur. Deor.* Nec audiendus *Strato* , que physicus appellatur , qui omnem vim divinam in natura esse sitam censet , que causas gignendi , augendi , minuendique habeat. Huc referendus est *Diodorus Siculus* iudicio *Stillingfleetii* , quia passim ejus historia Atheismum sapit : Imò hinc inde insinuat , se in sententia *Euhemeri* *Messenii* fuisse , omnem Religionem à Politicis esse ex-cogitatam affirmantis. In principio suæ historiæ , duas fuisse Philosophorum sententias ait , de mundi Origine , unam , mundum in eodem statu quo est , ab æterno fuisse , alteram vero , ex indigesta mole , omnia atque singula corpora sensim à se invicem separata , atque in hæc formas , quas jam induunt tandem redacta ; atque terram calore solari tepesactam , & imprægnatam , produxisse animalia bruta , atque homines. Ut si quis collationem institueret

inter *Diodorum* & *Lucretium*, illum ab hoc doctrinam suam de rerum formatione accepisse mutuam constet. Quandoquidem tempore *Diodori*, quod fuit *Augusti*, in magno pretio erat *Lucretii* Poëma, & ille linguæ latinæ bene gnarus. Adde, quod hæc Philosophia stabilit ejus hypothesein de rerum origine: refert mures à limo Nili calore solari quotannis productum iri: & quidni & animalia cœtera? *Ovidius* habet Versus hujus commatis nonnullos.

Altera pars vivit, rudis est pars alteratellus. Sed hæc sunt verba fabulosa nulli fidei, nisi *Ægyptiæ* innixa, isti mures enim aliundè, verosimiliter vi aquarum ferebantur, & subsidente Nilo, extricabant se à limo jam indurescente, in quo, ut antea, mures vivere non poterant. Recentiores Philosophi atque Medici satis probarunt, omnia animalia quantumvis minima, ova ponere, è quibus perpetim fœtus excluduntur, ut merito omnes ejus generis fabulæ à doctis explodantur.

C A P U T VII.

§. I.

HI sunt præcipui, qui Atheisticè philosophati inter antiquos; fateor alios esse hujus impietatis postulatos apud *Ciceronem* lib. de Natura Deor. aliosque Authores; sed aliquando minus rectè, atque sæpius propter sermones aliquos Diis gentilibus nimium infestos. Post tempora *Jesu Christi*, per multa continua secula, hæreticos quosvis pessimos invenies, qui *Polytheismum* introducere in Ecclesiam, atque absurdissimè varios *Eones* ponere maximopere conati sunt. Sed qui directè.

directè Atheismum statuerit, vix invenies. *Lucianus* equidem apud authores Atheus audit, sed forsitan injuria, cum præcipuus illius scopus in eo sit positus, ut vanitatem cultus gentilium ob oculos poneret: Christianos etiam aliquando acerbè fatis, & petulanter, more suo profano scommatibus excepit, sed quod Numen supremum existere negaret, percipere Ego quidem ex ejus scriptis non possum.

§. 1. Descendendum est itaque ad secula proximè elapsa, atque in primis *ITALIA* nobis erit examinanda, quæ impriorum hominum semper fuit feracissima, testante *Petro Mattheo*, Historico Gallo, in *Histor. Henrici IV. ingenia* (scribit) "*quorundam in Italiâ sunt satis libertina, & quo propiora sunt Pontifici, eo minus fulmen Vaticanum curant; de Anima, opinionem in deliciis ac voluptatibus ponunt, eamque pro salis grano habent, quod corpus à corruptione tutum servet, atque in hoc unice incumbunt, ne homines videri queant.* Sic etiâ Author aliud à *Spiritalio* allegatus; Si *Atheos* quæris, nusquam plures, quàm in ipsa *Roma* invenies. Quot *Romæ Cardinales*, quod *Prælati*, quot *regulares*, *irregulares* sunt, quibus facilius ex *Homero* aut *Virgilio* purgatorii fabulas per-suaseris, quam resurrectionem mortuorum. Addamus Verba *Apolog. Wilhelmi* principis *Arausionensis*: pag. 66. In *Domo principis Parmensis Atheismus* & aliæ *Virtutes Romanæ* in deliciis habentur, & hujusmodi nusquam uberius invenias, quàm apud hæredes *Petri Aloysii*. Hinc etiam *Melanchton* aliquando *Italo Theologo* occinnebat: Vos *Itali* vultis disputare, Deum, seu Christum esse in *Eucharistia*, quem non creditis esse in *Cælo*. Neque abs re nostra erit *Historia Sabini*, *Melanchtonis* generi, qui cum per Ita-

liam peregrinaretur, & Cardinalem *Bembum* ob celebritatem nominis salutaret, ab eo fuit interrogatus, quid *Melanchton* de immortalitate animæ, resurrectione corporis, & de vitâ æterna sentiret, cui cum respondisset, illum de his veritatibus planè persuasum esse, quod ex ejus scriptis satis appareret; regessit Cardinalis; æstimarem *Philippum*, Virum sapientem, si hæc non credidisset. *Mullerus* refert, in *Atheismo devictō* pag. 223. Imò eo impietatis, & dementiæ ventum est, ut passim immortalitas animæ negaretur. Inde in Concilio Lateranensi, ut serpenti malo occurreretur, decretum fuit, animam esse immortalem; nihilominus tamen JOHANNEM XXIII. legimus, in Concilio Constantiensi, coram Viris Celeberrimis plane negasse animæ immortalitatem, atque dixisse, post hujus vitæ curriculum nihil esse aut sperandum aut metuendum. Neque huic impietate Secundus *Clemens VII.* Romanus Pontifex, qui moribundus pronuntiassè dicitur, se illico trium rerum fore certiores, de quibus per omnem vitam dubitasset vehementer, videlicet, an esset Deus? an anima esset immortalis? An denique esset altera vita. *Wolffius* Tom. 2. Læction. memorab.

§. 4. Concilii Lateranensis decreto occasionem dedit Doctrina *Pomponatii*, qui *Bononiæ* docuit publicè, mortalem esse animam, testante *Spondano* Annal. Eccles. Occasionem, inquit, prædictæ de “Philosophis Sanctioni dedisse dicitur *Petrus Pomponatius* Mantuanus, *Jovii* in Philosophia Præceptor: qui enarrans *Aristotelem* & *Averroem* Bononiæ, animas post corporis mortem, vel dissolutionem interituras, ex sententiâ Aristotelis proba-

“probare conatus, Juventutem valde corruerat,
 “se eo defendens, quod Philosophicè loqueretur,
 “sed aliter, cum Christianus esset, sentiret. Sed
 lubet ipsa Verba *Pomponatii à Baylio* allegata hic
 apponere, quæ planè ab omni impietate nomen
 ejus liberare videntur apud candidos interpretes.
 “His itaque sic se habentibus, *inquit*, mihi (Salva Sanio-
 “ri sententia) dicendum in hac materia videtur, quod
 “*questio* de immortalitate animæ est neutrum problema,
 “sicut etiam de mundi æternitate; mihi namque vide-
 “tur, quod nullæ rationes naturales adduci possunt co-
 “gentes statuere, animam esse immortalem; quapropter
 “dicimus, sicut Plato lib. i. de legib. Certificare de ali-
 “quo, cum multi ambigunt, Solius est DEI; Cum itaque
 “tam illustres Viri inter se ambigunt, non nisi per Deum
 “hoc certificari posse existimo ---- Quapropter dico,
 “quod ante donum vel adventum gratiæ, multifariam
 “per Prophetas, & bona Spiritualia hanc quæstionem
 “terminavit, ut manifestè per Vetus Testamentum est vi-
 “dere; Novissime autem per Filium, quem constituit
 “hæredem universorum, per quem fecit & secula, eam
 “quæstionem dilucidavit, sicut scribit Apostolus ad
 “Hebræos - - - - Quanto lux distat à lucido, & veritas
 “à vero, & quanto causa infinita est potior effectu finito,
 “tanto efficacius hoc demonstrat immortalitatem ani-
 “mæ, quare si quæ rationes probare videntur morta-
 “litate animæ, sunt falsæ & apparentes, cum prima
 “lux, & prima veritas ostendant oppositum, si quæ
 “verò videntur probare ejus immortalitatem, veræ
 “quidem sunt & lucidæ, sed non lux & veritas; qua-
 “re hæc sola via (*revelationis*.) inconcussa & stabilis est,
 “cæteræ verò sunt fluctuantes - - - - quare indubiè,
 “ipsam immortalem esse, asserendum: Verùm ea via non
 “incedendum est, qua hujus Seculi sapientes incesse-
 “runt, qui cum Sapientes se dixerunt, stulti facti sunt,
 “qui cunque enim hac via incedet, ut existimo, sem-
 “per ut incertus & vagus fluctuabit. Si bona fide hæc
 protulit, atque ex animi sententia, non temere im-
 pietatis stigmate est notandus, cum nihil aliud

adstruere videatur, quàm hoc, quod sine Revela-
 tione Divina, animæ immoortalitas dilucidè demon-
 strari non possit, quod non adeò abhorre à vero
 videtur, cum hoc verissimum sit, nullum ens ab-
 solutè esse immortale, nisi unum Deum, omnes
 alios Spiritus, atque substantias incorporeas Soli
 DEO immortalitatem suam acceptam referre de-
 bere, qui vult ut per omnium Seculorum ætates
 existant, quippe quæ sua naturâ aptæ natæ ad istam
 immortalitatem, cum nulla causa externa præter
 unum Deum illas possit destruere, aut in nihilum
 redigere: Deus verò voluntatem de illorum per-
 petuitate passim in Sacris paginis patefecit. A cu-
 cullatis Monachis sui temporis vehementer fuit
 exagitatus & passim pro Atheo habitus, quum
 ille ficta monachorum miracula exhibilaret, plane
 atque exploderet, in libro suo de incantationibus,
 ut videre est apud JOH. WIERUM de præstigiis
 Dæmonum lib. 5. cap. 17. Pomponatius, inquit, di-
 cere non veretur in Sanatione acquisita ex venera-
 tione ossium Divis ad scriptorum, si essent ossa ca-
 nis, & tanta & talis de iis haberetur imaginatio,
 non minus subsequeretur Sanitas.

§. 5. Pergamus; a multis Atheismi accusatus
 fuit *Petrus Aretinus*, propter ingenium ingens,
divinus dictus, & propter scripta Satyrice *flagellum*
principum, neque minus fuit infestus Ecclesiasticis,
 ut ex Epistola *Johannis Paludani* ad *Dionisium Lam-*
binum data patet: penè me fugerat, quod scribendum
 in primis fuisse arbitror. A Cardinale Peronio edi-
 tam esse audio orationem adversus Petrum Areti-
 num, periculum est ne, ut jam pridem principum,
 ita posthac & monachorum flagellum esse & nomina-

ri velit. Post mortem hoc Epitafium meritus est :

*Condit Aretini cineres lapis iste sepultos,
Mortales atro qui sale perfricuit.*

*Intactus DEUS est illi, causamque rogatus,
Hanc dedit, ille, inquit non mihi notus erat.*

Atque apud Laurentium Crassum in Petri Aretini vita, Italicè sic habentur eadem Carmina:

*Qui giace l' Aretino Poëta Tosco,
Che d'ognun' disse mal, che di DIO,
Scusandosi col dir, io non lo conosco.*

Plures asserunt hæc carmina Sepulcro ejus esse inscripta Venetiis, sed alii absurdissimum hoc esse opinantur, cum Athei neque Ecclesiis sepeliri neque Epitaphiis honorari soleant. Spizelius in Scrutin. Atheismi p. 18. Ita de eo: *Aretinus* horrendi istius libri de tribus impostoribus Author: etsi eo nomine *Campanella* in Atheismo Triumphato suspectum habeat *Poggium Florentinum*. & *Thomas Broune* in Relig. Med. Sect. 19. nefarii illius libri Authorem dicat *Bernardinum Ochinum*. Quomodo cunque res se habeat, Sunt qui affirmant, *Aretini* opera Atheismum neutiquam sapere, imò in Volumine secundo Epistolarum Henrico Octavo Regi Angliæ dicato, hæc verba invenio: *Siche merito scusa delle ciancie da me composte per ridere & non per malitia*: Ita ut si aliquando æquo liberiùs atque nimis jocosè, de rebus Sacris luserit, cupiat hoc sibi condonari. cum non animo malo talia unquam protulerit.

§. 6. Quod attinet librum *de tribus impostoribus*, nonnullis videtur is esse mera chimera, de qua multi multa loquantur, sed nemini unquam visa. Fateor, *Müllerus* in Atheismo devicto affirmat, se

nosse virum sibi familiarem, qui possideat istum librum, sed se vidisse non scribit, imò hodiernus Hamburgensis Theologus *Frid. Mayerus* excerpta ex eodem libro in apicem promisit propediem se editurum; gratum proculdubio multis facturum, si promissis steterit. Sed cur *Ochinus* habendus sit Atheus, non video, cum ejus scripta profectò elegantissima, passim pietatem atque observantiam erga Deum maximoperè spirent: Liber de libero arbitrio, quem propter intricatas materiæ difficultates vocat Laberinthum, Regina Angliæ Elisabetha in scriptus haudquaquam impietatem sapit. Multo minus *Catechismus*, in quo eleganter statim ab initio, Dei Existentiam demonstrat, modo *Cartesii* non planè dissimili. *Audiamus illum: Prego, inquit, Illuminato mio, che tu mi dica, S'egli ti par essere o no? Illuminato. Mi par essere, mà per questo, non sono certo, che io sia; impero che in parer mi esser, forse m'inganno. Ministro. E' impossibile, che à chi non è, gli paia d'essere, perciò poi ch'ei ti par' essere, bisogna dire che tu sia.* Id est: Mi discipule illuminate rogo te, bona fide, ut mihi dicas, an existimes, te existere, necne? *Illuminat.* Ita sanè, opinor me existere, sed tamen fortè decipior. *Minister.* Est impossibile, ut tibi existere viedearis, si revera non existeres, nam dum tibi existere videris, necesse est dicere, te existere. Hisce positis, probat eleganter, summum Numen infinitè perfectum necessario existere. Unde certe miror, cur litteratorum Hallensium unus neget, *Ochinum* scripsisse, *Cathechismum* illum, nulli alii rationi innixus nisi quod ille nullam Editionem viderit, præter eam, quæ diu post mortem *Authoris* prodiit, ac si nulla alia antiquior Editio un-

quam exstitisset, mutaturus certè sententiam, si hujus Cathechismi Editionem Basiliensem, Anno M. D. LXI. vidisset, cujus mihi copiam fecit Cl. PARAVICINUS, Gymn. Bas. Conrect. Cæterum hunc *Ochinum* ad sententiam *Socini* Senensis sui concivis inclinasse, ego non ausim negare; Sed illum esse Atheum, jure negare possum, tot Concionum voluminibus linguâ Italicâ, aliisque scriptis contrarium testantibus.

§. 7. Huc etiam accedit memorabilis illa Athei Itali historia apud *Henricum Stephanum à Spizelio* citatum ubi refert, nobilem quendam Italum iu civili bello Gallico, sclopo trajectum se Regi commendasse, (cùm alii moribundi DEO se commendare soleant.) Eundem sæpe in vita familiaribus confessum, desiderare quidem se, ut juxta cum aliis in Deum crederet, sed non posse, insuper se oblectasse blasphemis contra Deum, historiarumque sacras data occasione traduxisse. Sic *Nannus Grossus* & *Lucas Oræsus* Florentini, per totam vitam Atheismum professi sunt. Horum alter moriens crucifixi statuam sibi afferri curavit, cui se commendaret, sed nullius alterius quam *Donatelli* manufactam: alter potentiori se commendavit, sive Deus ille, sive Dæmon esset, cum hac horrenda exclamatione: *chi più può, più tiri!* (i. e.) Qui plus potest, plus rapiat! Hactenus *Spizelius*. Porro in *Historia Universalis* Jo. Læti refertur de Cosmo Italo, homine literato: Atheus ex vita migravit, moriturus nec parochum nec capucinos ferre voluit, monitus ut extremum reformidaret judicium, affatim risit, stulti, inquit, abite, nulli sunt Diaboli, nisi hostes nostri, qui nos in hoc mundo vexant, neque alius Deus, est, præter reges & principes, qui soli nos possunt juvare & nobis benefacere.

§. 8. Pauca denique de *Nicolao Machiavèllo* Florentino, sui temporis rerum politicarum maxime gnaro, antequam Italiæ valedicam, memoranda sunt. Quod attinet ejus pietatem erga Deum, maxima sunt animorum divortia, etenim laudatur ab his, culpatur ab illis, propter libellum, quem scripsit de *principe*. *Baconus* de augmentis scientiarum. lib. 7. cap. 2. honorificè satis de hoc libro scribit. *Est quod gratias agamus Machiavello, inquit, & hujusmodi scriptoribus, qui apertè & indissimulanter proferunt quid homines facere soleant, non quid debeant.* Observarunt viri docti, hunc librum nulla virga censoria fuisse notatum, usque ad tempora Clementis Octavi, qui eum damnavit ex instigatione Jesuitæ *Possevini*. *Spizelius* in Scrutinio Atheismi p. 132. longe pejus de eo judicat, atque refert, quòd cum Florentiæ jam in extremis esset, & scrupulis agigaretur conscientiæ, ob metum damnationis jam imminentis, in mentem vero ei recurreret, quòd viri illi magni, orbisque sapientes *Aristoteles, Plato, Alexander* & similes damnatisint, & quòd viri sancti, ut plurimum fuerint homines miseri, in mundo despecti, variisque angustiiis & afflictionibus pressi, insana voce dixerit; Malo in Infernum descendere cum magnis illis & illustribus viris, quàm cum infimis istis, & vilis conditionis hominibus in cœlo degere. Neque de illo benignius sentit *Müllerus* in Atheismo devicto, p. 677. ubi increpat ejus Apologistas, quòd frustra ex ejus opere conentur demonstrare, Machiavellum aliter sensisse, quam scripsisse; Imò claresensus animi exprimere videtur lib. 2. disput. de Repub. cap. 13. *Id mihi significare videtur Xenophon, inquit, quòd necessaria sit ars quedam decipiendi, si al-*

tum fastigium ascendere, & insignes aliquos progressus facere velit: Hac arte Johannes Galeazzius, Principatum Mediolanensem, Bernardo avunculo suo eripuit, addens, fraudem necessariam putamus omnibus, quicunque ex parvis crescere conantur, quæ tanto minus turpis est, quanto quis magis illam poterit occultare, & honesto aliquo prætextu tegere. An pius, vel impius fuerit, Deus cordis indagator unus novit, hoc tamen certè novimus, in Machiavelli animadversionibus ad Livium caput integrum reperiri de necessitate religionis, sine cujus auxilio & interventu nullus principatus, aut, dominatio diu subsistere possit: demonstrat etiam, nullum certius declinantis alicujus imperii signum esse, quàm Religionis negligentiam.

CAPUT VIII.

§. I.

Quàm ferax porrò monstrorum istorum sit Gallia, (inquit Spizelius,) non ipsa solum testatur experientia, verum cum primis etiam libri, tractatusque varii contra Atheos vernacula ibidem editi: imò una Lutetia Anno 1623. jam 50000. continebat Atheos, ut Mersennus ait Comment. in Genesim. cujus etiam hæc sunt verba: Ne quis suspicetur, me injuriâ conqueri, vel enim paucos, vel nullos esse, qui Deum negent, sciat velim, non solum in Gallia, sed etiam in aliis regnis, tantam esse nefandorum Atheorum multitudinem, ut jure mirari possimus, quomodo Deus eos vivere sinat, quippe qui bonitatem infinitam in eis ad resipiscentiam expectandis effundit. Conqueritur similiter in præf. Tract. cui titulus. Questions rares &c. ad Cardinal. Ri-

chelieu. *Quod ante aliquot annos impietas sub nomine Atheismi vomuerit blasphemias contra Deum, quæ etiam flammis in terris sit expiata; Sed quod renata sit in corde Galliae, ex cineribus infelicitis illius (Vaninum notat) alia secta, quæ sub nomine magis specioso exposuerit venenum, magis contagiosum, quam prius: Complices hujus sectæ fabricasse sibi nomen Deistarum, ad animas simpliciores & credulas decipiendas.*

§.2. Mittam in præsentia Rabelæsum aliosque Gallos à multis Atheismi postulatos, & mentem appellam ad historiam cum primis infamis illius *Julii Cæsaris Vanini*, qui aliquandiu virus suum ita texit, ut nova quadam Methodo Atheorum præse tulerit convictionem, magno siquidem in specie molimine, libroque peculiari, quem *Amphitheatrum* vocavit *atærne providentiæ divino-magicum*. Providentiam divinam adversus Philosophos veteres, Epicureos cum primis, & Peripateticos & Stoicos defendere instituit, rêvera tamen ubique turpiter destituit, atq; prostituit, id agens sollicitè, ut incautiores in Scepticismum, imò in ipsum Atheismum sponte sua prolabantur. In hac scelerata opinione perstitit ad rogam usque, & vitæ suæ extremum terminum, quam pertinacissimè. Cumque more solito imponeretur ei, ut à Deo, à Rege & Justitia, “veniam postularet, negavit id se facturum; non à “Deo, quandoquidem eum esse, nec ipse crederet, “non à Rege, quod nihil in eum peccasset, non à Ju- “stitia, sive à judicibus, quod nec in eos deliquisset, “si Diaboli essent in inferno, ut quidem hoc cre- “di & dici soleat, se devotum Judices, ut ab illis auferantur. Alii perhibent, illum dixisse, *se potius* precatu-

precaturū , ut vindicaret, sed quia certum non esset, Deum & Diabolos esse, ideò nec veniam à Deo & iudicibus petiturum, nec vindictam imploraturum. Memorabilis etiam extat relatio de hujus *Vanini* supplicio apud *Gramondum*. *Lucilius Vaninus*, inquit, (Lucilii nomen aliquando mentitus est) apud plerosque pro hæresiarcha habitus, qui Deum negat. Medicinæ Professor erat nomine, sed re, seductor incautæ juventutis, Deū ignorabat, sorte omnia fieri existimabat; Naturam pro matre optima, & omnium nutrice adorabat, ut dici possit, ex multis error unus, quem pervicaciter profitebatur *Tholosæ*, loco sancto. Et ut novis allicimur, præcipuè dum calescit primæ adolescentiæ sanguis, statim errorum sequaces habuit non paucos, ex iis quos schola recens dimiserat. Gente *Italus*, literarum rudimentis *Romæ* imbutus, Philosophiæ & Theologiæ incubuerat, magna spe; cum ad impia prolapsus, sacrum sacerdotii characterem polluit libro infami, quem scripsit in hunc titulum, *de Arcanis Naturæ*, quo non erubuit profiteri, Naturam rerum omnium Deam. Ob crimen, cujus in Italia reus agebatur, in Galliam profugus, *Tholosam* venit. Delituit *Vaninus* per tempus, donec illum libido in gloriam adegit, ut fidei Catholicæ arcana vulgaret, in problemata primum, dein in irrisum. Statim alta admiratione capti adolescentes, quibus inter nova placent maximè, quæ probantur paucis, &c. *Lucilius* ferocitate contumax, dum in patibulum trahitur, monachi solatium aspernatus, objectam crucem averfatur, Christoque illudit in hæc eadem verba; *illi in extremis præ timore imbecillis sudor, ego imperterritus morior*. Falsò sanè imperterritum se dixit Scelestus homo, quem vidimus dejectum animo, philosophia uti pessimè, cujus se mentieba-

tur Professore. Erat illi in extremis aspectus ferox & horridus, inquieta mens, anxium quodcunque loquebatur; & quamquam philosophicè mori se clamabat, identidem finivisse vitam ut brutum, nemo negaverit. Antequam rogo subderetur ignis, iussus sacrilegam linguam cultro submittere, negat, neque exerit, nisi forcipum vi adpressam, carnifex ferro abscidisset. Reliqua absumpsit ignis, in aërem sparsi cineres. Haëtenus Gramondus. Insuper dum esset in extremis, publicè fassus est, Neapoli tredecim emissos, qui venenum hoc per omnem Europam spargerent, sibi autem designatione certa Lutetiam contigisse, ubi strenuè execrabili isto functus sit munere, per aliquod tempus, donec ejus liber publicis flammis comburetur, eapropter quantocyus clam se surripuit, & Tholosam venit: & mox filiis *Cremailensis* Comitatus factus Præceptor, sed non ita multò post detectus & in carcerem conjectus, & Decreto Parlamenti, ad vivicomburium, ut suprà, damnatus. Vid. Tom. 5. de l'Mercure François p. 46. Variis Scriptis inclaruit *Vaninus*, imprimis libro, cui titulus *Amphitheatrum Æternæ Providentiæ Divino-Magicum, Christiano-Physicum, nec non Astrologico-Catholicum, adversus Veteres Philosophos, Atheos, Epicureos, Peripateticos, & Stoicos*, Lugduni impresso apud Viduam Antonii de Harisy, ad insigne Scuti Coloniensis, M. DC. XV. cum privilegio Regis, porrò honestissimis Approbationibus atque Carminibus ornato; Ex quibus non possum, quin unicum exempli gratiâ, consultò interponam, (ut intelligat Lector, subinde in Ecclesia Romana, Atheorum operibus parcere calamum punctorium, & veniam dare corvis, dum vexat censura columbas:) Illa autem Approbatio sic habet R. D. D.

Franciscus du Soleil Officialis ordinarius, & Metropolitani, nec non Vicarius Generalis Substitutus Illustrissimi & Reverendissimi Domini Archiepiscopi Lugdunensis, Galliarum Primatis, liber, qui inscribitur Amphitheatrum Providentiæ Æternæ Divino-Magicum, Authore Julio Cæsare Vanino, Philosopho, Theologo & Juris utriusque Doctore, ut in lucem edatur facultatem concedo. Lugduni die 6. Junii 1615. huic Approbationi altera substituitur, quæ ita habet: Has Exercitationes partim Philosophicas, partim Theologicas, Ego Jacobus Davaeyne, Regis Procurator, typis mandari, tum demum in lucem edi consentio. Alias Approbationes, ne cui multus videar, & æquo longior, prudenter transeo.

§. 3. Sed fortassis scire percupis; unde hic liber tantis ornamentis atque laudibus condecorandus fuerit à viris eruditis, quorum est officium, libros cognoscere? rationem unam atque alteram tecum communicabo; Earum prima hæc est, *Vaninus* ubique fictâ religionis specie, atque pietate erga Pontificem & Jesuitas non vulgari, scripsit Defensionem Concilii Tridentini, Lutherum, Calvinum, Chemnitium sugillavit, ut ille ipse memorat. Ego *Catholicæ matris Ecclesiæ filius in Apologia pro Tridentino Concilio, in Decreto de Sanctorum invocatione scripsi adversus Lutherum existimantem, B. Franciscum, ex vehementi erga Christum amore, propriis manibus seipsum ferro stigmatizasse, quod à vero alienum est, quandoquidem sic mortem sibi conscivisset, vel vitam saltem manifesto periculo, ob inanem finem exposuisset, quod de seraphico viro præsumendum non est, pag. 70.* Quantum attinet ad Societatem Jesu, pietatis & eruditionis altricem, *Romanæ Ecclesiæ, & splendori fuisse, & ornamento, ipsamq; Dei immortalis munere, tanquam Romanæ*

Ecclesiæ Palladium, cæterarum Religionum columen totius Universitatis anchoram hominibus esse concessam existimat. Epist. ad Lectorem. Unde dubio procul benignius de hujusmodi Viri scriptis proclive erat, ut ejus temporis Censores judicarent. Insuper in hoc libro multa extant argumenta elegantissima contra veterum Philosophorum errores, ut facilè rapiat incautorum animos in admirationem sui, sed eâdem opera detegit suam malitiam, dum omni nisu aliorum argumenta explodere conatur, loco quorum argumenta suâ cabalistica atque perplexa substituit. Unum, exempli gratiâ, præferam *Averrois*. Probabat is è motu, necessario DEUM existere; perabsurdè, inquit *Vasinius*, non enim primi mobilis motor DEUS: *Entium verò partitionem à me fortassis Lector exiget subtiliorem; accipiat, non scholasticam, sed divino-magicam, sed cabalisticam: neque ex Pythagoreis desumptam numeris, illustrius namque meditamur opus: illi cùm septenarium numerum miris extollerent laudibus, non animadvertunt, præter alias nobilitates, illud quoque à natura obtinuisse, ut limes esset ac terminus numerorum inferiorum; sicut Novenarius omnium summus, ac perfectissimus, cæteros omnes arcet ac continet; neque ab ullo, nisi ab unitate augeri potest, ut denarius fiat, qui est omnium ultimus. Unitatis igitur omnipotentiam quandam celebramus, tum quia est finis, claudit namque Novenarium, in quo sunt omnes species, ac proportionem quantitatis, tam primariæ quàm consequentes, seu resultantes; Longitudo, latitudo, profunditas, perfectum, imperfectum, divisibile, indivisibile, trigonum, cubum, oblongum, varietaterum, æqualitas,*

inequalitas, absolutum, comparatum, simplex, multiplex, simile, diversum. In specie verò duplicitas, sesquialterum, triplicitas, sesquitertium, quadruplicitas, superpartiens. Est autem principium, & formale, & materiale, & efficiens, & finis. Materiam esse nemo dubitat, efficiens, est quippe principium creans numerum: finis quoque est, quia conveniunt omnes unitates, ut unus sit numerus, & omnis numerus sicut inchoatus; ita & terminatus ab unitate. Forma est, quia ipsa addita variat speciem, & effectum speciei, par, impar. Novenarius igitur cum ab alio numero non claudatur, & alios ipse complectatur, mundi machine similis est, quæ omnes in se partes continet, ipsa ab unitate finitur; qui Deus est: illius æquè principium ac finis. Dividamus ergo Novenarium in partes duas, quod non solum ante Julium Cæsarem factum non est, sed ne fieri quidem posse clamat imparitatis ratio, at enimverò Mundus cum duas in partes dividatur, inferas, & supernas: in ipso quoque numero Novenario, quem mundi imaginem esse dicebamus, aliqua divisionis ratio excogitanda est: potest igitur sic. Abligata ab hac partitione ipsa Unitate, quæ refert illud unum verè totū, verum principium à nullo comprehensum, vel inclusum, Novenarius, qui citra eam est, per suas multiplicationes cumulatus, in duo sectilis est, ita ut in bina vicena septena divisus, prioris equalitatis finem habeat septenarium. Plura habet ejusdem commatis, quæ longa nimis essent, si describerentur. Concludit hoc modo: Novenarius alios complectitur, ab unitate tamen finitur, mundi igitur machinam repræsentat, quæ omnes in se continet partes, ipsa non nisi ab unitate continetur, qui est Deus, summum, & Unum Ens, illius principium & finis. Qui hæc potest capere, capiat!

§. 4. Librum claudit his verbis, sicque etiam summum illum rerum omnium Effectorem, Conservatorem, & Governatorem DEUM, in novissimo libri hujus margine, cum gratiarum actione putavimus exorandum.

DEI supremo percita flamine
 Mentem voluntas extimulat meam :
 Hinc pernegatum tentat alta
 Dædalii iter ire ceris,
 Audetque Cœli non memorabile
 Metare numen, principio carens,
 Et fine, definire Musæ
 Exiguę breviorę gyro.
 Origo rerum, & terminus omnium,
 Origo, fons, & principium sui,
 Suique finis, terminusque,
 Ubique totus, tempore in omnibus
 Omni quiescens ipse Deus locis,
 Partes in omnes distributus,
 Inter usque manens ubique.
 Nec comprehensum ullis regionibus,
 Ullisvę clausum limitibus loca
 Tenet, sed omnis liber omne
 Diditus in spatium vagatur.
 Illius alta est velle potentia,
 Opus, voluntas invariabilis,
 Et magnus absque est quantitate,
 Atque bonus sine qualitate.
 Quod dicit, uno tempore perficit,
 Mirere, fiat vox vel opus prius :
 Cum dixit, en cum voce cuncta
 Univerſa simul creata.
 Cuncta intuetur, perspicit omnia,
 Atque in sua unus, solus est omnia,
 Quę sunt, fuerunt, & futura
 Prævidet ipse perennitate,
 Atque ipse plenus, cuncta replet, sui,
 Et semper idem : sustinet omnia.
 Et fert, movetque, amplectiturque,
 Absque supercilio gubernat.
 Te te, tandem respice me bonus,
 Tibique nodo junte adamantino,
 Id namque solum unumque & omne,
 Reddere quod potis est beatos,
 Quicumque junxit te sibi, & altius.
 Uni adhærescis, continet omnia,

Teque omnibus circumfluentem
 Divitiis, nihilque egentem.
 Tu cum necesse est, nullibi deficis,
 Ultroque præbes omnibus omnia.
 Ipsumque te, qui sis futurus
 Omnibus omnia, subministras.
 Laboriosis tu vigor inclitus,
 Tu portus alto navi fragantibus,
 Tu fons perennis perstreptentes
 Qui latices salientis ardent.
 Tu summa nostris pectoribus quies,
 Tranquillitasque & pax placidissima,
 Tu mensus es rerum modusque,
 Tu species & amata forma.
 Tu meta, pondus, tu numerus, decor,
 Tuque ordo, tu par atque honor, atque amor
 Cunctis, salusque & vita & aucta
 Nectare & ambrosia voluptas.
 Tu verus altæ fons sapientiæ,
 Tu vera lux, tu lex venerabilis,
 Tu certa spes, tuque æviterna
 Et ratio, & via, veritasque,
 Decus, jubarque, & lumen amabile,
 Et lumen alium atque inviolabile,
 Tu, summa summarum, quid ultra?
 Maximus, Optimus, Unus, idem.

Hæc carmina, quantumvis specietenùs sint divi-
 na, attamen revera nihil aliud sunt, quàm panegy-
 ricon in laudem Mundi, qui ab Atheis habetur ani-
 mal sapientissimum, cui omnia attributa Divina
 (horrendum dictu) applicare non erubescunt, ut
 eo tutius atque liberius, quo tectius, virus impie-
 tatis in Vulgus propagent. Lubet ex libro, qui
 inscribitur, *De Admirandis Naturæ Reginæ Dæa om-
 nium Arcanis*, pauca quædam describere, utpote
 satis raro hisce temporibus, & paucis viso. Est qui-
 dem systema Physicum per *Quæstiones & respon-*

siones, pro captu istorum temporum non ineptè conscriptum, Stylus tersus est, & latinissimus, Philosophia ipsa Aristotelica, per formas, qualitates, humidum atque calidum concepta: Varia sumsit mutuo à *Cardano* de subtilitate; ab Aristotele histor. Animal. & *Plinio*, histor. Natural. Subinde ingenti nisu disputat de Chimeris, quæ in naturarum nunquam exstiterunt, de Basilisco puta, de Chamæleonte, de Salamandrâ, de quorum virtutibus subtilissimè atque ineptissimè differit: ejus opinio de æternitate mundi subinde occurrit. Et affirmat cap. de Cælo pag. 20. Si in Christianorum Scholis enutritus non esset, asseveraturū se, Cælum esse animal, quod à propria forma, quæ anima est, movetur, & pro more, dicit esse æternum pag. 101. Cùm de immortalitate animæ ex ordine disputare deberet, hoc modo Alexandrum suum discipulum dimittit. *Alex.* Quæso, mi *Juli*, tuam mihi de animæ immortalitate sententiam explices. *Jul. Cæsar.* Excusatum me habeas rogo. *Alex.* cur ita? *Jul. Cæsar.* Vovi Deo meo, quæstionem hanc me non pertractaturum, antequam senex, dives, & Germanus evasero. Scripsit varia alia, quorum non est immemor, commentarios scilicet Medicos, commentarios ad librum Aristotelis de Meteoris, Apologiam pro Religione Christiana, atque Mosaica, attamen in hoc libro affirmat, *omnes novas Religiones oriri ex influentia alicujus potentis stellæ. Qualibet Religio in sui ortu & interitu, non in medio, miracula ostentat, cujus rei ratio illa est: Quia in longissimis temporis intervallis potentissima intercedunt planetarum conjunctiones, quo tempore novam Religionem institui, ac proinde cessare veterem, clarissimis experimentis Astronomi comprobant, & ego, inquit, validissima ratione: Ea est, quia ex*

magnis siderum conjunctionibus inferiora hæc summam cum nanciscantur potestatem, admiranda opera profecerunt. Insuper hominum voluntates tunc immutantur: Phantasia, qua intellectus voluntatis consiliarius utitur, Cælo subicitur: Quare vir sapiens sacros æterni nominis honores appetens, cum hæc futura prævidet, Prophetam à Deo missum se prædicat: Quæque necessario cælestium corporum vi Miracula fiunt, consilia sui ipsius omnipotentia adscribit, atque ita delusa plebecula illum admiratur & adorat: Sanè ea Miracula vocitantur, quæ post longissimam cælorum circuitiõnem accidunt, non quæ Naturæ vires exuperant: Desierunt oracula, quia inceperunt: Nam juxta præcedentes suppositiones, quicquid incipit, desinit, desinere autem non potest, nisi dispositiones contrariæ adveniant, Veluti non corrumpitur sanguis menstruus, nisi introducantur dispositiones hominis formatrices, quæ prioribus adversantur: Sic post oracula advenit lex illis opposita, apud posteros Oraculorum lex etiam vigeat. Quæ profecto male sani deliria, quam Constantis Philosophi decreta videntur. Dicit tandem frigide, in obsequium Christianæ Religionis, Ea omnia se detestari, quod huic authori est familiare. Habet & hic liber Aprobationem publicam æque ac Amphitheatrum. Nos subsignati Doctores in Alma Facultate Parisiensi fidem facimus, vidisse & legisse nos Dialogos Julii Cæsaris Vanini Philosophi præstantissimi, in quibus nihil Religioni Catholicæ Apostolicæ, & Romanæ repugnans aut contrarium reperimus, imò ut subtilissimos, dignissimos, qui typis demandentur, judicamus. Die 19. Maii 1616. F. Edmundus Conradin Guard. Convent. F. Min. Paris.

P. CLAUDIUS le PETIT
Dopor Regens

CAP. IX

CAPUT IX.

§. 1.

CLaruit in Galliâ multo ante , tempore scilicet *Caroli IX. & Henrici III. Johannes Bodinus*, qui a nonnullis impietatis postulatur, propter librum ab eo scriptum, cui titulus *Hepta plomeres de abditis rerum sublimium arcanis*; Non à numero librorum, ut *Claudius Sarravius* in Epist. p. 325. conjectat, sed septem personarum colloquentium, quos libris illis induxit, ita dictus. In illo autem Paulo Coronæo partes dedit agendas religionis Pontificiæ, Frederico Podamico Lutheranorum, Antonio Curtio Reformationum, Hieronymo Senamo Indifferentium, Diego Toralbæ Naturalistarum, Solomoni Barcaffiæ Judæorum, & Octavio tandem Fagnolæ Muhammedanorum. Eâ vero ratione inter se colloquentes committuntur, ut præcipuè Judæi; inde Indifferentes; tandem Naturalistæ palmam obtineant; reliqui vero instructi levibus argumentis, responsionibus suis titubent & hallucinentur, & præter Naturalistas, causa sua cecidisse quisque videatur. Sic hætenus *Clar. Hartnaccius* in Continuatione Histor. Eccles. *Micrelii*, sed *Bælius* in Dictionario dicit, Judæum ubique victorem: & sunt, qui scriptum reliquerunt, *Bodinum* in sententia Judæorum è vivis decessisse; alii, eum fuisse Magum, memoriæ tradiderunt: sed omnia incerta, hoc tamen, opinione omnium, certissimum est, fuisse sui temporis Jurisconsultorum facilè peritissimum.

§. 2. Bodino *Edwardum Herbertum* adjungo, Comitem de Cherbury, & parem Angliæ, quem
 &

& *Kortholtus*, in libello de tribus Impostoribus, omnium trium primum facit, atque ejus opiniones de industria explicat & refellit, quarum summaria atque præcipua hæ sunt, quæ & *Bodino* communes. (1) esse supremum aliquod Numen, (2) coli debere, (3) virtutem pietatemque esse præcipuas partes cultûs divini. (4) Vitia & scelera quæcunque expiari debere pœnitentia. (5) dari præmium & pœnam post hanc vitam. Ex quibus abundè constat neutrum fuisse Atheum: sed an fuerint Christiani, altioris est indaginis: vide laudatos Authores, qui eorum opiniones fusè explicant.

§. 3. Properat nostra oratio ad virum longè celebratissimum *Thomam Hobbesum*. An. 1588. d. 5. April. Malesburia, agri Wiltoniensis oppido natum, præmaturo quidem partu, matre nempe, metu imminentis classis Hispanicæ portubus Anglicanis metu perculsa. Patrem habuit ejus loci verbi divini Ministrum, ut tempora atque locus ferebant, satis doctum. Anno ætatis octavo *Roberto Latimero* Oxoniensi commendatus fuit, apud quem prima literarum rudimenta poneret, sub cujus ductu in Latinis atque Græcis eos progressus fecit, ut condiscipulos longis intervallis post se relinqueret. Anno 1603. ætatis verò decimo octavo Oxonium missus in aulam Mariæ Magdalænæ, cui eo tempore *Jacobus Hussæus* Legum Doctor, postea Eques auratus, & Cancellarius Sarisburiensis, Præfectus erat: summum quoque, eadem tempestate, magistratum Malesburia agebat *Franciscus Hobbes*, Thomæ hujus patrueles. Is non tantum illum Oxonii per quinquennium suis sum-

ptibus aluit, sed & postea moriens haud parum illi testamento legavit. In hac Academia Logicæ præcipuè atque Physicæ Aristotelicæ, prout ex mente Scoti prælegebantur, operam dedit, cursuque illò Philosophiæ emenso; Baccalaurei titulo ornatus est. Anno 1608. *Gulielmus Cavendish*, Baro de Harwich postea Devonix Comes, Juvenem doctum & moribus gravem filio suo natu maximo, annis propemodum æqualem, eique eò gratiorem futurum, sibi dare præoptavit, qui studiis scilicet & moribus ejus præficeretur; atque Præses tunc Aulæ Mariæ Magdalenz, *Johannes Wilkenfon*, præceteris ei hanc in rem laudavit Hobbium. Hic quoque illustris Juvenis latus ejus assiduè textit, artibus hoc genere dignis eum imbuat, in veneratione omnibusque ejus generis exercitiis fuit Comes discipulo individuus, ut patris atque filii singularem sibi conciliaret favorem, atque dignus haberetur, quem in Gallia & Italia peregrinantem sequeretur. Illo in itinere, cum plurimis passim Viris doctis colloquia instituit, exque iis adeò profecit, ut sordere illi jam inciperet umbratilis sapientia Academica; postea reversus, gratiâ Candisianæ Gentis facile obtinuit, ut in amicitiam *Francisci Baconis de Verulamio*, Baronis & Vice-Comitis Sancti Albani, Magni Angliæ Cancellarii reciperetur; Hic enim *Hobbii* vel maximè operâ, in scriptis suis ex Anglicano Idiomate in Latinam transferendis usus. Obiit autem An. 1626. *Gulielmus*, Devonix Comes, & biennio post idem ille ejus filius, cui *Hobbius* Comes addictus fuerat, magnifici hætenus studiorum illius Patroni. Huic dolori, cum in Anglia solatium non inveniret, diverti-

verticulum saltem *Hobbius* quæsit in Gallia, conditionem ferente Nobilissimo Viro *Gervasio Clifton*, in agro Nottinghamiensi, ut scilicet filio peregrè ituro Dux itinerum atque studiorum esset. Eo tempore annum jam quadragesimum prætervectus, Euclidis lectione, Demonstrationum scilicet perspicuitate & continuâ serie delectatus, huic postmodum viæ in promovendis aliis quoque scientiis insistere constituit. Anno 1631. à Comitissâ Devonix revocatus est, ut filii sui tredecim annorum studiis præesset: pro grato itaque erga patrem fratremque affectu, eam curam libentissimè accepit, & cum eo Anno 1634. Parisios abiit, ibique cum *Marino Merfeno*, Ordinis Minorum; & *Petro Gassendo*, Celeberrimis Mathematicis, ferè quotidie colloquutus, in promovenda rerum naturalium scientia omnem operam impendit: atque licet An. 1657. cum Comite suo in Angliam rediret, cum Celeberrimis his tamen Philosophis literarum commercia continuavit, donec ingrueret bellum Civile in Anglia; *Hobbius* eapropter quantociùs in Galliam ad eos, ut diximus, Viros Celebres contendit, ubi honestissimo otio literario usus est, (dum horrida bella affligerent suam patriam,) atque ibidem conscripsit librum *de Cive*. Obiit An. 1679. ætate gravissimus. Anno sequenti Hobbesianismi Anatomem *Gisbertus Coquius*, Verbi Divini in Cokkengen Minister, *Ricardus* autem *Cumberlandus* in disquisitione de legibus Naturæ, Philosophiæ Hobbesiæ Elementa accuratissimè expendisse videtur. Si fortè plura quis de ejus fatis percupiat scire, consulat eos, qui vitam Hobbessii soluta oratione & ligata conscripserunt.

§. 4. Quantum attinet ejus scripta, non sunt unius argumenti, neque idiomatis, præcipua tamen sunt problemata physica, quibus annexæ propositiones de magnitudine circuli, & duplicatione cubi; Examinatio & Emendatio Mathematicæ hodiernæ liber, *Johanni Wallisio*; Professori Oxoniensi oppositus; Elementa Philosophiæ, opus tribus Sectionibus distinctum: quarum prima, de Corpore inscripta, naturam Philosophiæ in genere, resque Logicas, Physicas, Metaphysicas, & Mathematicas, peculiari, nec aliàs usitata ratione & methodo proponit; secunda speciatim de Homine agit; tertia de Cive; porro Dialogus de natura Aëris; liber de principiis & ratiocinatione Geometrarum, contra factum Professorum Geometriæ; denique Leviathan, sive de materia, forma, & potestate Civitatis Ecclesiasticæ & Civilis. Ad ingenium hujus, quod attinet, Judice *Kortholto*, Herbertianò perquam id in multis est simile, nam ut iste novis suis inventis, quæ jactat; magnopere se effert, aliosque eruditos superbè præ se contemnit, ita non minus ille, scribens videlicet *Hobbes ad Samuelem Sorberium*, eique suum de Aëris natura dialogum inscribens, *Convenienter*, ait, *de societate Philosophorum, singulis septimanis in Collegio Greshamensi, ad promovendam scientiam naturalem convenientium, studia conferant, experimenta faciant, quantum valent, nisi & principiis utantur meis, nihil proficient. Ignorato enim motu, ignorari naturam, rectè censuit Aristoteles. Si ad scientias sufficeret Ingenium, nulla nobis scientia jamdudum defuisset. Nova enim hæc Academia ingeniis abundat excellentissimis; Sed aliud est ingenium, aliud ars,*

quanquam, ut solemus, in propria causa suspecti
aut cæci etiam esse Judices, Viri docti alii longè
diversum de nova hujus Viri Philosophia pariter
& Theologia sentiant, ipsius nominatim gentiles,
seu sympatriotæ, *Sethus Wardus* & *Johannes Tem-
plerus*. Cui postremo de prostrato in Idea Theo-
logiæ Leviathanis Hobbianoismo hoc cecinit
Carmen non inelegans *Car. Robotham* Norfol-
ciensis :

Quis hic Colossus, qui tremendis faucibus
Immane hians, porrectus immensum jacet,
Vomituque turpi, fœda ructans dogmata,
Utrumque & hinc & inde littus polluit?
Malmsburiensis Hydra, Pelago lusitans
Grandis Leviathan, & Giganteus Draco,
Informe Monstrum, Belluaque Britannica,
Usque adeò, ad instar Africæ, hic & angulus
Subinde nobis aliquid apportat novi.
Seti, gratia superis! pari passu ambulat
Noxa & merela: At en citò sequuntur Lite:
Accidit Hydræ Hercules suus: Eadem Insula
Quæ dederat ortum Monstro, & interitum dedit,
Subigitque protinus, ipsa quæ peperit malum.
Sic pestis improbæ Pelagianæ luem
Labemque sustulit Bradwardini manus.
Sic jam co-insularis itidem Hobbessii
Pythona, jaculis mille confossum dedit
Templeriana dextra, Pythii æmula.
En, quàm labascit ictus, horrendum gemoens,
Tenuisque Vastum cor Myurus occupat!
Lethale pharetræ virus en! ut intimas
Sorbet medullas corruentis belluæ!
En, quam deartuata penitus, & ultimam
Halans Mephitim purulento è gutture,
Spisso cruore lata tingit æquora!
Tanti triumpho gloriosa laurea
Tua (plurimum colende!) prensat tempora.
En, quam litatis passibus, quanto agnune,
Adorearum cumulo ovantem prosequi

Festinat ingens gratulantium Chorus.
 Aræ, focique, humana, divina omnia,
 Verenda Trinitas, Deus, Animæ & Angeli,
 Natura, Gratia, Civitas, Ecclesia
 Ecclesiæque peculium (Regimen, Fides,
 Ordo, Potestas Clavium, Leges, Canon,
 Concilia, Synodi, Martyres, Miracula,
 Reditus, scholæ, Lycea, phrontisteria,
 Sedes supernæ) & quicquid uspiam est sacri.
 Vel Christiani nominis, Te *συνμαχον*
 Verique *πρόμαχον*, Te salutant vindicem,
 At tu, nefandum propalator dogmatum,
 Infanientis editor sapientiæ;
 Fatalitatis impiæ Præco & Pugil,
 Insipide materiati Adorator DEI,
 Monocondyli Fabricator inclyte, Symboli,
 Fidei Novator improbe, veterum hæresum
 Interpolarum Māngo Nugivendule,
 Sartor satorque falsitatum strenue!
 Descende cathedra, spongiæ deletili
 Incumbito, blasphemiarum desinens.
 O te beatum, falsa si tandem scias
 Mutare veris! Bis at ô miserum, si neges!

§. 5. Ad superiora, ut revertamur, sicut amore
 sui animique elatione Herberto *Hobbius* non ce-
 dit, ita neque Zelo evertendi Religionem Chri-
 stianam, ejusque fundamenta concutiendi. Quan-
 quam non eodem modo, ut ille, sed planè diversa
 ratione, impium istud negotium aggrediatur. Ete-
 nim cum Herbertianæ Theologiæ *πρῶτον ψεῦδος* sit,
 nihil ut certum indubitatoque verum in Religio-
 nis causa admitti oportere, nisi quod sensuum ra-
 tionisque humanæ judicio, & universali omnium,
 qui quidem sanæ mentis sunt, consensu compro-
 betur, *Hobbius* contrà, rationi & consensui tam
 parum tribuens, ut ne quidem DEUM esse, ex
 Naturæ lumine omnibus mortalibus constare, aut

constare posse, palam doceat (vid. librum *de cive*, cap. 14. 19. in *Annot.* & confer cap. XIV. 15. XVI. 1.) à Potestatis Civilis arbitrio Religionis summam suspendit, & in illo solo heic acquiescendum, eique rationem humanam absolutè submittendam esse disputat. Quod cum adeo portentosum sit dogma, ut sano homini in mentem venire id potuisse, vix sibi persuasurus sit Lector; operæ pretium fuerit, quòd revera primarium hoc sit universæ Hobbianæ Theologiæ fundamentum, ex scriptis ejus paulò accuratiùs ostendere. Ante omnia itaque notetur heic locus ex *Leviathane* cap. 33. ubi de Scripturæ sacræ auctoritate disputans *Hobbius*, Quatenus, ait, non differunt Scripturæ à legibus Naturæ, dubium non est, quin sint leges Dei, auctoritatemq; habeant omnibus, qui ratione naturali præditi sunt manifestam. Sed auctoritas hæc alia non est, quàm quæ doctrinæ omni morali, si vera sit, attribuenda est. Si leges à DEO ipso factæ sunt, nempe leges divinæ positivæ, nullâ accedente auctoritate humanâ, illis solis leges sunt, quibus DEUS ipsas ita promulgavit, ut nulla illis per ignorantiam relinquatur excusatio. Illi igitur, quibus DEUS non revelavit supernaturaliter, quòd scripturæ ab illo sint, vel eos, qui illas prædicant, ab eo missos esse, nulla, ut eas recipiant, auctoritate obligantur, præterquam ejus, qui summam habet in Civitate potestatem. Is enim legislator solus est. Rursus, si auctoritas civitatis non sit, quæ scripturas facit esse Leges, auctoritate aliquâ aliâ, vel privatâ, vel publicâ id fiet. Si privatâ, is solus ad obedientiam tenetur, cui DEUS illas supernaturaliter pro legibus dictavit. Nam si unusquisque pro Legibus Divinis habere obligaretur, quicquid ali-

quis prætextu inspirationis, vel Revelationis obtruderet (in tanto hominum numero per arrogantiam, vel ignorantiam, somnia, phantasmata, insaniamq̃, pro spiritus divini testimoniis accipientium, vel per ambitionem falso jactitantium) impossibile esset, ut leges ullæ pro divinis agnoscerentur. Sin Scripturæ Leges fieri non possunt sine autoritate publica, autoritas illa Civitatis erit vel Ecclesiæ: Atque ita porro quod Ecclesiæ esse nequeat, ostendere satagit, ut obtineatur, esse Civitatis, sive ejus, penes quem summa in Civitate potestas est. Multa alia nefanda contumeliosè de Scriptura sacra effudit, ut in libro de Cive, cap. xvi i, 27. quod Scripturæ Sacræ interpretatio, hoc est, potestas controversias omnes determinandi, dependeat & derivetur ab autoritate illius hominis, vel cætus, penes quem est summum imperium Civitatis. Sed ab instituto nostro alienum est, plura describere. Sunt qui suspicientur, Hobbium multa hujus commatis evulgasse in gratiam Regum Angliæ, qui tunc temporis ambiebant imperium singulare.

§. 6. Sed pergendum est, videbimus autem, non horrere novum hunc Theologum, conceptis verbis seditiosæ doctrinæ Christianismum postulare, quod monstrat locus in libro de Cive, Cap. XII. Vulgo docetur, *Fidem & Sanctitatem non studio & ratione naturali acquiri, sed semper supernaturaliter hominibus infundi vel inspirari. Reditur igitur ad cognitionem boni & mali, quæ concedi non potest, sine Civitatum dissolutione. Cujus paragraphi summa in margine sic exprimitur: Fidem & Sanctitatem non studio & ratione acquiri, sed semper naturaliter infundi & inspirari; SEDITIOSA*

TIOSA OPINIO. Vidimus hucusque, quod *Hobbius* potestatem de Religionis negotio statuendi absolutam, & cui ullo modo refragari grande nefas sit, Civili tribuat imperio, atque hoc dogma primum ac præcipuum Universæ Theologiæ fundamentum faciat: Jam si serio, & ex animi sententia sic statuit, oportebit utique ipsummet, quod spectat ad res fidei, scitis, placitisque summi Magistratus Britannici acquiescere, iisque intellectum suum submittere, id quod à se fieri, non semel profitetur, nempe in Epistola ad Franciscum Godolphinum, qua suum ei Leviathan inscribit, *Ne quid, ait, contra doctrinam Ecclesiæ nostræ publicam scriberem (dissentire enim in singularibus licitum est) diligenter cavi.* Et alibi: Nullos, inquit, ego libros pro Scriptura Sacra agnoscere debeo, præter eos, quos sancivit Ecclesiæ Anglicana. Ubi Ecclesiæ nomine summam potestatem Civilem illum innuere, è contextu manifestum. Dixerat enim paulo ante: *Cum ostensum sit supra, illas, qui summam habent in Civitate sua potestatem, solos legeslatores esse; Sequitur, libros illos solos Canonicos, id est, leges esse, in unaquaque Civitate, quæ summi imperantis auctoritate lata sunt.* Cæterum *Hobbessianam* isthanc protestationem factam prorsus esse contrariam, nemo non videt. Quid enim? an qui summam habent in Britannia potestatem, auctoritate sua sanxerunt dogmata, quæ ex *Hobbessii* scriptis nos huc usque retulimus? an iidem illi credendum statuerunt, DEUM substantiam esse corpoream? quod *Hobbessius* propugnat in Appendice ad Leviathan, nec non quod ille alibi, DEUM in persona propria creasse Mundum, in persona filii redemisse genus humanum, in persona Spiritus sancti sanctificasse Ecclesiam.

Porro an sanxerunt, negandam atque impugnamdam satisfactionem Christi atque immortalitatem animæ? quæ omnia apud *Cl. Kortholtum* reperiens probata.

§. 7. Alios ejus errores quàm brevissimè potero, hîc adjungam, uti apud *Clar. Hartnaccium* ex *Hobbessii* scriptis excerptos invenio. (I.) Scriptura Sacra dicitur Verbum DEI, non tam ratione principii, à quo est prolatum: quàm objecti, de quo agit; imò nec numinis inspirantis, sed hominis tantùm scribentis. (II.) fides ergo nostra, quam habemus Scripturæ S., non nititur authoritate Dei; sed existimatione de persona, quæ eam revelationem literis cõplexa est. (III.) Prophetas autem DEUS miraculis editis commendavit populo, ut fide dignos. (IV.) Semina Relligionis naturalis sunt metus Spirituum, Eventus fortuiti & quæ ex hominum phantasia Judiciis, passionibus, aut Consiliis diversorum diversis nascuntur. (V.) Relligio omnis resolvitur in fidem, quæ illius personæ habetur, qui isthoc ad nos defert. (VI. Atheismus ergo, peccatum utut gravissimum, tamen imprudentiæ tantum est; etsi enim nonnulli ratione naturali existentiam summi Numinis investigare possent: hoc tamen non est omnium, imprimis qui seculo ejusque bonis adhærent. (VII.) Quemadmodum Deus sub conditione benedictionis, obligabat, sibi ad Cultum Abrahamum: Ita hic quoque sibi posteros ad eundem cultum obstringendi jus, vi superioritatis suæ habuit. (VIII.) Authoritas itaque supremi magistratus constituit in populo, ut S. Scriptura sit regula fidei, eamque persuadent porro auditoribus suis Verbi divini Mi-

nistri. (IX.) Libros V. T. ab iis authoribus esse scriptos, quorum nomina præ se ferunt, perquam dubium est. Vix origo eorum altius, quàm ad Efdram deduci potest, qui auxilio Spiritus S. eos restituisse dicitur. N. T. demum libri publica auctoritate, quarto Seculo, à Concilio Laodicensi recepti sunt. (X.) Summa interpretandi potestas penes eum est, qui habet summum Imperium; in rebus fidei penes Ecclesiam, quatenus à Christo illud donum habet per impositionem manuum. (XI.) Unicus fidei articulus est, ad quem reliqua credenda referuntur omnia, nimirum, quod JESUS sit CHRISTUS. (XII.) Quoniam quicquid vere est, Corpus est, neque magnum aliquid fingi potest, nisi corporeum, Deus utique maximum omnium corpus est: hoc passim sustinet seriò, & defendit, auctoritate Tertulliani, aitque, à Concilio Nicæno non definitum, DEUM esse incorporeum. Vid. *Leviathan*. cap. 46. p. 328. Deinde, inquit, *nata est opinio de substantiis incorporeis, id est, nullam habentibus magnitudinem, & quod Deus ipse Optimus Maximus magnitudinem non habeat, quanquam neque Substantia Incorporea, neq; Substantia immaterialis in Scriptura sacra inveniat*. (XIII.) Non possumus DEI ideam, aut conceptum in mente aliquem habere, quoniam infinitus est. (XIV.) Voces Hypostasis, Persona, Generatio, processio incommode in divinitate adhibentur, præstat mittere argutias illas, & Scripturæ verbis loqui. (XV.) Angeli non sunt substantiæ Spirituales, sed Apparitiones tantum, aut motus à Deo hominum mentibus immissi, ad voluntatem suam iisdem significandam: mali vero, vel prava hominum

Consilia, vel improbæ mentis terriculamenta. Vid. *Leviathan*, Cap. 34. p. 186. Angelus vox Græca, apud scriptores tam sacros, quam prophanos significat Nuncium; in scripturis autem sacris plerumque *Nuncium à Deo*: Nuncium autem à Deo est omne id, per quod Deus supernaturaliter præsentiam, sive potentiam suam extraordinariam manifestam facit, præcipuè verò in somniis atque visionibus. De Creatione Angelorum in scriptis sacris nihil diversis verbis traditur. Scriptores igitur Ecclesiastici de natura Angelorum dissentiunt. Veterum autem Patrum nonnulli corporeos eos putaverunt, alii nonnulli incorporeos. Vocantur passim in Scriptura Sacra Spiritus. Sed Spiritus tum à scriptoribus Judæis, tum Græcis, modo corpora subtilia, ut aër, ventus, spiritusque animalium, modò phantasmata existimantur; quæ nec realia sunt, nec diutius permanent, quam somnium & visio, in qua apparent. Quæ phantasmata, sive apparitiones, etsi substantiæ non sint, sed accidentia organorum sentiendi; quando tamen à DEO ad voluntatem suam significandam, supernaturaliter producuntur, non improprie Nuncii à DEO, id est, Angeli appellantur. (XVI.) Intellectus homini communis cum brutis; quin ab his prudentiâ sæpè vincitur. Sermonis tantum & ordinis beneficio has Facultates ulterius promovet. Neque enim illa ratio nobiscum nascitur, uti sensus; Sed ejus modò Facultas quædam, quæ prout exercetur magis atque magis, rectius porro præstantiusque vires suas exerit; adeò ut vix quædam in his hominis à Bruto secundum essentiam sit differentia. (XVII.) Anima rationalis non legitur in

Scriptura Sacra condita à DEO natura sua immortalis, aut substantia incorporea, sed resuscitabitur solum homo ante diem Judicii, per Redemptionis Christi gratiam. (XVIII.) Origo juris DEI in Creaturas, summa illius potestas est, cui non potest resisti. Postea intercessit pactum cum hominibus, apud quos pro temporum ratione diversa diversimodè illud administravit. Succedet autem Patri post Judicium extremum in regno illo Christus, qui id sibi redemptione generis humani Jus peperit. (XIX.) Venit autem Christus in mundum, ut Patri regnum, quod in electione Sauli à populo rejectum fuerat, restitueret, & sibi per pactum in Baptismo regnum aliquando pararet, & quamvis mors ejus pro omnium peccatis non satisfaceret, id tamen præstaret, quod DEUS summè misericors in pretium redemptionis lege postulaverat. (XX.) Quemadmodum Supremus Magistratus non injustè agit, quando innoxio vitam eripit: ita subditi quoque evitandi supplicii causâ, contra Magistratum possunt insurgere. Vid. *Leviathan*. c. 21. 106. contingere ergo potest, & contingit sæpe in civitatibus, jussu summam habentis potestatem, innocentem etiam sine injuria interfici; ut quando filiam suam occidi jussit Jephta: etiam in occisione Uriæ, etsi Rex David iniquè fecit, & contra DEUM graviter peccavit, contra Uriam tamen non peccavit, qui facti illius authorem se fecerat: **TIBI SOLI PECCAVI**; sunt verba ipsius David ad Deum, à Deo enim solo obligari potuit Rex; hic excitat Reges contra subditos & eos erigit in tyrannos, sed pag. 100. incitat subditos contra Reges, & classicum canit ad rebellionem;

Et certè ut eò semper tendat Atheorum doctrina, necesse est, quòd nullam aliam agnoscant potestatem, neque tribunal post hanc vitam: & quod ad hanc vitam attinet, Principi obediendum, quia is timendus est. (XXI.) Non potest firmiter probari, cruciatus impiorum æternos fore. *Leviath.* cap. 44, p. 295. *Per hanc, inquit, fenestram (scilicet immortalitatem animæ,) doctrina illa tenebricosa intravit, de CRUCIATIBUS ÆTERNIS & de POENIS PURGATORII.*

C A P U T X.

§. I.

JAM tandem ad Atheorum Principem devenimus *Benedictum Spinosam*, virum initio Judæum, sed postea ob portentosas suas opiniones excommunicatum, atque sic tandem, nescio, quibus artibus, & fraudibus, inter Christianos nomen professum, & ab isto tempore à Judæis vulgò *Arur spinosam* dictum, (id est,) *maledictum*. A juventute dedit operam literis cum Rabbinis, & Linguae Latinæ atque *Philosophiæ Cartesianæ*, sub auspiciis *Francisci van Ende*, hominis Athei: cui Atheismum Spinosæ acceptum referunt Judæi. Et postquam frustra tentassent ei persuadere, ut opinionibus suis impiis renunciaret, extruserunt eum ex societate Judaica, ut inter Christianos venenum suum vomeret. *Johannes Christoph. Sturmius* in *Differt. de Cartesianismo*, oculis se eum usurpasse pag. 165. refert, & testatur, fuisse *Spinosam miserandum homuncionem, vitam egisse in obscuro, neque*

tum ausum execrandas opiniones suas divulgare. Inclaruit imprimis *Tractatu Theologico-Politico de libertate philosophandi*, ut sub philosophandi libertatis prætextu ei suam impietatem eructare esset integrum, ansam verò hujus libri publicandi in præfatione Author sibi fuisse profectur mores & consuetudines passim in Ecclesiis Protestantium receptas, in quibus scilicet ex litibus lites serantur & nascantur, sordida avaritia & ambitio domineatur, non honos & gloria DEI quærantur & nascantur, sed ipsi se Doctores apud populum vana gloria jactent; librum modò dictum primum suppresso nomine edidit, & quidem, ut titulus prodit, *Hamburgi*, apud *Henricum Künrath*, cum eodem tempore, scilicet Anno 1670. nemo ibi ejus nominis, nedum Bibliopola, vel Typographus inveniretur; vicissim verò anno quoque 1684. Specimen Artis ratiocinandi eodem institutore Pseudonymo prodiit, utique ejusdem illius spinosissimi scriptoris; in eodem enim refellit, nonnunquam *Blyenburgium*, qui lingua Batava Ethicam ejus perstrinxerat, quam An. 1690. *Christoph. Wittichius* examinavit. Cæterum *Tractatum* illum Theologico-Politicum refutare aggressus est pariter anonymus J. M. V. D. M. in Epistola ad Amicum edita Ultrajecti ex officina *Cornelii Nonart*. Porro hunc *Tractatum* à capite ad calcem confutavit *Regnerus à Mansfeld*, Professor Philosophiæ olim Ultrajectinus. Post obitum Spinosæ à discipulo suo quodam edita fuerunt Opera postuma ejusdem, in quarto, in quinque libros divisa: primus ejus Ethicam, secundus Politicam, tertius de intellectu humano melius dirigendo,

quartus continet varias Epistolas ad Viros Doctos; & ab illis ad eum datas: quintus libellus est Grammatica Hebræa. In Ethica Geometricè procedit, qui postquam definiisset substantiam, esse Ens per se subsistens, inde deduxit unicam in Mundo esse substantiam scilicet DEUM, quo nomine indigenda veniunt omnes creaturæ, cujuscunque sunt generis, simul sumptæ; & hoc falsissimo & infirmissimo fundamento innituntur omnes ejus demonstrationes. *Orobius*, Medicus Judæus Amstelodamensis omnia Spinosæ scripta confutavit, quæ manuscripta apud *Orobii* nepotes servantur, ut retulit mihi *Dn. Meza*, Rabbinus atque Medicus Amstelodamensis Celeberrimus. Porro *Velthuisen*, atque *Poiret* solidissimè Spinosæ impietatem corripuerunt, nec non Doctissimus *Johannes How*, Pastor inter Londinenses eloquentissimus idiomate Anglicano, libro, cui titulus: *The. Living Temple* acutissimè impietatem ejusdem atque absurditatem patefecit & refutavit.

§. 2. *Spinosæ* multa dogmata ab *Hobbesio* hausisse dicitur. DEUM autem & naturam esse synonyma, multi inter priscos tradiderunt, vide *Albert.* in 1. phys. tract. 3. libr. 13. apud *Bailium Alexander Epicureus* dixit, DEUM esse materiam, vel non esse extra ipsam, & omnia essentialiter esse Deum, & formas esse accidentia imaginata; & non habere veram entitatem, & ideo dixit idem esse substantialiter, & hunc Deum appellavit aliquando Jovem, aliquando Apollinem, aliquando Palladem. Et formas esse pepulum Palladis, & vestem Jovis; & neminem sapientem ciebat ad plenum revelare posse, ea quæ latebant sub peplo Palladis & sub veste Jovis.

Sed inter *Spinosam* & aliquos veteres Atheos hæc una differentia, quod illi raptim & confusè, hic magis prolixè & systematicè. Quandoquidem ergo, Dei negare existentiam, *horrendum facinus* esse fatetur ipsemet præfationis operibus *Spinosæ* præfixæ auctor; cuiusmodi *revera in Sapientes nec cadat, nec cadere possit*, omnem movet lapidem, qui præ cæteris mortalibus sapere & sibi & discipulis suis videatur. Cæterum mera sunt æquivocationum ludibria, quibus fucum incautioribus facere studet sceleratus Nugator. Etenim Deus, cujus existentiam videri vult agnoscere, non est ei supremum illud Numen, à quo, tamquam à primo auctore, sive prima causa efficiente, (ut in Scholis loquimur,) omnia condita esse, omnia conservari ac gubernari, immoto animorum consensu nos credimus, & evidenter scimus: Sed Dei nomine Naturam intelligit, id est, Universum hoc, sive quicquid ambitu suo complectitur hic mundus, ex se ipso & per seipsum ab æterno existens, nec ullam sui causam externam, sive efficientem, sive finalem agnoscens. Quam monstrosam opinionem licet initio occultare studuerit auctor, edito tamen Tractatu Theologico-Politico, non ita dissimulare potuit, quin sagaciores illam lectores odorarentur, & quamquam in Epistola XXI. *Totâ eos via errare scribat, qui putent, Tractatum Theologico-Policum eo niti, quod Deus & Natura unum & idem sint*, mera tamen rursus id impostura est, fallitque ambiguitate vocis *Naturæ*, auctor; qua censores suos *massam quandam, sive materiam corpoream* innuere ait, quum ipse, in nota marginali illius ipsius Tractatus, cap. 6. p. 69. lectorem observare ju-

evenire, quod Dii irati essent ob injurias sibi ab hominibus factas, sive ob peccata in suo cultu commissâ, & quamvis experientia indies reclamaret, ac infinitis exemplis ostenderet, commoda atque incommoda piis æque ac impiis promiscuè evenire, non ideo ab inveterato præjudicio destiterunt ----- pro certo statue, Deorum Judicia humanum captum longissime superare. Quæ sanè unica fuit causa, ut veritas humanum genus æternum lateret, nisi *Matheſis* aliam veritatis normam hominibus ostendisset. Hisce omnibus non obstantibus, adeo est impudens ac sine fronte maledictus ille hypocrita, inquit *Kortholt*, ut negare audeat, quidquam docuisse, quod pietati, bonis moribus, & religiosæ virtutis praxi possit derogare. Alia ejus dogmata, scilicet, nullos esse Diabolos, vel spiritus, nullum Cælum, vel Infernum, nulla esse præmia aut supplicia, Corollaria sunt ex superiori dogmate sua sponte emanantia, neque necesse est, ut ea persequamur. Hæc itaque dicta sunt de *Spinosa*. Si quis plura scire cupiat, adeat *Baylii* Lexicon; *Hartnaccium* de hæresiarchis; *Kortholt* de tribus Impostoribus, qui fuisse ejus dogmata enarrant; sed tædet omnia describere.

§. 3. Sub idem tempus *Mathias Cnuzius* referente *Hartnaccio*, Holsatus, vel, ut alii tradunt, è tractu Eiderstadenſi, qui ad Sleswicensem Ducatum pertinet, oriundus, eo dementiæ processit, ut divina prorsus & humana omnia tollere & exturbare orbe conaretur. Dialogos nonnullos sparsit, quorum præcipuo *Henricum* quendam *Brummerum*, qui sane, ater an albus sit fueritve, necdum compertum habeo, (inquit *Hartnaccius*) suas defendentem partes introducit. Vagus tandem in superiori Germania, schedas suas disseminaturus,

in Academiam quoque Jenensem pervenit, ubi in lucem protractus à primario tum temporis Theologo *D. Joh. Musæo*, qui adversus illa nefanda dogmata Germanico idiomate singularem librum edidit. Ejus dogmata huc redeunt. (I.) Non esse Deum, neque Diabolum. (II.) Magistratum, nihili æstimandum, templa contemnenda, sacerdotes rejiciendos. (III.) Loco Magistratus & loco sacerdotum esse scientiam & rationem, cum conscientia conjunctam, quæ doceat honeste vivere, neminem lædere, & suum cuique tribuere. (IV.) Conjugium à scortatione nihil differre. (V.) Unicam esse vitam: Post hanc, nec præmium, nec pœnam dari. (VI.) Scripturam S. secum ipsam pugnare: id in Epistola quadam expedire cupit, quam hoc loco exhibemus.

Amicus Amicis Amica.

Demiratus hætenus sæpiusculè, qui fieret, quod Christiani, id est, rotarum in modum uncti, secum discordent, & nunquam non altercationis ferram reciprocent, jam demum cesso demirari, cum intellexerim, eorum canonem quoque & fundamentum, quod Biblia nuncupant, secum penitus dissonare & vacillare: possem equidem id vel sexcentis per omnes, quæ Veteris, quæ Novi Instrumenti libros statuminatum ire exemplis, sed metus est, ne fortean legentibus argumentorum multitudine nauseam creem, idcirco pauca duntaxat in medium proferam: ut ea à lecturientibus eò melius possint ponderari. Nihil hîc dicam de mensuris, quarum mentio est *1. Reg. 7. v. 26.* & contra *2. Paral. 4. v. 5.* quæ è diametro, (si quid judicare possum) sæpe numero contrariantur; nihil etiam dicam de per-

sonis, verbi gr. Si conferas *Gen. 26. v. 34.* cum *Gen. 36. v. 2.* ibi enim Bosmath Esavi uxor dicitur filia Elon Hethitæ, hic verò Ismaelis. Taceo etiam, quod in diversis locis eadem præcipiantur & prohibeantur. Sic *Matth. 19. 5.* Maritæ adhærere; è converso autem *Malach. 2. v. 16.* eam dimittere marito inmandatis datur. De hisce & non dissimilibus alijs in præsentia nihil dicturus sum : hoc autem, ut prætermittam non possum adduci, videlicet, Canonem istum Christianorum verè Lesbium in Articulis quoque fidei dissonis quasi fidibus sonare. Ita sæpenumero inculcatur, mortuos esse resurrecturos, quod ut Christianis τοῦ ἀμφοῖν lubentes largimur : sic illi eo ipso Canone concedente, concedant nobis vicissim necesse est, mortuos non resurrecturos esse; quod partim κατὰ τὸ πρῶτον, partim etiam κατὰ δευτέριον, id quod cum τῷ πρῶτῳ coincidit, asseritur in sequentibus locis *Esa. 26. v. 14.* *Psal. 88. v. 12.* *Psal. 78. v. 40.* *Eccl. 3. 19.* *Hiob. 14. v. 12.* & alijs. Certè quod olim Breidenbachius, unctus ille ex unctis affectibus, in suæ peregrinationis Historia de Turcarum Alcorano memoriæ prodit, absque veritatis injuria de Christianorum quoque *sacra*, (id est,) *execranda Scriptura* pronunciare possumus : *Tota, inquit ille, Scriptura adeò confusa est & commixta, ut quicquid ibi est, totum sine connexionione, sine compositione, absque omni verborum & sententiarum ordine & colore, postremo absque sensu & ratione positum videatur.* Ita & ego de Christianorum Alcorano, omisso etiam τῷ vi- videatur Breidenbachii, id quod paucis ediffertabo, quippe chartæ angustia me inter brevitatis metas concludit. Enimverò quis est, qui neget, confu-

sam & commixtam esse Christianorum Scripturam, si Salomonis inspexeris adagia, in quibus haud insolenne est, in uno etiam capite omnis generis res ad instar farraginis commisceri & confundi? Posita illa est sine connexionione; v.g. *Habac. 2. v. 1.* item *cap. 3. v. 1.* ubi *sed* nihil quicquam connectit, si, quod res est, dicere velimus. Posita est etiam absque omni verborum colore; Sic *Apoc. 5. & 8. cap.* ad unum omnes versiculi à particula *Et* incipiunt. Posita est absque sententiarum ordine, ut *Luc. 10. v. 31.* Vita æterna mortuorum resurrectioni præponitur, quem tamen ordinem ipsimet rejiciunt Christiani. Si dixerint esse ὕστερον πρότερον, etiam pro Alcorano hoc σὺ φὸν φάρμακον militabit. Sine sensu quoque posita sunt illa ad *Ephes. 2. v. 1.* & tota illa oratio, *Act. 7. v. 1. seqq.* item *Job. 8. v. 25.* *Principium, qui & loquor vobis, &c.* Denique etiam sine ratione posita sunt *Exod. 20. v. 18.* *Populus videbat sonitum tubarum:* item nudis vestes exuere, *Job. 29. v. 6.* & multa alia, quæ singula recensere infinitæ esset Arithmetices, ego hic lineas duntaxat perstringo rerum. Miracula etiam non miranda in illa leguntur. v. gr. quod Esavus corpore rubicundus ex matris matrice prodierit, *Gen. 25. v. 25.* cum tamen id omnibus etiamnum natis infantibus, vel ipsis obstetricibus oculatis testantibus, sit solemne. Quid quæris? etiam ipsismet Christianis absurda, ex eorum arenoso Bibliorum fundamento possunt adstrui, qualia sunt: quadrupedes & vermes propriè sic dictos dari in Cælo, *Act. 10. v. 12. & 16.* item boves mactare esse peccatum irremissibile, adeoque in Spiritum sanctum, *Esa. 22. v. 13.* & *cap. 66.*

§. 3. & id genus alia, de quibus alii. Adde, quod in iisdem Sacris ejusmodi æquivoca reperiuntur vocabula, quæ non duas, (quod non infrequens est,) sed novem, imò planè decem admittant significationes, v. gr. *Lex, Spiritus, Mundus*, &c. ut prorsus non detur certitudo in vero sensu indagando, quicquid etiam Canonum super Canonem istum *Scharffius, Waltherus*, & alii *uncti* comminiscantur. Quæ cum ita sint, Amice, nemo hominum mihi vitio vertet, si una cum meis gregalibus (quorum innumerus mihi numerus Lutetiæ, Amstelodami, Lugduni, in Angliâ, Hamburgi, Hafniæ, nec non Holmiæ, imò Romæ, & in contiguis locis adstipulatur,) Univerſa Biblia bellæ fabellæ loco habeam, qua belluæ, id est, Christiani, rationem captivantes, & cum ratione insanientes delectantur. Insuper DEUM negamus, Magistratum ex alto despiciamus, Tempła quoque cum omnibus Sacerdotibus rejicientes. Sufficit nobis Conscientiariis Scientia non unius, sed plurimorum, *Luc. 24. §. 39.* videte, &c. (tis enim *αὐτοὶ ἡ ἀλήθεια*,) & conscientia conjunctim accepta. Hæc enim conscientia, quam benigna nimirum mater Natura omnibus indidit hominibus, nobis loco Bibliorum, ad *Rom. 2. §. 14, 15.* loco Magistratus; est enim tribunal, teste *Gregorio Nazianz. Tom. 2. orat. 15.* in plagam grandinis *p. m. 447. B.* & loco Sacerdotum est, docet namque hic Doctor, neminem lædere, honestè vivere & suum cuique tribuere. Hæc, inquam, si malè fecerimus, loco mille tormentorum, imò Inferni; sin bene, loco cœli, *quamdiu hæc unica vita superat*, semper erit. Hæc, conscientia sciet, nobis nascentibus nascitur, hæc etiam nobis

in morte pereuntibus perit. Hæc sunt principia nobiscum nata, & qui illa rejicit, seipsum rejicit. De quibus omnibus fusius in posterum spero. Interibi de omnibus Christianorum fidei articulis, cum omnibus meis fratribus perdius & pernox in ore gero,

Scribebam Romæ 6. Kal.

Martii.

*Credant hæc Cuncta,
Unctus & Unctæ,*

non ego,

MATTHIAS CNUZEN,
Holsatus.

P. S. Hæc Epistola plus millies descripta est, & si Magistratui, Sacerdoti vel Christiano de his literis judicandum venit, perinde est, ac si quis ex pictore quæreret, utrum picturæ? Ex Organædo, utrum Organa Musica Pneumatica in æde sint toleranda? ut hi, sic illi Judices aliquid affectibus dare consueverunt. Vale.

Talis etiam Atheus videtur fuisse non ita pridem Studiosus quidam Juris, nomine *Joachimus Gerhardus Rom*, Glückstadiensis Holsatus, qui Wittebergæ seipsum suspendit, hoc scripto in Museo suo relicto: Tædio finem quæro vitæ miserrimæ, injecto laqueo, redigendus in id, ex quo originem duxi meam; Judicium eorum, qui me nescio, quo relegatum putârint, contemno. Anima namque nostra mortalis est; Religio ad vulgus pertinet, inventa scilicet ad decipiendos homines, eoque melius regendos: neque verò sic sentiens, jure videor vocandus Atheus. Quis enim DEUM esse

sanæ mentis homo negat? ut verò ea, quæ vulgo de religione traduntur, à Sacerdotibus doceantur, ratio, ut ajunt, postulat statûs. Qui aures habet, audiat. Mundus regitur opinionibus. Sed sat Sapienti! non enim omnes hoc verbum capiunt. In me sepeliendo velim agatur humaniter, quam in rem impensi sumptus nullum est dubium, quin à me restituantur. Quibus cum gratiarum actione meo nomine pro tam infinitis beneficiis, ab initio vitæ usque ad hunc infelicem, imò felicissimum diem in me collatis, simul extremum vale, dicitur, sed trahor ad fata. Neque equidem amplius possum sine lachrymis de illis cogitare, inque hac morte, vita inquam, sine extremis cordis angustiiis diutiùs permanere. Invasi DEUM calidissimis precibus ante discessum meum, fufis etiam lachrymis, ideoque confido, eum ex infinita sua misericordia, in gratiam me recepturum; nolite me, nolite me condemnare, ne ipsi rursus condemnemini. Adjungenda hic historia insignis, è libello, de statu Imperii Turcici deprompta, idiomate Anglico conscripto, authore *D. Ricaut*, quæ sic habet. Illi, qui inter Turcas Atheismum profitentur, *Musarini* nominari gestiunt, (i. e.) qui habent penes se verum secretum: cujus secreti summa huc redit, DEUM nullum agnoscere, atque constanter affirmare, principium internum aliquod cujusque individui, cursum omnium rerum dirigere. Sol, luna, atque astra cætera inde habent originem atque motum, neque hominis dissimilis est ratio, pullulat enim, crescit, viret, denique marcescit, non secus atque herbæ, cæterique flores. Mirum & incredibile dictu, quantus eorum numerus sit

Bizantii, qui hanc fovent opinionem, quorum maxima pars in scriptis Arabum versatissima, & dignitate *Cadisi*, seu Judices, reliqui sunt Christiani profugi, & apostatæ, qui conscientia moribus atque exprobrationibus exagitati, propter renunciationis scelera, nihil magis volunt, quàm ut cum hoc mundo spectabili omnia finiantur. *Mahomet Effendi*, Vir in literis Orientalibus apprimè doctus atque hujus opinionis propugnator acerrimus, supplicio publico est affectus, dum essem *Bizantii*, propter varias blasphemias contra existentiam DEI ab eodem jugiter effusas. Ad suam impiam opinionem stabiliendam, hoc argumento uti solebat: *aut nullus est planè DEUS, aut non est tam potens, neque tam sapiens, quàm ille à nostris Doctoribus esse perhibetur, alioquin me, qui odio & contemptu ejus existentiam laceSSo, exagito, & perseQuor, si quis ullus alius mortalium, maximo, non tam diu vivere permisisset.* Et, quod mireris, tametsi posset vitam redimere, si meliora in futurum profiteri polliceretur, abhorrendo à tam impiis opinionibus, conditionem tamen planè respuit, dicens, se potius moriturum pro veritate, licèt bene noverit, se nulla manere præmia.

Fateor, (pergit Author,) me olim credidisse, nullum dari Atheum, satis persuasus, existentiam Numinis demonstrari posse ex lumine naturali, sed incredibilis hujus hominis pertinacia me clarè docuit, esse etiam homines, qui horrendum in modum omnia rationis lumina & sensum supremi Numinis prorsus extinxerint. Hujus sectæ venenum ita est subtile, ut Eunuchos, scæminas, Præfectos infecerit, & in aula usque penetralia irrepserit.

Qui hanc sectam colunt, mirè se invicem diligunt, humani sunt & affabiles, fidei hujus socios libenter hospitantes, quos postquam lautioribus convivis acceperint, noctu illis offerunt elegantis formæ socias atque amabiles, quando tempus est eundi cubitum. Ajunt Sultanum Morat mirum in modum favisse huic sectæ & in aulâ & militiâ, quamvis inter vulgus aliam sectam, austeram pietatem præ se ferentem, Zadezadalis vocatione, promoveret. Huic valde similis apud *Senenses* est secta decantatissima *Literatorum* dicta in rebus gerendis versatissima, ideoque à Rege in pretio habitata; quamvis mundum hunc aspectabilem æternum & incorruptibilem credant, neque ullum agnoscat numen ab ejusdem materia & compagine distinctum; omnemque de animæ futuro statu doctrinam susquedeque habeat, ac veluti politicè excogitatam, sibilo explodat.

C A P U T XI.

§. I.

HÆc itaque sunt, quæ de omnium temporum Atheis maxime famosis commentari hac vice visum est, ubi, ut res ipsa loquitur, propositum nobis non fuit, vel veram contra Atheos Ecclesiæ sententiam operose confirmare, vel quibus ea oppugnatur adversæ partis argutias in Examen vocare curiosius, (quod ferias heic fecerint nobis Viri doctissimi, qui de industria contra Atheisticam impietatem pro veritate Christianæ Religionis libros dudum ediderunt), sed pro viribus eorum impietatem propalare, & patefacere

ne Atheorum esca verborum lenocinio, æquivo-
catione, & fraudibus temperata, capiat & inficiat
imbecilles incautorum animos.

§. 2. Sed antequam manus tollamus ab hac ta-
bula, adjiciemus historiam unam vel alteram, qui-
bus pateat ab hoc fermento Atheorum aliquos
divina misericordia & assiduitate amicorum fuisse
liberatos. Notissima est historia *Francisci Junii*,
qui in sua vita de seipso sic scribit; *Memini, quum*
libros M. Tullii de legibus per illud tempus, auctore
& suasore Barthol. Anulo, Gymn. Rect. expendere, &
notas quasdam in eos animadversionesque colligerem,
venire hominem quemdam ad me, & illa Epicuri Verba,
quæ libro primo exstant, nihil curare Deum, nec sui nec
alieni, multis quam diligentissimè confirmare: ad quæ
ego non ratione judicioq; certe respondebam: sed assen-
sionem paulatim adhibens, sentiebam venenum ser-
pens, quod imbiberam, confirmari in me: Et cum au-
ctoritate hominis, tum argutiis dictorum ejus præceps
eò deferebar, ut meus animus in isto malo hærens occal-
lesceret, totusque fieret invidiosus. Modum vero libe-
rationis sic habeto ejus verbis. Hic ergo *Novum*
illud testamentum divinitus oblatum reperio: aliud
agenti exhibet se mihi aspectu primo augustissimum
illud caput Johannis Evangelistæ & Apostoli, In prin-
cipio erat Verbum, &c. Lego partem capitis, & ita
commoveor legens, ut repente divinitatem argumenti;
& scripti majestatem auctoritatemque senserim, lon-
go intervallo omnibus Eloquentiæ humanæ fluminibus
præeuntem. Horrebat corpus, stupebat animus, & totum
illum diem sic afficiebar, ut qui essem, ipse mihi incertus
viderer esse. Recordatus es mei, Domine Deus mi,
pro immensâ misericordia tua, ovemque perditam in

gregem tuum recepisti. Ex eo tempore, quum in me Deus tam potenter Spiritus sui virtute irruiſſet, alia frigidius & negligentius legere & tractare capi : De his vero, quæ ad pietatem pertinent cogitare amplius, & ardentius in eis verſari.

§. 2. Quæ ſequitur Hiſtória non eſt minùs notabilis. N. N. Gente Italus, Patria Conſentinus Franciſcani ordinis Monachus, poſtquam varias in Eccleſia Romana fraudes detexit, quibus circumvenire alios Monachi ſolent, inprimis Patres Monasterii, in quo degebat, quippe qui ægrè ferentes Monasterium ſuum reliquis ſplendore multò eſſe inferius, hanc fraudem excogitarunt. Caput Imaginis CHriſti in Cruce pendentis primò diſſecarunt, deinde excavarunt, atque cavitatem cucurbita ſalita impleverunt, terebrâ factò foramine circa utrumque oculorum angulum, ut ſole caput irradiante, humor cucurbitæ ſalitæ efflueret; atque re mox publicatâ, populo perſuaſerunt, imaginem plorare, quòd non eâdem frequentiâ atque aliàs viſitarent & adorarent, imò totum ejus templum negligenter, ut ſenſim minaretur ruinam; quo factò populus affatim affluens, munera non contemnenda apportavit, & lachrymarum guttas aliquas charo pretio redemit; atque ita Monachi paulò ante pauperrimi, facti ſunt opulentiffimi. Deinde Neapoli in quodam Monâſterio prope mare ſito, aqua dulci per canales ſubterraneos, in locum aquæ marinæ diductâ, atque ibi per orificia canalis magno ſatis cum impetu erumpente, populo Monachi perſuaſerunt, ſanctam Mariam Virginem æſtimationem ſuam & amorem eo miraculo erga Monasterium demonſtrare velle.

§. 3. Post hæc de veritate Religionis Romanæ dubitare cœpit Monachus, & mox quæ corde pressit publicare, motis contra plerosque articulos dubiis; quod multis, inprimis ex Neapolitanis Nobilibus, placuit, atque ab iisdem post modum in secretum locum ductus, ubi magna hominum multitudo, præsertim Nobilium convenerat, ubi differentem, nesciebat ab initio quem, de omnium rerum ex fortuito atomorum concursu sine Numine audivit, cujus existentiam Orator mox in dubium vocabat, mox negabat. Pedetentim itaque in Atheismum incidit, præsertim postquam vidit se hoc pacto variis Nobilibus placiturum, & in eo tantum fecit progressum, ut excusso omni Numinis metu contemptim de religione & hominibus Religiosis subinde loquutus fuerit, tandem multis suspectus ad Inquisitorem delatus & in carcerem est conjectus; neque aliâ viâ evadere potuit, quam fictâ palinodiâ, ita jubente Cardinale de Laurea.

§. 4. Quamprimùm verò è carcere liberatus, aliorum se conferre statuit, ubi tutius animi sui placita publicare sibi liceret, & quia putabat inter Reformatos, utpote homines nullius religionis se fore tutissimum, ad eos transitum fecit; sed divina providentia factum, ut ad virum doctissimum pariter atque piissimum accederet, qui ejus Atheismum citò detexit, purioris doctrinæ verè Christianæ Ideam sibi proponi vidit, ex quibus rebus factum est, ut non ita multò post, & Atheismum, & Religionem Romanam deposuerit, & quia adhuc forsitan est in vivis nostram Religionem professus, nomen ejus consultò taceo. Vir optimæ fidei, qui

gregem tuum recepisti. Ex eo tempore, quum in me Deus tam potenter Spiritus sui virtute irruiſſet, alia frigidius & negligentius legere & tractare capi: De his vero, quæ ad pietatem pertinent cogitare amplius, & ardentius in eis verſari.

§. 2. Quæ ſequitur Hiſtória non eſt minùs notabilis. N. N. Gente Italus, Patria Conſentinus Franciſcani ordinis Monachus, poſtquam varias in Eccleſia Romana fraudes detexit, quibus circumvenire alios Monachi ſolent, inprimis Patres Monasterii, in quo degebat, quippe qui ægrè ferentes Monasterium ſuum reliquis ſplendore multò eſſe inferius, hanc fraudem excogitarunt. Caput Imaginis CHriſti in Cruce pendentis primò diſſecarunt, deinde excavarunt, atque cavitatem cucurbita ſalita impleverunt, terebrâ factò foramine circa utrumque oculorum angulum, ut ſole caput irradiante, humor cucurbitæ ſalitæ efflueret; atque re mox publicatâ, populo perſuaſerunt, imaginem plorare, quòd non eâdem frequentiâ atque aliàs viſitarent & adorarent, imò totum ejus templum nèglicerent, ut ſenſim minaretur ruinam; quo factò populus affatim affluens, munera non contemnenda apportavit, & lachrymarum guttas aliquas charo pretio redemit; atque ita Monachi paulò ante pauperrimi, facti ſunt opulentiffimi. Deinde Neapoli in quodam Monasterio prope mare ſito, aqua dulci per canales ſubterraneos, in locum aquæ marinæ diductâ, atque ibi per orificia canalis magno ſatis cum impetu erumpente, populo Monachi perſuaſerunt, ſanctam Mariam Virginem æſtimationem ſuam & amorem eo miraculo erga Monasterium demonſtrare velle.

§. 3. Post hæc de veritate Religionis Romanæ dubitare cœpit Monachus, & mox quæ corde preficit publicare, motis contra plerosque articulos dubiis; quod multis, inprimis ex Neapolitanis Nobilibus, placuit, atque ab iisdem post modum in secretum locum ductus, ubi magna hominum multitudo, præsertim Nobilium convenerat, ubi differentem, nesciebat ab initio quem, de omnium rerum ex fortuito atomorum concursu sine Numine audivit, cujus existentiam Orator mox in dubium vocabat, mox negabat. Pedetentim itaque in Atheismum incidit, præsertim postquam vidit se hoc pacto variis Nobilibus placitum, & in eo tantum fecit progressum, ut excusso omni Numinis metu contemptim de religione & hominibus Religiosis subinde loquutus fuerit, tandem multis suspectus ad Inquisitorem delatus & in carcerem est conjectus; neque aliâ viâ evadere potuit, quam fictâ palinodiâ, ita jubente Cardinale de Laurea.

§. 4. Quamprimùm verò è carcere liberatus, aliorum se conferre statuit, ubi tutius animi sui placita publicare sibi liceret, & quia putabat inter Reformatos, utpote homines nullius religionis se fore tutissimum, ad eos transitum fecit; sed divina providentia factum, ut ad virum doctissimum pariter atque piissimum accederet, qui ejus Atheismum citò detexit, purioris doctrinæ verè Christianæ Ideam sibi proponi vidit, ex quibus rebus factum est, ut non ita multò post, & Atheismum, & Religionem Romanam deposuerit, & quia adhuc forsitan est in vivis nostram Religionem professus, nomen ejus consultò taceo. Vir optimæ fidei, qui

hoc Italo usus est familiariter, sua manu historiam hanc descriptam benevolè mecum communicat.

§. 5. *Tertia* historia erit illa *Roffensis Comititis*, conscripta à Venerando Præsule, GILBERTO BURNETO, Sari Episcopo, in libello propter elegantiam Latine reddito Ultrajecti 1698. cui Titulus est: *Roffæ Comititis in extremis* *seu* *pœnitentia salutaris*, ubi narratur, quomodo Comes ille, cum profanam ac belluinam vitam diu satis egisset, præsulis opera ad DEUM per veram pœnitentiam sit tandem conversus, postquam prius ille huic sua cogitata, opinionionesque ac præjudicia mala aperuerat, inter quæ illud occurrit, quod cum de affectibus coercendis quæstio esset, quos Comes per rationem & Philosophiam putabat coerceri posse, ubi responderat Præsul, huic principio ad subjugandas libidines, non satis inesse virium - - nisi homo intra seipsum lege aliqua in officio contineretur. Hactenus Cl. *Poiretus* Defens. libr. de Erudit. solida p.482. Insuper falsus est Roffensis BURNETO, se vehementer fuisse confirmatum in opinionibus suis, Atheisticis, atque præsertim de Mortalitate animæ, postquam amici sui maximè intimi anima post mortem promissis non stetit; ante prælium enim navale contra Batavos, datis dextris sibi invicem promiserant, ut si alteruter malo fato fungeretur, & è vivis decederet, superstiti compareret, & quid in alio mundo ageretur, accuratè referret. Sed quam injustum & incongruum sit hoc postulatum multis verbis atque solidis docet Venerandus Episcopus. Animæ separatae non sunt sui juris, neque planè convenit Majestati Divinae identidem novis

atque reiteratis Miraculis hominum libidini atque curiositati satisfacere. Huic non omnino dissimile est, quod de seipso fatetur *Bussius Rabutinus*, Comes, hujusmodi pactum inter se & quendam *Jumeau* intercessisse, idque utrique tantopere fuisse cordi, ut quoties alter alterum morti esse propinquum existimaret, identidem de exsolvenda hac post mortem fide commoneret. Ac cum postremò *Jumellus* iste diem obiisset, *Bussius* ipsius spectrum per multas noctes avidè à se, & sine ullo pavore fuisse expectatum commemorat; verum id frustra, atque in cassum. Et quanquam apertè non dicat, sese hac re in cœpta dubitatione esse confirmatum, tamen ita multis post annis vixit, ut haud esse pientissimum, facile posset intelligi. Ipse sanè in T. I. Epist. Gall. pag. 209. lecto libro Rev. *Abbadie* de Verit. Rel. Christ. ita scripsit: *Jusques icy je n'ay point été touché des tous les livres, qui parlent de Dieu, & j'en voi bien aujourd'hui la raison. C'est que la source m'en paroissoit douteuse, mais la voyant claire, & nette dans les livres de l'Abbadie, il me fait valoir tout ce, que je n'estimois pas, &c.*

CAPUT XII.

§. I.

QUandoquidem homines Impii atque Athei omni tempore arietare solent adversus Immortalitatem animæ, Providentiã, atque Resurrectionem: operæ pretium mihi videtur, citationes aliquas elegantissimas ex probatis Authoribus hic, coronidis loco, in calce operis apponere. *Lactantius* lib. 1. cap. 6. Instit. de Providentia sic edisserit. *Nemo est tam rudis, tam feris mo-*

ribus, quin oculos suos in Caelos tollens, tametsi nesciat, cuius Providentia regatur hoc omne, quod cernitur, non aliquam tamen esse intelligat, ex ipsa rerum magnitudine, motu, dispositione, Constantia, Utilitate, Pulchritudine, temperatione: nec posse fieri quin id, quod mirabili ratione constat, Consilio aliquo majori sit instructum. Item Theodoret. Orat. de Provid. Considerate visibilium naturam, situm, ordinem, statum, motum, consonantiam, Harmoniam, venustatem, Pulchritudinem, magnitudinem, usum, oblectationem, Varietatem, alterationem, permensionem, cernetis Providentiam DEI in qualibet parte manifestam. Cernimus ipsam in caelo, & luminaribus caeli, sole, luna, & aliis astris: in aëre, in nubibus, in terra, in mari, in plantis, in herbis, in seminibus, in animalibus tam rationalibus, quam irrationalibus, pedestribus, volatilibus, natatilibus & reptilibus. Cogitate apud vosmet ipsos, quis sit continens caelestis apsidis, quod tot millibus annorum caelum non consenuerit, nullam mutationem recipiens, sed tamen possibilem habens & corruptibilem substantiam, maneat tale, quale erat: verbo curationis sustentatur. AMBROSIUS 1. de offic. cap. 13. si non est injuria & probrum DEO, minutissimas quoque res fecisse, multo minus probrum illi, factas regere. AUGUSTINUS hæc habet 1. 8. de gen. ad. lit. cap. 9. In ipsum mundum, velut in quandam magnam arborem rerum, oculus cogitationis attollitur, atque in ipso quoque gemina operatio Providentiæ reperitur, partim naturalis, partim voluntaria, naturalis quidem per occultam DEI administrationem, quæ etiam lignis & herbis dat incrementum, Voluntaria vero per Angelorum opera & hominum. Secundum illam primam Cælestia superius ordinari, inferiusque

feriusque terrestria, luminaria, sideraque fulgere, Diei noctisque vices agitari, aquis terram fundatam, interlui atque circumlui, aërem altius superfundi, arbuscula & animalia concipi & nasci, crescere & senescere, occidere, & quicquid aliud in rebus interiore naturalique motu geritur. In hac autem altera signa dari, doceri, disci, agros coli, societates administrari, artes exerceri, & quaeque alia, sive in superna Societate aguntur, sive in hac terrena atque mortali; ita & bonis consulatur, & per nescientes malis, inque ipso homine, eandem geminam providentia vigere potentiam; &c. CHRYSOSTOMUS: Si navis quantumvis firma & instructa, tamen in fluctibus consistere non potest sine gubernatore, quanto minus orbis Universus constare potest sine cura & gubernatione DEI. Homil. ad Eph. Consimiliter THEOPHILUS ANTIOCHENUS, lib. 1. Quemadmodum si quis cernat navem suis armamentis instructam, mare sulcare & in portum appellere, certò credit, aliquem, à quo gubernetur, in ea esse gubernatorem, sic certò nemo adeò abjecti animi, quin credat, DEUM esse gubernatorem omnium. BASILIUS, Homil. 2. in Hexa. Intuere, inquit, culmen tritici, quot habeat nodos, ut spicam commodius ferre possit repletam, stramen vero avenae sinus ejusmodi non habet, quandoquidem Spica avenae est levicula, nec tanta ope, ad sustentationem indiget. Vide quantis involverit paleis, quamque acutis Spicam tritici, tanquam vallo quodam cinxerit aristis, ne aviculae aut vermes eam attingere valeant. considera valida arborum stantium radicum fundamenta, quae in ventis & tempestatibus loco suo firmiter conservant arbores, quas erectas multa hominum milia tenere haud possent. Revoca in memoriam, quomodo vireant in vere, quomodo rami eorum canalibus planè absconditis & incomprehensibilibus, humores ad se trahant, atque ex his virgulta, folia & fructus producant

§. 2. De immortalitate Animæ CICERO, de Amicitia hæc habet. Neque enim assentior iis, qui hæc nuper differere caperunt, cum corporibus scilicet animas simul interire atque omnia morte deleri. Plus apud me valet authoritas nostrorum majorum, qui mortuis tam religiosa jura tribuerunt, quod non fecissent profecto, si nihil ad eos pertinere arbitrarentur, vel eorum qui

in hac vita fuerunt, Magnamque Graciam, institutis & præceptis suis erudierunt. Velejus, qui Appollinis Oraculo Sapientissimus est judicatus. Qui non tùm hoc, tum illud, ut in plerisque, sed idem dicebat semper, animos hominum esse divinos, iisque cum ex corporibus excessissent, reditum ad Cælum patere. Item 1. Tuscul. Animorum nulla in terris origo inveniri potest: Nihil enim est in animis mixtum, atque concretum, aut quod ex terra natum, atque fictum esse videatur: Nihil, ne aut humidum quidem, aut flabile, aut igneum; his enim naturis nihil inest, quod vim memorie, mentis, Cogitationis habeat, quod & præterita teneat, & futura provideat, & complecti possit præsentia: quæ sola divina sunt, nec invenietur unquam, unde ad hominem venire possint, nisi à DEO. Singularis est igitur quadam natura, atque vis animi, sejuncta ab his usitatis, notisque naturis, ita quidquid est illud quod sentit, quod sapit, quod vult, quod viget, Celeste & divinum est, ob eamque rem æternum sit, necesse est. SENECÆ, in Epist. 65. ita differit. Non queram, quis sit artifex hujus mundi? qua ratione tanta magnitudo in legem & ordinem venerit? qui sparsa collegerit, confusa distinxerit, in una deformitate latentibus faciem dividerit? Unde lux tanta fundatur: ignis sit, an aliquid igne lucidius? Ego ista non queram, ego nesciam, unde descenderim? Semel hac mihi videnda sint, an sæpe? nesciam quò hinc iturus sim? Quæ sedes expectet animam solutam legibus servitutis humanæ? Vetas me Cælo interesse, id est, jubes me vivere capite demisso? Major sum, & ad majora genitus, quam ut mancipium sim mei corporis, quod equidem non aliter aspicio, quam vinculum libertati meæ circumdatum. Et Epist. 102. Proinde intrepide horam illam decretoriam prospice. Non est animo suprema, sed corpori, & dies iste, quem tanquam extremum reformidas, æternitatis est. Calixtus Tract. de animæ immortalitate sequentia refert. Descriptio regni Africani Guineæ, quæ primùm à Batavis edita, & post latina facta est, notat, Regni ejus incolas, de altera vita, & extremo Judicio interrogatos, respondisse, se quidem extremum Judicii diem prorsus

ignorare , affirmasse tamen aliam esse rationem hominum, & aliam pecorum, licet quæ hominum post mortem conditio foret, prorsus ignorarent, neque scirent, an locus ille, quo transferrentur, supra, vel infra terram esset : Nihilominus de suppellectile solere partem aliquam defunctis adsignare, ut quocunque tandem devenirent, haberent, quod ad usus quotidianos necessarium esset. Hinc patet, *inquit Author*, credere quidem eos aliquo modo vitam post hanc aliam superesse, sed resurrectionem mortuorum prorsus ignorare, existimantes, se simul atque moriuntur, in alterum mundum transferri, ubi varia suppellectile, perinde ac in hoc mundo, indigeant, unde si aliquid fortè perdant, ejusmodi statim concipiunt cogitationes, venisse forsitan aliquem amicorum suorum ex altero mundo, & illud abstulisse, quod eo carere diutius non potuisset. Atque hinc factum, (quod suo postea loco commemoratur,) ut singuli Nobiles, qui in aula Regi ministrarunt, ei defuncto mancipium aliquod largiantur, cujus ministerio in altero mundo utatur. Quin additur alios è mulieribus suis unam, alios è filiis unum offerre, atque hos inopinatò & nihil tale cogitantes trucidari, ne animadvertant, sibi cum Rege in alterum mundum proficiscendum esse, omnes verò cum Rege contumulari, ut unà iter faciant. Ad eundem ferè modum, de *Tartariis* narravit **MARCUS PAULUS VENETUS**: Quando corpus magni Cham tumulandum deferretur ad Montem Alchai, hi qui ipsum ad sepulturam comitantur, perimunt passim eos, quos in viâ obvios habent, dicentes: ite & Domino nostro Regi servite in alia vita. *Chinenses*,

sive rectius *Sinenses*, quorum religio purè pagana, sine contagio Muhammedismi, credunt omnes immortalitatem animæ, atque post hanc vitam retributionem bonorum malorumvè, prout quisque bona malavè gesserit, & ob id monumenta sepulcralia magnificè excisa defunctis statuunt. Credunt, in altero mundo vitam immortalem esse. Hæc de iis testatur *JANUS HUGO LINSCHOTANUS*, parte prima operis sui cap. 25. Quæ ipsa Janus quoque *Gonzales de Mendoza* Augustinianus magna adseveratione confirmat, Descriptionis Sinae libro 2. cap. 6. *Nicolaus Trigantius* Jesuita, qui videri vult res Sinensium certiùs cognitas habete & accuratius describere, quam hætenus alii fecerint, tres dicit Sinensibus Patriæ superstitionis esse sectas. Unam *Literatorum*, penes quos cognitio disciplinarum, & administratio Reipub. De animi immortalitate antiqui, ait, Vix videntur dubitasse, recentiores autem litterati, animos unà cum corpore, aut paulo post, extingui docent, unde neque probis Cælum nec improbis inferorum cruciatus assignant. Quibusdam hoc nimis durum videtur, ideò adferunt solos proborum animos esse superstites. Altera Sinarum secta *Sciequia*, vel *Omithose*, appellatur. Hanc legimus initio magno applausu invehì cæptam, ex eo maxime, quod animam immortalem, & alterius vitæ præmia clarè proponeret. Tertia *Lauzu* nominatur, hæc etiam de præmiorum ac pænarum locis agit, sed in loquendi modo discrepat non parum à superioribus. Hi enim suis Paradisum spondent ex anima simul & corpore constitutis, & in suis Templis quorundam effigies exponunt, quas hac

ratione in Cœlum evolasse fabulantur. Ista, & plura legi possunt apud eum, quem diximus *Trigautium*, libro primo de Christiana Expeditione apud Sinas, capite decimo. De *Peruanis*, gente barbarâ superiori Seculo detectâ, quæ *Josephus Acoſta* scribit, subjungam: Indi, ait, qui in Peru habitant; animas hominum immortales esse; ac pias vitam æternam, impias autem æternam damnationem manere credunt. Ideoque ad hujus articuli fidem suscipiendam adduci facile possunt. Corpora verò unâ cum ipsis animabus aliquando resurrectura esse, omnino ignorabant. Atque hinc, scribit, factum esse, ut de altera vita solliciti mancipia in exequiis suorum mactarent, quæ ibi à Ministeriis essent. Quinimò, inquit, mortuis quoque argentum in os, manusque ac sinus imponunt, ac duplici veste cadavera induunt. Siquidem persuasum habent defunctorum animas passim oberrare, & varias adfectiones frigoris, inedia, sitisque ac dolorum perpeti. Quâ causâ etiam quot annis vigilias ac supplicationes ordinarias instituunt, & defunctis tum cibos, tum potum, ac vestes necessarias subinde conferunt. Mox de *Mexicanis* idem ferè narrat, in exequiis Magnatum mori coactos, qui viventibus inserviando præstò essent, ut easdem in altero quoque Seculo operas præstarent, ne qua fors ibi commoditate Domini destituerentur: eodem etiam fine, inquit, una cum defunctis tot Thesauros auri, argenti, & gemmarum consepeliebant. Epure meos indigenas auriferæ provinciæ *Guianæ*, cum *Peruanis*, religione & opinionibus convenire, testis est *Gualtherus Rhaleg*, scilicet, credere eos immortali-

tatem animarum, adorare Solem, & uxores, quas habuerunt charissimas, uti thesauros quoque suos, sepeliendos secum curare; *Orenoqueponos* autem non sepeliri quidem cum uxoribus, sed cum omnibus suis Thesauris, sperare enim & credere, se post hæc tempora illis rursus potituros. *Taupi-nam-baultii* incolæ *Brasilie* & ἀνδροπόφαιοι, de quibus scribit *Johannes Lerus*, annum inter eos versatus, se non credere, gentem ullam in toto terrarum Orbe esse, quæ ab omni Religione sit magis aliena: Idem tamen, ipso teste, non modò immortalitatem animarum credebant, sed pro certo habebant, post mortem eorum animas, qui virtutem coluerunt, (virtutem autem illi definiunt suo more, nempe ultionem sumere de hostibus, & quamplurimos mandere,) post altissimos montes evolantes, patrum & avorum suorum animis aggregari, ibique in amœnissimis hortis perpetuis deliciis ac tripudiis lætum ævum agere: ignavorum contra Manes, qui sine ulla propugnandæ patriæ cura inglorii vix erint, abripi ab Hignam, (sic illi *Cacodæmonem* vocant,) & cum eo sempiternos intercruciatos vivere. De Incolis *Virginie* *THOMAS HARIOT*, Anglus, hæc prodidit: Animæ immortalitatem etiam credunt, eam statim atque à corpore soluta est, transferri secundum opera, quæ fecit, vel ad Deorum sedes, ad perpetuam felicitatem fruendam, vel ad ingentem fossam, seu scrobem, (quam extremis mundi finibus, procul ab ipsis, versùs occidentem sitis, esse censent,) ad perpetuum ignem: eum locum ipsi *Popogusso* appellant. Hæc illi homines, à nobis toto orbe divisi, nec locorum minùs intervallis,

quàm moribus & disciplinis : dicuntur Barbari, ut sunt quoque.

§. 3. Eorum itaque exemplo ostendere volui, quod de immortalitate animæ, & hujus post mortem beatitate, vel miseria constans ubique gentium sit sententia, è *principiis naturæ hausta*, quæ *videri queat*, non tam addisci quàm commasce, omni enim in re consensus omnium gentium, *lex Naturæ putanda est*, ut rectè *Tullius*. Simul animadvertere licet, ut iis, quæ vera quidem & è lumine Naturæ, legitimè deducta, superstruxerint falsa, vana & impia. Verum est, animas esse immortales, iisque post suum à corpore discessum benefore vel malè; at falsum est, felicitatem ob victoriam ab hostibus reportatam obvenire; Vanum est, supellectilem quasi in altero Orbe usui futuram contumulari; non autem vanum modò, & superstitiosum, sed impium quoque & crudele est, homines eo fine trucidari, ut defunctorum in æterna vita commodis prospiciatur. Interim tamen unanimis est omnium sententia : *Sunt aliquid manes; lethum non omnia finit*. Nam & de communi receptoque hoc consensu, quem faciunt opiniones vulgatæ gentilium, sive fabulæ de Manibus, Campis Eliiis, Tartaro; à Poëtis quoque, *Homero*, *Virgilio*, *Ovidio* decantatæ. Ipsæ enim immortalitatem animæ, quasi fundamentum substernunt, & nisi hac positâ, enasci non potuissent. Labet hic recitare aliquot *Prudentii* versus:

*Si tota mihi cum corpore vita peribit,
Nec poterit superesse meum post funera quid-*

quam,

Quis mihi Regnator cœli? quis Conditor orbis?

Quis DEUS? aut quæ jam meritò metuenda potestas?

*Ibo per impuros fervente libidine luxus,
Incestabo thoros, sacrum calcabo pudorem,
Inficiabor habens aliquod sine teste propinqui
Depositum, tennes avidus spoliabo clientes
Longævam perimam magico cantamine matrem.
Tardat anus Dominum dilata morte secundum,
Nec formido malum, falluntur publica jura;
Lex armata sedet, sed nescit crimen opertum,
Aut si res pateat, Judex corrumpitur auro,
Rara reos justa percellit pœna securi.*

De Resurrectione Mortuorum elegantissimè scribit DAMASCENUS lib. 4. c. 28. de orthod. fide: *Non impotens est; qui in principio ex pulvere terræ corpus constituit, rursus resolutum & conversum in terram, ex qua sumptum fuerat, secundum Conditoris dictum, iterato suscitare illud. Si non est Resurrectio, manducemus & bibamus, & voluptuariam deliciosamq; vitam transigamus. Si non est Resurrectio, in quo differimus à rationis expertibus? Si non est Resurrectio, beatas dicimus agrestes feras, jucundam, tristitiaq; carentem deducentes vitam. Si non est Resurrectio, neque DEUS est, neque Providentia, sed casu cuncta ducuntur & feruntur. &c.* THOMAS. part. 1. quæst. 76. artic. 2. scribit: *Animam habere naturalem aptitudinem & inclinationem ad corporis sui unionem, quinimò animam corpori unitam esse perfectiorem, quam*

ab eo separatam. ATHENAGORAS in Orat. de Resurrectione hæc habet: *Appetitus aternitatis, quoniam toti homini est insitus, fit, ut totus homo immortalis sit, reddetur ergo corpus luci & vitæ, & hominem totum non in alienum usum DEUS retulit, sed ad actum procreavit natura sua intimum & congruentissimum, ut DEUM amet, imitetur, fruatur.* Sed hic jam pedem figimus!

Gloria sit soli DEO in secula!

F I N I S.



Errores insigniores corrigendi.

- Pag. 4. lin. 17. *Erudissimos*, lege, *Eruditissimos*.
Pag. 5. lin. 15. lege, בלבו.
Pag. 12. lin. 6. *dissemitarit*, pro *disseminarit*.
- - - lin. 16. *assirnat*, lege, *assirnat*.
Pag. 22. lin. 23. מין, lege מין.
Pag. 25. lin. 2. *inventæ*, lege, *inventæ*.
Pag. 26. lin. 20. *antiquissimum*, lege, *antiquissimam*.
Pag. 31. lin. 27. *quàm*, lege, *quùm*.
Pag. 37. lin. 24. *infinitos*, lege, *infinitas*.
Pag. 49. lin. 24. *eum*, lege, *ei*.
Pag. 51. lin. 26. *perhibere*, lege, *prohibere*.
& lin. 19. *Tobu ve dohu*, lege, *Tobu va bohu*.
Pag. 57. lin. 11. *Itaila*, lege, *Italia*.
Pag. 61. lin. 13. *neque Ecclesiis*, lege, *in Ecclesiis*, vel po-
tius templis.
Pag. 74. lin. 25. *Metoris*, lege, *Meteoris*.
Pag. 78. lin. 14. dele *ejus*.
Pag. 81. lin. 38. *litatis*, lege, *citatis*.
Pag. 84. lin. 18. *suspicientur*, lege, *suspicientur*.

